

綏甯縣志

卷六

綏甯縣志目錄卷三十六藝文上

綏甯縣知縣方傳質續修

劄子

舊序

舊跋

申文

詳文

綏甯縣志

目錄

一

藝文



文所以載道也亦所以紀事其大者曰詔書曰劄子
卽古之謨誥體也其次爲傳爲記爲錄爲序爲引皆
謂之文而皆各有其事至若音韻之文或上紀政治
之休美中述名教之幽光下及山川風景之感會非
苟焉而已也綏雖邊鄙然歷朝之經制前哲之篇章
與夫騷人逸士之覽物興懷可編諸策而無愧者宜
次其先後輯其散失以備考稽焉

按楊氏舊志曰文以記事卽以闡道如子由三劄

綏甯縣志

卷之二十六

藝文上

一

有關治亂興衰至今可爲鑒戒其餘或修舊起廢
之所記載異政碩德之所揄揚申詳利弊之所關
係非僅云文章已也博而採之以俟後之君子得
攷焉

劄子

論唐義問處置渠陽事乖方

蘇轍

臣竊見朝廷近差唐義問處置渠陽事識者以爲義
問無他才不習邊事去年受命廢渠陽軍爲彝人所
圍困危蹙迫計無所出始知沅州胡田在圍爲設詭

計詐欺諸彝言義問當爲奏復軍額及乞酋長加官
彝人信之義問假此僅得脫歸尋遣急迎前奏言既
不驗諸彝俱知其詐後來每每作過義問指揮沿途
不得伸報今來朝廷以邊事付委義問深慮無益有
損是時臣不知義問爲人既見朝廷再加選用疑亦
可使今訪聞邊奏沓至義問所遣東南第七將王安
入界陣亡其陷歿將校非一方知衆議果信不妄兼
訪聞見今作過楊晟臺等手下兵丁五千人雖種族
蟠踞溪洞衆極不少晟臺桀黠屢經背叛慣得姦便

加以山谿重復道路險絕漢兵雖有精甲利械無所
施若措置得所本無能爲若計畫乖方實未易撲滅
義周前奏妄動已爲彝人所輕今復經敗衄實難倚
仗蓋古今命將必因已試之效內則兵民所信外則
彝虜所畏威名已著故功效可期今緊急屢聞死傷
已甚理宜別加選任以遏寇擾臣竊知潭州謝麟屢
經蠻事頗多勲績溪洞之間服其知勇衆議皆謂欲
制羣蠻未見如麟者伏乞指揮密院檢前後履歷功
狀如衆言不虛乞賜委用庶幾蠻事可速平定臣區

區憂國以補萬一貼黃湖北與蒔竹本羈縻徽州鎮也訪聞昔雖置爲州縣然與沅州等處事體不同蓋沅州等處昔用兵誅鋤酋領徙置內地蕩平巢穴故所置州縣久遠得安今渠陽時竹雖名州縣而彝人住坐一皆如故城池之外卽非吾土道路所由并係彝界平時且軍食庾廩空竭兩路今欲舉而棄之實中國之利也然其兵民屯聚商賈出入金錢鹽幣貿易不絕彝人由此致富一旦廢罷此利俱失此其所以蓋死爭占而不已自來廢置寨堡全護兵民捍禦

追襲其事非易况今彝人阻絕道路兵未得進若不
得良將處置實恐爲患不淺其族種遍據諸洞跨涉
湖南北廣西三路凡有措置當使三路同之只如渠
陽先發爲患則蒔竹勢難獨存今朝廷獨使湖北處
置其事恐有未盡今若別遣官經畧通管三路邊事
所據諸處利害不致牴牾

又劄

臣前月二十四日面進劄子以唐義問處置渠陽事
前後乖方致東南第七將王安入界陣亡恐邊患滋

長乞速選差諸知用心之人徃代其任又聞義問兵敗之後奏乞棄城寨與蠻人請和其爲暗弱謬誕取笑蠻彝如此然其事已者伏計朝廷不復用然外人切見召還彭孫以此自任羣疑詢詢皆所不曉謹按彭孫劫竊之餘賊性未改前後委任欺罔貪盜靡所不爲今若付以兵柄深恐塗炭湖北非州縣所能禁止蓋蠻人背叛不過侵撓邊城若使彭孫作過腹心郡縣並遭其毒前者誤用義問止於敗事今者若用彭孫兇險多端事有不可知者以臣愚見雖知朝廷

必不肯輕用此人然衆所共憂不敢默言待旣用而後獻言實恐於事有損伏乞聖慈檢會臣前奏早賜施行

又劄

臣近再論唐義問處置渠陽邊事乖方致渠陽蠻寇賊殺將吏乞置義問以正邦憲更選練達邊事老將付以疆場今經多日不蒙施行訪聞執政止以臨敵易將兵家所忌爲說雖知義問處置顛倒至覆軍殺將猶復隱忍不卽令代雖遣衡規徃視然規凡人未

嘗經練戎事何益於算徒引歲月坐視邊人肝腦塗地臣甚惑之謹按義問所爲蓋全不曉事留在邊上一日卽有一日之害昔趙任廉頗以趙括代之而敗秦用王齡以白起代之卽勝蓋臨敵易將顧代者何人耳今執政乃以虛文藉口終欲庇之遠人何辜日被塗炭若非陛下哀矜四方擢命賢將徃代則臣恐陷没生民未有已也兼臣訪聞渠陽諸彝蟠據山間道路險絕中國之兵入踐其地雖跬步不得便昔郭逵知郡州困於楊光潛李誥從章惇自沅州入境過

界取之逵誥皆西北戰將然並有敗而無成者地形不便也今朝廷已指揮諸道發兵數目不少然將非其人恐旣不得戰又不能守老兵費財漸至腹心之患深可慮也今朝廷欲棄渠陽然其中屯戍之兵不下數千義無棄之羣蠻爲魚肉要使畧行討定使之畏憚首出渠陽兵民然後可行臣訪聞湖南北士大夫皆言羣蠻難以力爭可以智伏欲遣將相兼守鎮必用土人欲行窺伺攻討必用土兵捨此欲以中國強兵敵之終不能成其算然此可以智伏臨事制宜

難以度也臣前日嘗以衆人言謝麟屢經蠻事頗有
勞效乞賜委任朝廷置而不用者蓋必有賢於麟者
惟乞速遣以紓邊鄙之患至於義問決不可望幸陛
下無疑也又聞渠陽諸蠻與宜州羣蠻相接宜蠻部
族衆多與渠陽諸蠻合謀作過勢亦猖熾卒難剪滅
乞指揮廣西預行招撫雖不得其用但勿與協力亦
不爲無益

綏甯縣舊志序

巡道 祝 昌

昔漢高入關鄼侯先收圖籍遂周知天下阨塞戶口而後參平通倉諸人因而綜理之漢代規模所由宏遠武侯不志蜀百世猶譏之考亭以侯急王事未遑及此然漢世祖之輦雒隋開皇之賚絹唐貞觀之四庫宋太宗之購遺明高宗之遣將入燕先收秘書又何其暇耶蓋開剏聖王每鯁鯁於故府非侈具文正籍以悉四海一民尺土之利若病而後出政蒞民訓方型俗乃有其條理爾我

綏甯縣志

卷之三十六

藝文上

七

朝定鼎嘉意元元於丈田蠲賦繕垣興學外卽

詔修一統新志三楚督撫兩臺祇承會議彙修楚書檄徵郡縣志以襄鉅典乃楚南半壁塊比苗獠順治十年命以經畧視師浸入輿版綏甯又其最後令且數易百事俱廢越康熙四年虎林楊子奉

簡蒞斯黽勉從事集流散宇鰥孤鋤莠育良葺垣興學幾於政成人和始謀邑志以應上檄爰取一邑之山川土田人戶版籍民情風俗以及官師食貨藝文旁搜博採勒爲新書問序於余余一再披覽封畧之僻遠

山水之險厓星文人物風氣丁戶賦役之詳且悉無
不堪然卽間有未備以俟後之東里未晚也今夫志
者志也在上志牧民在下志嚮道則吏治以是修民
風以是敦孔子所謂託諸空言不如見諸行事之深
切著明者此物此志也綏甯勉乎哉若政治無裨僅
臚空言以侈紀載亦甚非所以答

聖朝鯁鯁故府沛溢德教之大旨矣

舊志序

知縣 楊九鼎

自秦改列國爲郡縣今之蕞爾小邑猶大於古侯伯

綏甯縣志

卷之三十六 藝文上

八

之國邑有志卽國之有史也志以誌事不貴文而貴
實有旌別之義焉晉之乘楚之檇杞魯之春秋一也
就一邑中輿圖沿革星分野地分疆災異山川形勝
風俗城郭宮室田賦戶口徭役物產秩官人物貢舉
節孝方外詩文條分而類析之沿革何以興廢分野
何以災祥山川何以形勝風俗何以醇漓財賦何以
盈虛戶口何以消息徭役何以歌平城郭宮室何以
修圮秩官選舉何以得失孝子節婦何以有無有則
必書書則必據其實蓋事志而所以志之意在焉事

舉而舉事之義存焉斯修志者之意乎綏邑自己亥
始入版圖僞營盤踞十餘年旋得旋失十數次兵燹
之餘文獻無徵今奉上檄取舊志殘篇日夕窮搜竟
無完本得萬歷年間舊令秦君所編綏甯通記十數
篇畧而不詳以靖州通志分爲三十六條每篇各志
其概明經周又茂復加編輯夫綏處楚幅之極邊地
曠而俗悍易動而難安古之命名綏甯者蓋亦有取
意焉牧茲土者可不惟事撫綏以甯此邑也歟故志
成而謹序其端

舊志序

知縣 范成龍

國有史郡邑有志草野有書皆有事於紀述者也非有以紀之則天文輿圖山川形勝租賦徭役與夫風俗人心忠孝節烈之事皆無所考據其何以徵歷代之建置沿革爲觀風問政陳詩貢俗之資耶綏隸楚徼介在邊陲雖非大都會然四山環拱河水如帶亦足以壯金湯半壁壬戌冬予奉

簡命來宰於斯爾時城郭邱墟荆榛滿目正值大兵凱還陸行徵夫水行索舟之日諸務紛紛予方竭持籌之

綏甯縣志

卷之三十六

藝文上

十

力以期竣局及至公餘始流覽山川訪披圖籍而兵燹之後又經殘缺蒐之遺言訪諸父老俱無證驗越數月餘始得前令楊君九鼎編輯一書內列高君應冕秦君任劉諸篇暨邑之彼都吟咏咸爲採輯間有年代舛錯者補叙之姓名之訛誤而濫竊者釐飭而校正之俾天文分野之纏度以明疆域界限之繪圖以悉山川形勢森羅循良政績迥別人心風俗之樸茂孝行節烈之孤高至於戶口田糧租賦徭役乃國計民生之所賴具有成規城郭道梁郵亭館舍爲黼

黻太平之治具次第增修其所以建置沿革皆犁然
具備而較若指掌矣增補成帙付之剞劂倘亦觀風
問政陳詩貢俗之遺意乎是爲序

又序

教諭 費映蓀

史也者天下之志志也者一邑之史也周官小史掌
邦國志外史掌四方之志以察民俗以稽吏治郡邑
視古侯國而無史官經世之士應厥任者以時攷事
廢興沿革脩一方之史亦猶行古之道也故志也者
據實記載之書也非實有其事則不敢記不可記且

綏甯縣志

卷之三十六

藝文上

十一

不必記夫身寄百里之命山川賴以奠民生賴以休
風俗賴以醇學校祠祀官府橋梁溝塗亭館郵舍賴
以修非善綜理矢忠愛之忱兼以猛擔當具菩薩之
行者惡能於錢穀簿書之外經營規畫之罄宜耶苟
得罄宜者於此則實有其事又烏能以無記哉范侯
蒞政六載廉正而仁恕明作而惇大詩稱豈弟君子
民之父母者也當奉

命蒞任之日正值兵戈擾攘之秋城郭邱墟荆榛滿目慨
然念縣治一邑之觀瞻儒學斯文之根本遂於二十

二年加葺衙署二十有三年捐修文廟凡以敦本圖而肅瞻視也是年縣之西距城四十里有坡曰烟墩悉皆飛岩鳥道公爲建立茶亭縣之東距城八十里地名關碇行旅病涉公爲建立定遠橋橋之西有小橋橋之側有溥泉亭橋之上有范公亭悉命廩生李若樑董其成焉且復置田十五畝以給守橋僧用意周至所以便往來而溥利濟也不甯惟是又慮其忠于民而未信于神也城以內有關帝廟城隍廟以西有勝力寺韋馱殿二十有四年咸構新之關廟之

側房城隍之後殿復於二十有五年而鼎建焉且每年捐俸十二兩給僧以供香火次年大旱祈禱甘霖立沛神若默相之者越二十有六年重葺大堂捲棚凡城垣門樓莫不煥然改觀他若楓門磨石二嶺之間施茶以供往來皆人所視爲繁且難者而侯樂爲之故予凜凜於不敢記不可記不必記之心不得不爲范侯一一據其寔而記載之是蓋祖述編年例也亦春秋之意也然則斯編也以之爲志也可以之爲史也可以之爲郡邑之史也可卽以爲天下之志亦

無不可故曰志也者據實記載之書也敬以脩列而爲之序

舊志序

貢生 周文濂

嘗攷周官三百六十六宰而下有小史以掌邦國之志志之爲鉅典也久矣我綏舊志無稽明萬歷間秦侯通紀一書闕而不存滄桑之後生斯土者皆無能識康熙四年我邑侯楊公奉

簡茲土城郭藜蕪人民凋耗三年令且數易百度俱廢若俗吏者儔莫不病草昧之難安也注厝之何施也廼

綏甯縣志

卷之三十六 藝文上

十三

我侯慈祥成性淡泊居心修己治人之道得之學問者深學道愛人之旨出之性情者裕天文地理諸書無不周悉亟復舊縣以重根本之計實心實政與民更始撫予遺而安全之舉噉鴻而還集之弊革利興躬庶政而修明寓撫字於催科察人情風土之宜施政教明倫之大四知以勵官箴六諭以飭民行諸有營繕漸次而成勞心八載政簡刑清可謂政通人和百廢俱興今奉檄徵志乃窮搜殘簡訪之故舊而成是書文濂幸與編緝臚其條三十有六縣界縣圖疆

域之周廣以明分野山川上下之律襲以脩災異有書人事之修揀宜豫形勝有紀地形之阨險以著風俗載而貞淫以別署宇紀而體統以分修學校以妥先師而人材育崇壇廟以隆祈報而災禳消兵防脩而鮮竊發之憂郵舍清而無徃來之擾都賦戶役徵閭閻之盈縮而輸好義物產食貨察土地之毛實而昭物宜人物宦蹟以辨賢良封蔭節烈以表殊俗方外之必記詩文之必錄條列井然斯志不堪與周禮周官之書並垂不朽也哉蓋一邑雖小可以天下之

治術通之侯非百里才也賢聲懋著異日登樞要而扼天下之輿圖宏著作以襄

昭代之盛烈由此推之有餘裕矣

續修縣志序

知縣 程際泰

歲著雍執徐余承上憲特 題躬膺

簡命來宰茲土下車時吏循故事鈔呈綏志一冊蓋創於高繼以秦楊成之而范刻之者也楊序稱秦君所編通紀十數篇固已畧而不詳則高之爲志可知矣范志刻於康熙二十七年距楊序之年甚近而三十六條亦與楊合則其無所增飾又可知矣夫康熙二十七年歲在戊辰迄余來任之歲甲子一週其間天道人事變遷轉移之待紀者甚多卽范刻尙存猶當續

綏甯縣志

卷之三十六

藝文上

十五

之而况昔年黎棗久已化爲飛塵蕩爲太虛抱殘守缺傳抄日訛謂非守土者責哉然時值苗獠蠢動之後餘風未殄瘡痍未復庶事待康無論襪線才短不暇及此度亦非上 憲獎拔薦揚量地官人之意也於是爲之明罰勅法以戒之革蠹去弊以休之多設學塾以訓迪之爬剔棼絲久乃就緒庶幾古人所謂綏之使甯者而未敢自信也辛未赴省晉謁 撫憲楊公公詳詢吏治隨及邑乘意若可以從事於斯焉其明年冬乃得吳郝諸君暨城中紳士設局分職或

司採訪或司纂輯或司謄寫余從簿書之餘手自裁定俾無遺濫復得分宜嚴樂園先生討論而修飾之然後質不傷野華不失誣計爲條較范志幾倍其二卷倍五帙倍三選梨殺青越歲月而後成余思綏自建置以來歷官可考者指不勝屈而其爲志者祇此數人且又爲之不及成成之不及刻豈不難哉余之來也與昔人刻志同歲非偶然矣夫宰修厥志以治天子之土地人民猶子孫保契券以理祖父之基業也無契券則基業不能理不能理而徒契券抑豈賢子孫

乎用揭簡端以告來者且自警焉

續修縣志序

軍功 李濟

志於方作之口創例爲難志於既作之後因循似易然創者可以如我意爲之續者當抱殘守缺之時旣不能聽其遺漏又不敢自作聰明則視作爲倍難矣綏志雖明嘉靖萬歷時高侯秦侯兩次編輯皆畧而不詳康熙間復經楊侯譔次范侯又繼修之然兵燹板燬卒無完書宰我邑者欲續而志之不亦難哉戊辰歲我侯程夫子擢任來茲本愷悌之性展經世之學甫下車卽以崇學校勸農桑爲首務由是弊革利

綏甯縣志

卷之三十六

藝文上

十七

興六年之內田野益闢人文蔚起卽蠢爾苗獠莫不欣欣向化綏治煥然一新焉獨是舊志散佚其間疆域之廣袤山川之險易建置之沿革風俗之美惡文治武功之得失戶口賦役之消長與夫官師人文優行貞節之實蹟久而無徵勸懲莫籍此公之所以倦倦于茲也越癸酉春因與學師吳郝二公商定圖修命濟同功貢楊溥副榜幸超士監生黃三才相與校讐編輯公親加筆削旁博務搜其遺叅攷必正其訛不溢不隱寓好惡於勸懲之中用是數百年之興革

建置得失毀譽昭然在人耳目之前而綏志於是乎
備以視方作之志不啻醴酒之于元酒鉶羹之于太
羹也濟不敏幸勦斯役慕 公之明服 公之精感
公之澤吾綏者百世未替也爰述顛末以志不忘謹
序

續修綏甯縣志序

知縣 林聯桂

文章拋棄愛功名詩爲州縣外吏言之也然陸務觀讀呂詩至此又有句云到底文章差得力至今知有呂衡州則知縣吏固重功名而文章亦不可廢也縣之有志治縣之譜也此尤文章之大者其可廢而不修乎顧有修之八九十年而不成者有修之八九十日而竟成者且不獨縣志之成已也且與續修之州志以俱成不獨州志之成已也且與更正首縣之州志以俱成夫志書之續修者多矣未有三善皆得三

月告成如綏甯縣志之速者也綏甯隸靖州首縣自祝志續修而綏邑缺少經費遂抑置末縣近百餘年矣州縣志之不修亦八九十年矣道光戊子夏六月余來權茲邑適魏州憲有捐修州志之諭於是與諸紳士籌捐州志之費州志修而首縣不可不復也於是與諸紳士籌復首縣之費首縣復而縣志尤不可不修也於是與諸紳士籌修縣志之費當是時三役並興一肩獨任不待旁觀之顧慮在當局者已知其難矣然余初不敢以爲難而遂已也乃申州尊乃遴

首事乃勸捐募乃釐舊稿乃促開雕經始十月閱臘月而訖功於戲何其速也余嘗攷古今縣志當以康對山殿撰之武功志爲第一以其本邑人志本邑事故能簡而當詳而賅也今綏邑志稿纂於邑孝廉袁君齡學博胥君文元明經龍君池雲殆亦邑人而撰邑志者余從公庭撥冗定其義例正其脫訛庶幾簡而當詳而賅者也斯亦縣吏文章之一端也若夫急公趨事踴躍爭先典闕百年功成一旦則邑人士鬱久煥發之勢歡欣鼓舞之氣爲之也勢以鼓氣氣以

生數數以符理氣機開焉祥瑞出焉則又邑人士奮發於功名之會之先聲也此尤余之所屬望也夫

續修綏甯縣志序

教諭

李南英

邑有志猶國有史也作史之難在才與識吾謂識尤難於才而邑志較難於國史國史之修以郡府州縣志爲憑而郡府州之志以縣爲據我

朝觀文成化屢下

制詔飭令修志有成者有待者非有待也有才不自露才而識亦無由見爾綏邑唐名徽州宋號蒔竹自崇甯

至今稱綏甯書曰綏厥士女詩曰旣安且甯此物此志也英來司鐸是邑職以文教爲任適志局告竣因以得其梗概焉志者誌也班作漢書本司馬八書創十志而志之名始此以故後之修志者先星野次地輿重民賦隆學校崇祀典經文緯武介壽榮封以及選舉歌咏節烈仙釋流寓惠政之條分門別類咸本史漢之體爲例在在皆然無足異者然欲於無異之中而裁雋異之體是在乎主持者之才識耳且才與識相濟而行相輔而成者也豈特拘文牽俗循誦習

傳鋪張揚厲當世取說云爾哉必從實不拘其人變法不拘其迹省文不恤其簡存缺不恤其詳具此四者乃質之先儒而不謬載之簡編而可傳江淹有言曰修史莫難於志其信然耶綏志創於前明厥後續修兩次迄今八十餘年矣戶口日增人文蔚起山岩隱逸之士實行可表者更僕難悉數諸君子奉邑侯辛山先生命採訪者若而人纂修者若而人經理繕書者若而人增所當增減所當減寓法戒於懲勸其有關於世道人心者甚深稿成上之邑侯再加筆削

崇論閎議其才雄也發微闡幽其識卓也濃薰班馬
煌煌乎大觀也政令於是出德教於是成豈非一邑
之幸哉是爲序

續修綏甯縣志序

訓導 彭 汲

吾南楚十數州郡多山川盛人物饒食貨志方輿者
往往豔稱之然或第詳夫都會而畧其旁邑則其所
豔稱者猶未悉其全也綏甯屬楚邊徼隸靖首邑其
山川紆折人物蕃昌食貨充足號稱沃壤蓋自前代
已然

綏甯縣志

卷之三十六

藝文上

二十二

皇朝建久大之規善安全之策戢苗內附民生茲土沐膏
咏勤生齒繁而衣食自裕禮義興而文章日著猗歟
休哉視昔時之平康殆又過之顧承百餘年度富教
澤之施以有此人心風俗之美而無圖籍以紀其實
不虞其隱而弗彰乎此我辛山明府來守是邦因邑
紳士之請而亟亟謀重梓也攷綏志創始自前明嘉
靖萬厯繼述於我

朝康熙乾隆間迄今又閱八十寒暑其間天道之變遷
人事之轉移待紀於吾人之楮墨者何可勝數而忍

令其隱而弗彰耶屬在官師於心慊乎不慊余以乙酉冬來訓是學閒嘗與前任秋江陳公商及邑志之修皆以付剗劂爲難事今幸是志之速成雖邑人士踴躍趨公然非賢令尹專主之力不及此語云登高一呼眾山皆磨因知天下無難立成之事吾人又何存因循苟且之見是志出而問世將見綏之山川人物食貨必有爲人所豔稱者不誠與南楚十數州郡競傳歟是爲序

續修綏甯縣志序

舉人 袁 齡

綏甯縣志

卷之二十六

藝文上

二十三

志者史之流也自班固易史遷八書爲十志史家宗之而志遂爲史之一體顧史以博綜往古善否可以直書志則采輯近今去取難以臆決自非明而能斷公而不阿者未易語於斯也綏之志自有明以迄

國初高秦楊范四經纂述或渺而難稽或畧而未詳至乾隆十九年程侯始彙輯成書爲卷二十爲條三十有六視前較備矣嘉慶二十一年 大憲檄徽州縣志本以備楚書竝頒格式以昭畫一邑人士呈請前任陳侯命齡與學博胥文元明經龍池雲菟討舊編

補正譌缺因人心弗協稿未完而中止豈事之成毀有數存乎其間耶抑邦之鉅典待其人而後成耶欣逢辛山林大父墓以名進士宰茲土甫下車卽以興起文教爲先務公餘披閱志稿謂宜付之剞劂以備一邑之掌故召_齡與諸同事更加考訂奉命之下深以綆短爲虞竊以言之無文不過失之固陋紀之弗實則將見嗤荒謬如三豕渡河未審日之爲亥五星聚井不察月之在辰是也以剛直自秉不過取怒一時恣己徇私則將得罪後世如索米弗獲而闕丁儀

之傳貢金則納而掩爾朱之惡是也計惟矢公矢慎不遺不濫凡所敘次一遵頒式法象莫大於天地則星野之躔度輿圖之廣狹必先明之次則建置之沿革山水之流峙溯其年代析其原委而疆域所統形勝所據瞭如指掌焉度地以居民任土以作貢則戶口田賦必詳設險以守國扼要以制勝則城池關隘必紀臨民有所育才有地則公署立而學校設焉享神有儀妥神有宇則祀典祠廟修焉若夫文經武緯化行俗美政績紀乎官師選舉登乎俊又皆歷歷如

見焉他如古蹟可以攄懷舊之念寺觀亦以寄方外之踪有其記之不必刪也權稅非地所出仙釋亦世所稀無其實焉不容誣也若列女若人物若藝文則又毀譽恩怨之所自出也登之疑爲貢諛畧之詆爲蔽善要必節實足以厲松筠品實足以立模範文實足以經世而行遠始爲臚諸簡牘以垂不朽則鷄晨燈夕所爲履冰誓日與同人反復辨論者何敢掉以輕心也又况稿甫脫卽請政於賢邦伯芟繁正謬細加裁定然後付梓則是書之成上以彰歷代之遺跡

下以垂奕禩之憲典近以備軒輶之採擇於以見聖天子文教之覃敷初不限於方隅也何幸得躬逢其盛也哉是爲序

修學宮序

教諭

陳信中

辛丑冬余奉

命承乏茲庠爾時南方初闢雖三家之村甫定而百室之止未盈致令禮樂輝煌之地鞠爲茂草而不恤乙巳秋楊君來牧是邦下車之日將行釋奠禮而無其地擬卽刱建學宮以妥

聖靈又以三年之內五易其令諸務叢脞恐不免於道旁之築今閱二年政和而化洽遂力以誅茅鋤棘爲任徧訪形勢概不稱意仍於舊址內特新之以今年

綏甯縣志

卷之三十六

藝文上

二十六

仲春月取材伐石爲修復計因命余言以告同人余思帝王以兢業爲宮庭以恭默爲宗廟以三綱爲社稷以五常爲封建而萬世於以有皇極師以道德性命爲奧以中和位育爲堂以誠敬忠信爲基以忠孝節義爲廊廡而萬世於以有學宮蓋德帝之德功王之功而位不帝王之位帝者王者萬世師之可謂尊嚴而無偶矣是故休戚天地享祀不爲久離宮閣道丹楹不爲僭蓋非盡倫盡制不特無以達崇德報功之誠而且無以昭化民成俗之盛也每怪世人於淫

祠邪祀則多方捐助以濟其不給至學宮毀廢則過而未嘗問焉棄風化之原而崇寂滅之教人心大壞莫甚於此孟子所謂楊墨之道不息孔子之道不著也今儒者既志乎孔子之道則禘其所自出後學固居然先師之宗子矣使伐削之以樹而搖蕩之以風雨爲宗子者顧弗肯堂構而經營之興寤其能以卽安乎但天下事獨力難成衆願爲大經理次第須一以實心實力共襄盛舉異口者殿廡巍巍几筵煌煌余將隨縣君之後約諸生於堂而課之相與闡德性

問學之旨焉修兵農禮樂之教焉儲六德六行六藝之材焉嚴利義之辨大勸懲之典倡明古今文辭詩歌之學焉經濟文章品行科目有一不出於其中乎語曰水由孟約金以範成是故鎬京首辟靡魯頌先類水所以崇本務而正人心也綏甯山川壯麗士民儉樸而人文寥寥不大發越果材有以限之歟毋亦先師之靈未妥無以育多士而使然也縣君有父母之任余亦均有師訓之責則斯舉也豈可視爲緩圖而漫不加意哉凡我同人當有同心幸勿以余言爲瑣

屑也而譏之

綏甯縣志

卷之三十六
藝文上

二十八

重修學宮序

知縣 范成龍

學以明倫其來尙矣故鎬京首建辟廱魯頌先臨類
水由歷代以及我

朝自國學而至鄉校莫不望宮墻而起敬環縫掖以朝
宗也余於壬戌之冬承乏茲土瞻拜學宮見其距東
關城內相去不遠然規模僅存儘多缺畧因詢諸宿
儒繙閱舊志方知野分翼軫之墟材號荆湘之美枕
高功撫文筆群峯獻秀一水泓流誠地氣所鍾而文
脉攸關者前此賢書屢薦則有楊通遜龍起淵六七

人之舉業同揆科甲聯登則有楊正恒龍起雷二三
子之聲華併重固云培育之多材實乃發祥於聖學
自明末以來學宮成烈焰之灰士子失教育之地以
致鼠鼯伏穴難伸俎豆之儀荆棘叢生莫覩人文之
盛雖

先聖在茲之靈鑒觀有赫而後人仰止之念趨步無門
卽向來之宰茲土者朔望非不往也惟望空四拜而
言旋春秋豈無祭乎僅獻爵三登而禮畢周道茂草
可勝慨哉至康熙乙巳年前令楊公慨然以修學復

古爲己任偕教諭陳君相其舊址先建正殿次建明倫堂而兩廡櫺星漸次修舉楊公之治綏可謂知所先務矣後甲寅又值僞變學舍荒蕪豆缺籩殘欣逢今上御極以來首崇文教不惟禮隆樂備曠代未有卽於萬世師表

御書四字普天之下炳若日星余職叨守土志切論文向以軍興旁午有志未逮每念

先聖憑依之所當思金聲玉振之遺矧多士科第攸關可忘宗廟百官之論用是捐俸庀材鳩工因啟聖祠

綏甯縣志

卷之三十六

藝文上

三十

之久圯則重建之明倫堂之傾壞則重修之至于兩廡正殿櫺星二門則又因其舊制粉堊而丹牖之矧今師鐸者令聞珪璋如袁費諸君子皆足以輝煌宗廟矜式國中諸生共澄心古道取法先民觀文筆凌雲當奮凌霄之利器撫高功春色勿負春浪之桃花行將英才霞蔚譽髦雲蒸蟬聯鵲起諒不獨楊龍諸先哲擅美於前矣余之願也亦多士之幸也因述其始末而併序之

募遷學宮序

教諭 劉定麟

學宮之設以妥

聖靈而崇俎豆敷文教而育人才者也故辟靡泮水自古卽隆其典綏邑學宮昔年建立城內自康熙庚寅歲改遷虎谿山規模草創工未成而遂寢歷今二十年來荒山僻地蔓草寒烟莫覩輝煌之盛以爲一邑光同人目擊心惻者久矣欣逢

皇仁浩蕩重道尊儒所在學宮傾壞者次第重修昨冬闔邑紳士具呈邑侯陳公詳請遷建已蒙上憲允議陳

綏甯縣志

卷之三十六

藝文上

三十一

侯復親臨學宮舊地相其基址度其形勢覺規模宏敞較勝虎谿山願謂衆議可行但思

文廟重地實爲一邑文脉攸關凡鳩工築基採木伐石經營建造工繁費鉅天下事獨力難成衆擎易舉非協力同心爭先踴躍其何以共襄厥盛乎嘗歎佛堂道觀好事者不惜多方捐助重修創與刻桷丹楹窮極華美謂其功德無量造福不朽也矧

先聖爲萬世師表啟禮義忠信之門立文章性道之宗後之人習詩書而沐教澤列衣冠而輝門第者何一

不由於此其爲造福視二氏何如而反令萬仞宮墻
置之荒郊寂寞之野泛然相視畧不經心寤寐寢興
其能安焉否耶夫學宮遷建城內毓秀鍾竒映高功
之春色撫文筆以凌雲倘更爲寶塔增其尊嚴將見
聖靈安而俎豆宏文教興而人才盛由此秀傑輩出科
第蟬聯安知綏邑聲名不嘖嘖著聞於湖湘間哉凡
諸同人諒有同志其共矢崇德報本之念毋存且前
且却之心斯一邑盛事計日觀成告竣之時將勒諸
貝珉以垂久遠俾後之覽者皆相與誦說於勿衰也

豈不盛哉是爲序

增建書院義學書塾並修明倫堂序

縣知

程際泰

漢史云能於馬上得天下不能於馬上治天下此言誠千秋不刊之論况綏邑苗猺襍處新隸版圖命名綏甯惟冀蒞斯工者以撫字爲先而甯人之意實於茲有厚望與然則移風易俗使百姓回心而嚮道非武健嚴酷之吏所能刑驅而勢迫也余宰斯邑仰體聖朝敷文教之意次歲卽增建崇甯書院因其舊址擴而大之鳩工庀材不辭勞瘁且延明師以鼓勵多士文風爲之不振至義塾之設向有五所惟界溪赤坂草

綏甯縣志

卷之三十六

藝文上

三十三

昧未開苗猺初化急於界溪建塾顏曰歸仁赤坂建塾顏曰道南又慮其久而漸弛也爰各置腴田八畝歲收其息爲久遠計又念樂安蓮荷北通滇黔子衿絕少爰度地興工仿黨庠州序之意四術崇則人材出五教敷乃風俗茂泮宮之明倫堂邑紳士飲射讀法之地厥典綦重歲次傾圮余亟修治之以肅觀瞻此皆自捐廉俸未重累吾民用以仰酬

皇上特達之知實非好大喜功博紀載之美名也嗟乎爲民上者公家之事視如郵亭傳舍非特地方學校未

遑整理卽公堂官廨有漂搖於風雨而漠不關心者
余先君出宰江西一以教養爲先務卽諸父昆季爲
守令者俱於地方有所裨益余性素儉約飲啜之外
稍有餘輒爲公用固家訓也况綏極邊徼撫綏之道
安可不急講耶綏人士倘諒數載之勤勞共揚光華
之文治則余之願也謹書其大畧如此

修文昌宮碑序

知縣 李方穀

斗魁戴筐六星爲文昌宮主之者

梓潼帝君學士大敬禮焉歷代相沿至今勿替我

皇上御極之六年 諭儀曹晉

帝春秋祀典如 漢壽關帝儀並令各州郡縣立

帝君先代廟崇祀如其時可謂盛矣綏邑

帝君舊在虎谿山麓而規模尙小瞻拜靡甯奉

勅之日卽與各紳耆商所以增廓之而龍君均濟胥君文

伯素踴躍公事者二君謂余工繁費鉅除捐俸若干

綏甯縣志

卷之二十六 藝文上

三十五

外須議訂鄉城首事協力勸捐共襄厥美以

帝君之靈

聖天子之文化邑人士之勇於從善不數月而拓其基址

鳩工庀材修其正殿三楹楹偏建

啟聖宮殿階下接覆拜庭四周繚以崇垣門樓起魁星

閣雖未告成蓋稍有可觀焉自余署篆永綏廳事與

邑隔壤常札問龍胥二君所以久未報竣之故云需

以年爲悵望者久之今歲之某月二君又書來謂

神像已妥廟貌且新凡有樂輸人名皆得備鑄於石特

爲求記於余余初董其事者至於始終不懈以迄於
有成龍胥二君暨諸首事之力居多窃以爲榮辱得
失之見學者初不以居心要其所爲修則吉而悖則
凶動於彼而應於此者理至而數不得爭卽數存而
理莫能外也况

帝君陰隲之言與疇範相表裏而

朝廷科目之重因人物爲權衡則我綏人士之蛟騰鳳
起以文章經濟報國誠未可涯量卽其所以學爲孝
子忠臣仁人義士者咸於是乎在此與孔子萬世師

表又何異焉爰於其請也樂爲之記

程公講堂序 並贊

廩生 楊 湘

公江南新安人也世有隱德同曾祖者五百餘人尊人宰萍鄉多善績諸從父昆弟爲司道守令者所在都有政績可紀公幼習舉業由成均出判茶陵攝桂陽令其在茶陵也天災流行道殣相望公徧訪村落儲粟之家肩輿往募得粟數千石活數千人 制撫嘉其才交章荐剡

特授我邑明府下車以來凡有益於民生者百廢俱舉尤念

綏甯縣志

卷之三十六

藝文上

三十七

皇上樂育人才各省勅立書院綏邑雖楚疆僻地而文教誕敷無遠弗屆因於戊辰之春館余於縣治之虎谿山其地有舊舍數椽風雨不蔽公精於楊曾之學喟然歎曰斯地文峯秀削四水潏洄堪爲多士藏修之所遂捐廉俸鳩工庀材經營圖度不憚勤勞不匝月間乃墍乃塗成我攸宇山後向無樹木公又慮其空曠無鬱葱之氣復命工人圍墻種竹頃之枝桠秀發狀如新柳似有山靈助焉一月兩課必親加甄別丹黃甲乙毫髮無爽縱簿書鞅掌而珊瑚鐵網惟恐或

遺其愛士若此至設立彝學按月課試士風于焉不
變此又教之旁及者也嗟乎我邑向隸荒徼宰斯土
者不下數百人大都因陋就簡而聲名文物之盛未
有倡之者自公甫蒞茲土荒蹊藁落文苑肇興仁看
蛟騰鳳起霞蔚雲蒸本州鶴山書院之後有嗣音焉
豈山川靈淑之氣磅礴積之必遲之數千百年之久
而始發其竒耶抑賢人君子所過者化如文翁之治
蜀昌黎之治潮可隨地而施其教耶余躬逢其盛敬
述其畧適本庠師尊見而韙之以爲實錄愆懇勒額

用誌弗諼竝附以贊曰惟我臺侯世耀南邦明道伊
川祖澤悠長出判茶陵樂只頌揚桂陽攝篆民說無
疆遷任綏土視民如傷次第布置綱舉目張衣食根
本勸課農桑教以人倫整飭宮墻尤思理學聖哲津
梁書院未啟斯道終荒爰度虎谿相其陰陽磬鼓聿
興棟宇喬皇山環水繞護此講堂樹之竹木鬱鬱蒼
蒼人文蔚起追琢其章仁漸義摩鵠峙鸞翔渺茲僻
遠實被

帝光感公之德百世不忘

重修西河橋序

廩生 李上琦

邑之右有河焉自南來遶西迤邐北下爲滇黔蜀粵必經之途邑人之自西而來者亦踵相接也舊有橋雖幾經興敗然吾輩自童穉至今履康莊者習爲固然客歲夏以湯湯之割與波俱流自是老者幼者負者戴者莫不病之矧當春淦瀑發澮集澗盈濁浪騰沸咫尺之隔不啻千里嗚呼駕龍風遠化虹無術旣連袂以摩肩猝褰裳而裹足豈非大不便者哉邑侯鄔公惻然念之以爲懸絙而渡浮舟爲梁其事可暫

不可常也誠邑紳士欲圖久利非橋不可而說者謂橋之功大費廣鳩工庀材非一手足之烈說者又謂衆擎易舉自父母官司而下各量力捐資則積石成梁積溪成河矣議成相與請序於侯侯因簿書之煩授簡於予予稽首謝曰是序也必存至誠之心出以懇到之筆乃能動其怵惕之念發其愷悌之情庶觀者慨然而起樂於贊勸余小子何能爲役然侯命諄諄又不可以竟辭無已則告於衆曰凡今通都郡邑跨江而橋與夫村墟井落伐木壘石而橋者其事多

心戶曉家亦諭愛士酒澆趙寶善書鏡楚述古友彭
錢新詩開羣悟愧憐襪線才登高未能賦肅承珥筆
命風聲仰先樹成事非碌碌因人亦所慕壯心憑驅
策敢云年已暮

前題次韻

拔貢 艾恩拔

繡虎竝雕龍字字金湯固搦管勉續貂敢將心腹布
衆母寬猛兼大父勲猷具義用善則從法嚴枉者錯
百里起雷封愧彼陽矯附所貴勵廉隅焉用沽名譽
公來自星沙舟行勞遠馭儼同泛宅遊長途無急遽

綏甯縣志

卷之三十六 詩

四十

下車惠佳章相將素心付試士公生明寒峻蒙眷注
郇黍繼召棠仁風扇霖澍緬維邑志修諄諄垂面諭
舉燭辨遺燕翹薪言刈楚能使頑夫廉用開迷者悟
仙吏好種花大夫能作賦修己以安人百穫在一樹
翩翩獨自矜冥冥何所慕甫田沾漑多相望慰旦暮

前題次韻

恩貢 李春泰

綏本古徽州城小險而固四海訖聲教文物亦燦布
今逢德星降才子名夙具邑乘多殘缺剗劓待安錯
筆削麟經符驅馳驥尾附頓正百年簡自流千載譽

建修紅岩路並橋渡序

知縣

彭隆道



四通八達依依分水之塘萬苦千辛歷歷紅岩之阪
上通雲貴雨雪楊柳之塗下達衡湘風塵勞攘之所
歷來過客競誦平康自古征人咸歌坦蕩其上則月
湧波流橋平路濶長虹飲澗人無病涉之憂短蜮含
沙客遠褰裳之害若乃春波蕩漾水勢瀟騰駕一葉
之扁舟如登平地歷千層之濁浪若慶安車甯有蠶
叢未闢行路者或瞻古道踟躕鵲尾難填望洋者或
向清流而致嘆也哉無如溜可穿石蟻能潰堤水淺

碑沉海將堙而爲谷金寒石泐路或轉而成河歲在
甲申時維七月際洞庭之波起木葉纒凋驚百谷之
潮生滄桑忽改鼉善攻岸要路化爲迷津蛟能挾舟
通渠變作苦海於是浮萍斷梗江湖浪跡之人苦雨
淒風燕趙悲歌之子莫不來自彼域窮於斯都茅店
月中聽雞聲而欲發板橋霜上瞻馬首以何之此則
覩異地之征人腸與橋而俱斷亦卽嗟此邦之士女
恨將路而共長者也爰是乃建乃興或修或葺道仍
如砥固盤石以千秋橋復卧波訝徒杠於九月又復

臨流作渡剝木爲舟彼岸可登永絕陽侯之難窮途
無患誰來阮藉之悲是則等要路於迷津此卽渡人
之寶筏若云比通渠於若海茲非濟世之慈航也哉
顧其始也維山有木未必精衛啣來卽地多岩詎云
媧皇煉出驅牛無術艱同愚父之移山駭鬼何由勇
異秦王之鞭石固非賴衆流之積決難必三善之兼
時則里地首士金華寺僧者施補天之手大費經營
遵除道之令還勞鏟鑿始置緣簿頂呈鄴縣之仙旣
瞻多金親頒河陽之令由是本邑及於他鄉或施少
則集腋以成裘或捐多則揮金而似土不拘北富南
貧之族隨貧隨富結良緣遂使東來西往之人常往
常來同穩步信屬諸公之善勸尤資衆姓之樂從爰
伐青珉誌姓名於不朽并縷紫篆留德惠於無窮

虎谿書院講學偶話自序

知縣 林聯桂

虎谿書院在綏甯城外西河橋之山脊三面高峯擁翼如講幄狀前山開展諸山秀麗環立如生童侍講狀齋舍清曠無城市囂塵氣誠藏修佳處也舊有租殺一百八十餘石余頗增益之殆三百餘石矣向來山長皆自備薪水於每年冬月乃自收其穀以償一年薪脯而生童之膏火闕如余以爲非崇師養士之道也再四籌畫勢必停一年延師之費向後年年經費乃能充足而又恐生童之廢學也故本年年山長余兼攝之公暇與生童講書課文偶有緒論因并存之名之曰偶話亦猶吾向者文話賦話詩話之話云爾老生常談敢謂藝林佳話乎哉

重建馬王廟落成碑序

庠生 陳長祿

夏官大司馬掌馬政其屬校人趣馬巫馬圉師牧師分任之春祭馬祖天駟星也夏祭先牧秋祭馬社冬祭馬步均取祈福降祥無菑無害之義神之爲靈昭昭矣茲地自雍正戊申立營後曾於營西水口山麓建廟祀之果蒙神佑斯臧斯皇迨乾隆辛巳吳總府重修報神之顯應湖中也歷數十年風雨飄搖漸至傾頽道光之旃蒙協洽孟陬月衆弁目等意欲仍斯地增其式廓謀於署任 劉公稱曰善捐廉爲倡由

是閤營捐資有差更獲諸方善士欣然解囊共襄盛舉經始於夏告成於冬既賴劉公爲之於前又得清憲爲之於後美必彰而善必揚輝暎當千古也繼自今廟貌森嚴樓臺壯麗周圍墻垣丹楹刻桷黝堊繪畫無不完備爲一帶之關鍵作閤營之保障神享其祀人飲其和將見武功丕振大化翔敷壯金湯之氣象表騏驥之良材於以澄清四海豈惟藩翰一方已哉是爲序

重修武廟序

知縣 方傳質

讀書至乃聖乃神乃武乃文未嘗不穆然而思睪然而望曰三代下其唯 帝乎 帝崛起漢季始焉封侯繼焉封王終焉封大帝迄於今儒家稱聖釋家稱佛道家稱天尊蓋自天所覆地所載凡有血氣莫不尊親雖至山之陬海之澁但有亭臺均爲像祀若夫通都大邑之中寢殿之尊崇直與文廟等葺爾綏城詎能規撫於萬一而欲以崇 帝之德報 帝之功當必有以妥 帝之靈也廟在縣城隍之前基址不

甚廓庚申之變燬於賊惟後殿僅存乙丑春余承乏茲土朔望行香春秋奉祀但於啟聖宮將事對越之餘彌深悚惕爰與都人士商籌重建之費維時百廢待興諸形拮据幸集腋有成乃敢諏吉而興工雖未能增其式廓而棟宇之巍峩垣墉之峻麗較之疇昔氣象有加 帝亦當憑式於茲矣仰惟 帝之發跡始於平黃巾之亂迨後除漢賊破羣雄鼎足三分猶未滿其幹旋之志逮我 皇朝有大征伐必顯神威用纘武功故累朝徽號備極褒崇迄今髮逆授首大

難削平何莫非 帝之聲靈掃蕩於刀光雷雨中也
詎惟綏邑之幸哉綏人仰荷神庥重新廟祀俎豆馨
香極之千秋萬世而不替 帝益赫濯於千巖萬壑
中而爲此邦造無疆之福也於鑠哉是爲序

補修學宮序

知縣

方傳質

學宮居高功山之前枕其靈秀面匯清流沙岸層環
峯巒拱衛得江山之勝故代鍾能文之士膺拔萃登
賢書掇青紫如拾芥然非及時修葺則無以新氣象
而肅觀瞻綏自庚申冬罹兵燹衙署宮廟半爲焦土

綏甯縣志

卷之三十六

藝文上

四十六

學宮巋然獨存但歷年既久棟宇摧頽金碧剝落門
扉戶牖顛倒於荒烟蔓草中余下車展謁卽憮然於
心迨朔望行香春秋釋菜升降拜跪彌深悚惕乃進
都人士於明倫堂商籌補葺之計維時百廢待舉厥
任維難幸捐資有差乃敢從事崇其垣墉修其楹桷
自正殿後宮兩廡櫺星門悉粉堊而丹牖之雖未能
如通都大邑之窮侈壯麗而正大光明要無歉於先
聖先賢之道卽先聖先賢之靈亦當憑式於茲矣他
日政事有成增其式廓相與重稽禮器考訂樂章凡

夫八佾之舞九德之歌胥臻明備以昭大聖人之德之盛而爲此邦發文治之光華是則余與都人士所當共勉者耳是爲序

重建文場序

知縣 方傳質

學宮之西偏爲文場於山得磅礴之氣於水具活潑之機靈秀所鍾人文蔚起地勢固使然也然興廢亦關乎運會綏自庚申之變闔城一炬半爲焦土文場獨無恙迨癸亥賊踵至乃歸於燼豈紅羊一劫遲速亦有數耶抑文運將興當一新其氣象耳余自乙丑

綏甯縣志

卷之三十六 藝文上

四十七

春綰篆茲土下車伊始滿目荆榛衙署蕩然無下榻處權憇學署之東齋越月值科試卽扃試於宮牆內風簷辛苦與多士同之試竣與都人士商籌修建之策維時百廢待興拮据不遑幸集腋有成乃次第而糾工仍其舊制前爲頭門兩邊爲坐棚進爲大堂更進爲襄校所榱桷杞梓之材蔚爲棟樑之選侖奐美矣金碧煌焉更於門前照牆後售得白地二片畧以增廣其址基建鼓樓二座以張聲勢需費千百金越數月而落成夫綏處萬山之中其土沃壤其俗樸誠

深山窮谷之中亦多絃誦之士每屆歲科試驤首龍門以千餘計負材雋逸者掇青紫如拾芥可知造物清淑之氣固不囿以方隅也今幸棚舍之有成因綴匾聯於堂楹以爲他日發祥之驗多士窮經研史博古通今發爲文章有體有用將及鋒而試扶搖直上瞬息九萬里如鷗鵬之奮翅於潢池詎非余之所厚望者歟是爲序

重修西河橋序

知縣 方傳質

環綏皆山也其西一水廻抱自南而來迤邐北去達

綏甯縣志

卷之二十六

藝文上

四十八

於洪江爲滇黔通道邑人熙攘往來者朝夕絡繹不絕舊有橋如履平地庚申之變燬於賊僅存數木支持過者每目炫而心驚余自乙丑春承乏於茲卽思除道成梁之政奈其時荆榛滿目衙署蕩然心征松而無所措手足迨都人士解囊捐資眾工并舉遂次第從事於斯顧此橋介山徑之間秋冬水淺石粼滄浪可咏春夏之交山潦暴漲洶湧澎湃殊難挽狂瀾於旣倒作中流之砥柱非厚其木石無以撼波濤非覆以亭臺無以蔽風雨故工不憚勞而務求鞏固制

仍由舊而務壯觀瞻需費八百金經營凡六月翼□
翛然四達之康莊亦一邑之鎖鑰也自後鼉梁永架
雁齒□□快司馬之題進黃石之履當於此橋卜風
虎雲□□會焉是爲序

重修縣署序

知縣 方傳質

綏城居萬山之中爲渠陽首善其建置沿革與夫盛
衰興廢之故前人志之備矣獨衙署之修歷二百餘
年同一轍溯順治十五年罹兵燹一椽無存三年四
任至有求去不得者迨康熙四年楊公九鼎蒞斯土

綏甯縣志

卷之三十六 藝文上

四十九

次第舉之始成縣治咸豐十年逆黨彭大順率眾數
萬由廣西越青林界遙擁而入倉卒莫禦城遂陷署
事者五年亦四易莫能爲役同治四年春余荷上憲
保題補授茲邑下車伊始見夫城廓生荆榛衙舍盡
瓦礫蒿目傷心無下榻處權憇學署之東齋廣示招
撫於是散者歸其廬商賈居於市數月間人烟類聚
雞犬聲聞乃進父老於明倫堂諭之曰今爾宅爾宅
畋爾田亦既有幹有年於茲土矣公署之不修將復
誰待且事匪一端工當并舉任重費宏孰主宰是孰

綱維是僉曰是惟小民之責願聽命爰訂印簿走告
四鄉量力捐貲無少吝乃取材於山伐石於巖仍其
舊址闢土興工前臨街道後靠城垣右爲捕署左爲
倉廩規模式廓門戶增新經始於四年十月落成五
年六月諏吉二十四日奉 勅印居焉維時秋雁將
飛薰風透爽合邑紳耆軍民濟濟蹒蹒躋彼公堂牌
揮翰藻匾頌甘棠碧繖擎其姓字朱旗拂於畫廊鼓
鐘兮鏗鏘冠佩兮堂皇稱旨酒而獻羔羊宛然繪豳
風七月之一章余因有感焉人情莫不好逸而惡勞

矧患難餘生不憚筋力之疲咸効子來之誼且於觀
成之日復致其歡樂之忱登斯堂也尙忍負斯民哉
余自蒞任以來催科不事株累不事草菅包苴更不
事苟昧初心卽愧於天爾民從茲以往奉令于斯讀
法于斯任土作貢恒于斯非受大屈勿入此室庶幾
風清案牘花落訟庭粲乎隱隱各得其所相與上康
樂和親安平爲一書也豈不懿歟是役也歷工凡十
月計費五千金余總其成少尉吳君鑾坡董其事相
吉者張君定夫李君次東兩廣文經營罔懈有始有

卒者則邑之紳耆士民也是爲序

移建龍王廟碑序

知縣 方傳質

國家創制顯庸凡有功德於民者必祀之赫赫龍神襄水土之平濟泉源之用德洋寰海澤潤生民載在祀典奉以春秋葺爾綏城所以資保障謀捍禦者永惟神恩之是賴則欲崇德報功其不可褻爾明神也宜矣廟向在西門外下沙坪其地淫窪春水暴漲必受其衝余自乙丑承乏於茲下車展謁見其殿桷摧頽墻垣崩塌破扉殘碑倒卧污泥蔓草中心甚

憮然越明年春乃謀移建上沙坪岩埧塘右邊正殿一座左右四間前過廳三間外演武廳一座環以垣墉塗其丹雘不日而棟宇隆然金碧煥然邑人相慶曰此庶可以妥神之靈而神其相予茲邑矣歸功於余余維天下事往往廢於因循而成於奮興茲廟若聽其摧靡歷數年當爲敗板殘垣且非遷於高曠之地雖加以補葺將轉瞬而難堪况當兵燹之餘城內衙署宮廟半爲焦土幸邑人踴躍一歲中百廢具舉所謂集狐腋以爲裘合眾志而成城者乎余不

取居功余爲此邦人慶矣獨斯廟也歟哉

育嬰社序

訓導 李 澍

縣治向有育嬰堂頽廢已久志載先農壇西偏其舊址也丙辰歲余秉鐸來綏見士習民風俱近醇樸惟溺女積習甚千天和深爲憫惻爰與邑人士商復舊制奈功鉅費繁加以兵燹頻仍莫能爲力而此心則未嘗一日釋也今夏同鄉趙君逸岑自邵州來袖一紙示余曰此劉君新閣保嬰條例各府州縣已倣而行之披覽之餘不禁擊節稱快曰至哉仁人之用心也意精而切法簡而當施約而博其行之也可以一

鄉可以一邑可以一日可以百年誠救世之婆心育嬰之寶筏尤爲綏邑之要圖綏俗尙節儉好善之心未嘗不同每見日月晦朔與夫神聖誕期或囊米飯僧或作齋供佛輪流爲首出貲不吝錢自一百以至數百米自數升以至數斗更有米花茶菜之屬亦不下數百一唱百和在城在鄉如出一律獨於育嬰一節膜外視之不肯援手其意以奉佛之費易爲力育嬰之事難爲功故堂制百餘年不能復今劉君之法育嬰而不設堂約百人以爲局日輸一錢不啻一毛

之拔卽可集腋以成裘在奉佛者固宜實力奉行卽不奉佛者應無不樂於從事夫佛以殺生爲戒以好生爲德人之欲善誰不如我吾知觸目驚心必將守佛之戒而以劉子之法爲依皈矣體佛之德而以劉子之言爲寶籙矣行見乖戾潛消生成共樂家積太和民無天扎兩間善氣釀於斯舉又何待發大願力始足濟造化之窮哉然則劉君之術善矣而趙君之傳此術抑亦劉君之亞也他日苦海迴波慈航普濟良法美意並流傳於不朽云

續修大凍橋序

恩貢 龍池欒

蓋聞鼃鼃衙衙叱卽成梁駟馬迢迢過而題柱橋梁之設由來久矣綏地多山兩山對峙中界一水率舉趾之無地故溪多而橋衆若萬福十豐七里六合等橋指不勝屈也吾鄉地名大凍鋪跨溪爲橋累石作拱康熙七年縣主楊公倡建地接城垣道通黔粵爲往來渠陽必經之路行旅便之乾隆五十年暴漲衝擊橋遂傾圮嗣於舊址下砌石墩架木橋面鋪石片上豎涼亭嘉慶庚午重新之砥如翼如稱勝境焉道

光庚子燬於火日久未建客至途窮恒多病涉人來岸斷未免褰裳論者感慨係之夫凡事莫難於創始亦莫難於竟功尤莫難於已成復壞壞而圖成何況橋梁然庀材伐石糾費興工俾修葺於一時垂蟬螻於千載豈一木遂足支厦惟集腋乃可成裘今幸樂善君子慷慨爲懷踴躍相助咸量力而捐金等爲功於種玉不日而成其風類古將見橋復卧波任注谷注谿之逝梁堪濟衆無則厲則揭之艱吉擬康衢利占攸往不勝欣喜而爲之序

續修綏甯縣志跋

副榜

幸超士



綏古徽州也於宋元豐爲蒔竹崇甯爲綏甯閱今七百餘禩矣雖地處楚徼然扼獐獠於四塞據上游於三湘爲黔滇之咽喉作交廣之門戶楚南半壁一要區也是烏可以無志故僖桓之宮有藏書當時謂秉周禮杞宋之國無文獻孔子謂其無徵豈細故哉綏之有志昉於嘉靖間高侯續於萬歷時秦侯我

朝康熙壬子歲楊侯值逆氛之餘燼收耗蠹之遺編彙爲數帙越戊辰范侯續修之今又近七十載板被回

綏甯縣志

卷之三十六

藝文上

五十六

祿書缺有間矣欲訪軼事而遺老幾盡過此尙堪問耶邑侯程公判茶陵政聲四溢及署判靖旋理軍需疆土民風瞭如指掌制撫軫念巖疆

題宰茲土丁卯冬士謁公於都門公亟詢綏邑諸利弊竝問邑志深以殘缺爲念下車時甦民困挽士風撫彝輯漢扶弱鋤強於志姑未遑也歷六年百廢具舉庶績允康迺以邑志商於學博吳郝兩先生屬縣尉吳君董其事命士同楊君溥李君濟黃君三才校讐編輯公親加筆削斷案詮釋品隲勒七百餘年之成書

昭一代之法守爲卷二十爲類二十有六士伏而讀之體裁釐定勸懲昭然萬物尊天而親地故先星野次輿圖有天地始有建置志沿革從乎地者以序紀也志疆域山川城池有土地卽有人民志民俗爲乎民者以序紀也志田賦積貯學校治民而事神志祀典文經而武緯志文秩志武脩風流而令行志驛傳於是政績成人才出國典隆幽光發志名宦鄉賢選舉文行志封蔭節烈耆壽若夫遷客騷人紀勝遊也志流寓仙風道骨脩外志也志仙釋夏鼎商彝重法

物也志古蹟仰有觀俯有察始天文而終以人文志文藝元首明股肱良首聖謨而殿以楸績志惠政雖邑乘哉例斷於史義通於經其書肅以括其詞宏以深其識明而斷其心恕而公讀公之志可以思公之德見公之政矣爰額手加慶而爲之跋

舊志跋

教諭

陳信中

志書之成也凡官茲土者前有序以標其梗槩後有跋以紀其始末此定例也綏甯志自明萬厯二十六年秦縣君纂修後遂稱絕筆蓋經八十餘載於茲矣計八十年中無論天道之徃復人事之廢興物情之沿革不可以無紀且滄桑後人民死而復生城郭毀而復完變態萬狀難以枚數若不乘此時採而錄之將存而既徃俟而將來凡所爲匡世釐俗垂教傳後者不幾久而無徵乎乙巳秋邑侯楊君來牧是邦甫

綏甯縣志

卷之三十六

藝文上

五十八

下車卽首以乘載有缺文獻不脩爲憂數年來不克如其願者蓋有三難焉一苦於公務之旁午再苦於殘簡之無稽三苦於剗削之乏人逮歲壬子庶績咸稱永康訪輯又復漸廣適奉上檄取邑乘以脩楚書侯曰是余之夙志也余將以政學焉豈僅籍手輶軒爲幸哉爰取殘簡與貢士周文廉同爲編輯會爾時余有兼攝會同學務之役經兩旬始旋侯手執一編示余兼授以校閱之責余開而讀之見其輯故而增新闕疑而存信書法體例次第可觀其間星土封域

具有原委賦役食貨各有盈縮風俗災祥隱有褒貶
仙釋節義卓有予奪以及政與教之咸興祀與戎之
罔缺并廣搜碑碣之所勒楹柱之所題莫不釐然脩
載誠可稱全書矣是書成而知後之吏此邦者不可
不讀此書蓋規制章程率皆往昔慈良明哲之宰所
垂爲典則事所宜法而不知法事所宜戒而不知戒
其能望於官箴之肅乎士若民之生長於此邦者又
不可以不讀此書蓋名義倫常率皆前言徃行先哲
故老所示爲矩度也事所應勸而不知勸事所應懲

而不知懲其能免於有道之譏乎由是以觀則小而
言之僅爲一邑之乘大而言之卽爲百代之史鏡古
而知今承先而啟後舉由乎此其所關豈淺鮮哉余
是以不羞弁鄙而僭爲之跋

續修邑志跋

副榜 胥善道

邑志志人猶家之有族譜也邑志志物猶家之有契券也先人有是志後人固當保守之先人有是志而未獲成其志後人猶當續成之守土之事與守家之責無二道也而况一邑之典故稍繫一家之作述其可不圖功攸終而棄厥基乎綏甯志朐於前明高侯修於楊侯范侯續刻於海陽程侯迄今八十餘年矣丙子春大憲纂輯全省通志檄各府州縣賫志呈繳邑侯薛公設局於

綏甯縣志

卷之二十六

藝文上

六十

萬壽宮之朝房時先君子卸安化學篆在籍與邑孝廉遠齋袁公孝廉方正甘泉龍公同奉聘纂修鷄晨燈夕悉心叅稽上自天文終於外紀分門別類朗若列眉紀事撰言瞭如指掌居心悉秉乎公執筆務求其當斟酌舊志正誤補遺越半年稿幾完矣奈人心不齊未及付梓而撤局先君諭善曰此一邑之文獻我三人之心血具此稿本宜珍藏之以俟後之賢侯毋遺失也道光戊子六月邑侯林公以名進士權邑篆愛民重士下車甫匝月奉州諭繳州志經費中秋前八

曰因傳善與孝廉方正裕齋楊君商辦經費並諭善
等曰邑志稿本已成久擱深爲可惜宜籌辦開刻之
費乃遴首事頒印簿遍行採訪廣爲勸捐隨聘遠齋
袁公入局續修十餘年科目忠孝節烈人物裨無濫
無遺重陽後袁公偕善同赴州志局查閱縣屬次第
當據禮部則例學政全書稟請申詳更正蒙魏州憲
批准復綏甯爲首縣一冬之間僕僕道途往還四次
祇盡服勞之職亦惟先志之承始得州志縣志藏事
然非林侯至誠感人有以激發其好義樂助之心萬
不至此善不敏欣際其盛雖未足仰挹高深而身廁
游夏之班亦嘗稍參末議故不揣孤陋敬述其顛末
而爲之跋云

申撫按事宜

明知縣 高應冕

爲革宿弊以蘓民困興善政以振頹俗事勘得綏甯縣地屬邊方人兼彝族近年以來俗敝民窮法弛治廢者緣縣官更代之不常故庶務隳隳而不舉民心望治如解倒懸自卑職到任以來將及五月徐觀其勢而漸次修明遠近之民亦頗順治是有更化之幾也凡宜興革合用申呈蓋欲蘓民困必先去其病民者振頹俗必先舉其善俗者所謂病民者其弊有五一曰革供應舊時本縣各官供應日費一二兩以歲

計之動經數百假費三百兩就是六百兩蓋民無積財應役俱是借辦客債年久倍還其苦何伸官享虛惠而民受實害矣卑職到任卽盡革去雖一魚一菜俱不許取諸里甲但恐久復弊生此其所當申禁者一也二曰革折乾蓋過往官員並上司公差其間賢愚不等多有恃勢挾威欺辱官吏夫馬供應之外復索折乾里甲忤逆卽剝衣吊打坊廂遲玩卽沿門捉縛以此供役者不能支給每每逃竄卑縣到任以來目擊其害真可憐恤隨出示曉諭嚴革其弊猶恐肆

惡不悛者不肯體悉此其所當申禁者二也三曰革
違禁取利本縣客民半居城市當里甲者官錢追併
一時無措只得投客挪借未及逾年倍本取利少有
未完執約不退仍於利上倍取之此輪役一年者畜
產盡空不能聊生甚至賣子女以償債負而訟獄繁
興矣卑縣到任凡一應官錢先出示曉諭責其備辦
然後刻日追徵庶免挪借之弊然其間亦有待秋成
熟決欲挪借止許加三起利年月過期量增一二如
有仍前違禁害民者定行依律問罪猶恐豪客結黨

暗勒小民此其所當申禁者三也四曰革庫弊蓋本
縣額編官錢不滿一千之數而庫子徵收不由官兌
或天秤偏重矣復又有火耗之增或兌頭暗加矣更
取水脚之補所以鄉間愚民進縣輸納先恐懼刑罰
之加任其多取不敢聲言或該一两重則加三五錢
少則加二三錢民受刻剝莫踰於此卑縣到任不能
悉追往弊惟准其天秤平其兌子盡革去水脚火耗
之增而當堂親兌封鎖入庫庫吏人役不專寄其出
納之權惟使執簿紀收而已誠恐于預侵欺之弊潛

滋復生此其所當申禁者四也五曰革倒甲當差蓋十甲里長輪年當差一甲役則九甲拖欠官錢盡倒在一甲出辦有田產者或可變賣支賠下此則流離逃散父子兄弟不相顧亦甚不得已也所以每年額編不能全完者良由該役里甲惟徒延捱當過速求後甲承役耳此本縣第一積弊也卑縣到日卽議改圖使各甲錢糧逐年自行辦納而輪年者惟應名走遞夫馬廐徭役均平錢糧易辦上不累官而下不病民矣咨訪里老俱各具呈欣然稱便此其所當申禁

者五也五弊旣革而民困不蘓者有是理哉所謂善俗者其政亦有五一曰興學校本縣生員不滿三十名而食廩者五人况七十餘年久乏科目矣十室之邑尙有忠信豈邊方士民獨愚蠢不可教良由上司按臨或六七年一歲考或數十年一儒學讀書者無所激勸則懈弛之心繼之矣雖有中人之資亦隨俗委靡而不振者與科目相忘也其耳目所及者惟圖廩貢其志遂不求進矣卑職到日雖月加考校以嚴賞罰而其榮辱之心終不若上司黜陟之猶甚也提

學道按臨不能遍厯而歲考進學請一道暫寄其權而進退賢不肖以榮辱之則激勸之下豈盡無奮進之良心哉得一士焉以光科目是亦興起之漸也二曰練軍實蓋本縣逼近苗獞而居邊要衝亦州之吭背也設立四堡哨軍以防邊獞而兵糧取諸本縣者爲民戍守耳食其糧而遨遊於堡不使練習以爲邊城保障焉爲令者亦與有責矣卑職到日卽欲帥一縣之民壯合四哨之官軍不時操練以蓄威武以振揚邊獞然不統率於卑職則四堡之軍各立門戶決

不肯降心志以從簡閱之命非卑職僭用兵權不如此不足以肅邊方之苗獞也三曰立驛舍蓋本縣去武岡二百餘里山路崎嶇而夫馬迎送往來就是五日一番則沉吟愁苦之聲載道所以供役者苦於奔走而樂於折乾畏勞瘁也而過往公差反因其利而多索夫馬卑職訪得關峽居民輳集當綏甯武岡之中建立二驛以節二邊之勞或置馬若干匹或派夫若干名其費則用綏甯居六而武岡居四舊派去洪江驛夫則取回以供役舊分割城步縣地方亦量派

以幫補庶乎夫馬之勞不困於疲敝則民又豈樂於折乾哉公差雖欲多取夫馬無不利矣此其大畧而所以建驛條陳又當備呈於州以憑轉申也四曰立社學蓋木縣亦多俊秀子弟染於習俗而不自知向學故多淪於書吏之流亦由提調官不能作養以感發興起耳卑職到日議立社學選有學行老儒克任教讀帥邑中之子弟而訓導之每月分俸五斗以作供膳不許索取束脩以阻窮民之來卑職按月一臨驗其課程考其勤惰量加賞罰以勵其上進此雖蒙

養之初寔陶鎔真才之基也五日復流民蓋本縣之民多流移逋逃者非適彼樂土也不困於徭役卽苦於債負雖苟免偷安甯無故里之思乎卑職到日願歸復業者已數戶卽令該里准令優恤二年仍舊當差而其原日田產或被勢豪折算者亦許辦原價給贖庶幾戶口日增民各得所而黃鳥鴻雁之歌復作於今日矣五政旣興而民俗有不善者有是理哉然必着寔舉行不徒爲粉飾虛文之務則三年之間可收寔效而邊方之紀綱亦井井有條矣

申頑民以靖地方文

高應寃

爲懲頑民以革惡俗息誣訟以儆刁風事勘得綏甯素惡刁民袁通豪等倚山爲勢拒捕毆差合黨逞兇抗違縣令卑職到任以來訪知邊方之民苗彝其俗狡悍其性知有勢不知有法知畏官軍不知畏縣令良由前任縣官縱而不申養成其惡民亦無所忌憚也卑職申嚴禁令之後猶有仍前長惡不悛者則繩之以律法齊之以刑憲近日民稍知畏耳惟袁通豪等落居深山窮谷之中以戶則幾二百以丁則幾四

百虎踞之勢莫可誰何錢糧則不服催徵詞訟則不服聽審是全不知有縣官也於情於法寔所難容卑職設法嚴拿律之抗違之罪取之以不應之供所謂借一人之行法而使百姓有所懲則彼轉而伏罪改過自新漸歸於法律中爲好良民則猶可以德訓之也况卑職居官清苦勤慎雖綏甯三尺之童無不知也袁通豪刁頑狡悍慣訟誣官綏甯三尺之童亦無不知也今反以抗拒無禮爲是而以縣官治其罪爲非而卽捏情上告是以挾私讐傾害縣官也吏者承

縣之命而紀法者也皂隸者遵縣之使令而用刑者也而併入其罪是欲皂隸不聽縣官用刑吏不聽縣官紀法是欲縣官孤立而無與也縣官孤立百姓雖日侮罵於堂縣官亦安可受之子子一身又豈能與敵哉而今上下之體統所賴以維持不敢犯者有禮與法也官以主之吏以行之皂隸以威之其勢寔相聯屬以立於百姓之上使卑職果貪污不才如袁通豪所告決不容一朝居官而速革黜者也如果清苦律身勤慎守法而刁民縱惡誣告縣官決不容一朝

使居良民中所當流移遷徙者也其罪不在官則在民禁伏凶人寔萬代瞻仰在此舉也不然則一縣之體統既隳百姓之效尤者接踵矣又何以令民哉伏乞密加訪察嚴革夙弊禁治刁惡如袁通豪者問以誣告官吏罪名使知上憲有明憲凜不可犯借一懲百以挽回惡俗不惟民易於治而錢糧可完差役可均而山城久廢體統亦少振矣

詳免協修沅城累民申文

知縣

楊九鼎



爲申詳地方專責以伸功令事竊思頻年奉 飭各州縣凡有城垣倒塌修城銀兩久裁地方官設法修理不得苦累小民屢次奉 文在案順治十六年大兵進勦滇黔沅州民多逃亡城垣盡圯彼時偏沅巡撫袁因沅民離散一時權宜之計令靖屬四縣同辰屬州縣合力修築三年之內倒者各縣認補三年之後沅民自修不意相沿至今日久弊生本地奸胥復將西門臨江一帶易於倒塌者又移分定別縣修理

綏甯縣志

卷之三十六

藝文上

六十九

碑記輪換綏甯縣碑以致每年撥夫千餘於四百餘里之外裹糧辦料受累無已里民怨恫卑職伏懇憲慈一視同仁況己亥至今十年沅民業已生聚本管官亦當仰遵

功令設法修築煌煌憲章不得苦累小民何乃獨累四百餘里別縣之民屢奉嚴催卑職非敢不遵循往例但事有原委不得不脩陳始末以遵

功令也

康熙七年飭沅州自行修理

詳請設黃桑營文

署知縣 周 正

爲苗獠之肆虐已極邊民之罹禍無休懇詳題請設營以禦民害以固國本事雍正二年閏四月初五日據綏甯縣士民姚景崇等呈前事呈稱竊惟綏邑僻處遐裔苗巢四塞南有城步橫嶺之惡苗北接武岡淑浦之山獠西南界連粵省蒙峒之生苗兼有不法惡苗雜處於四境其不時爲患者城步之橫嶺爲最先明時曾立指揮官帶領洪兵千餘名分佈各隘連絡彈壓民得安枕官享無事迨後裁汰苗獠得以肆

綏甯縣志

卷之二十六

藝文上

七十

行無忌或父子被捉蕩產傾家或婦女遭擄辱身喪命且祖宗之骨骸不安於窀穸子孫之性命苟延於旦暮至若家貧莫贖死者身首異地生者妻子離散嗟嗟莫非王土誰能堪此卽如四十一年前任伍父母見苗直抵城下通詳在案事經

題達蒙 前憲念切民瘼設立黃桑坪無如兵寡勢強苗路如梳莫能彈壓故此數十年來民不聊生案如鱗集竊思鎮筭天柱常受苗害後蒙 督撫 題請設營移鎮增兵至今永慶太平茲城步苗之爲害與綏邑

之受害殆有甚焉崇等再四思維議撫則愈撫愈驕
議勦則大兵難動計惟於苗獠出入扼要之區地名
新寨設立一營居中控制作四面之樞紐其所領牙
將分佈各隘苗獠自是動爲掣肘不敢萌意外之思
其次莫如縣屬之箆子隘亦苗獠出入要地或立叅
府遊府坐鎮其間以經制官員分防地林清水太平
鎮彝各隘沿途設立塘汛於四處苗寨不時巡察而
各隘弁兵得以聲援相應則苗獠畏威自爾斂跡此
亦保民之一計也故崇等於四十九年呈懇署縣張

主賞詳上憲繼經前任鍾主覆賜通詳俱蒙批查在
案未經詳覆此十餘年間立營之舉崇等所日夜切
心者也方今

聖天子御極如天好生生生民未有 各上憲留心地方自
古所無更欣逢福星下車以來時切痼瘼之念昨入
闈旋署見重地多故遂賜文詳請移兵已見登民衽
席之心但善後莫如圖始而治流尤宜塞源崇等是
以仍墾詳請

題達於湖廣全省各營效鎮箆天柱之法挪移叅遊一

員抽撥兵丁數百名坐鎮分防將

國帑不重費而苗患可除俾綏邑邊民咸遊於光天化日之下則生成覆載與天無極幸甚焚香頂祝等情據此該署綏甯縣知縣周正查看得綏寧極邊凋邑苗獠雜處爲害居民不可枚舉而城步縣屬之橫嶺苗人恃強肆橫越境抄搶尤爲更甚卑職署篆以來念念仰體

憲臺保固地方之至意故詳請移兵雖蹈冒昧之愆然寔因地方起見查苗獠犬羊成性制馭之方惟有

設兵一策但臨眉呼籲不若未雨綢繆茲據士民姚景崇等環庭籲懇情詞剴切卑職據情確查橫嶺一帶延袤數百里雖有靖五一協分防三縣兩衛汎廣兵單鞭長莫及卽先年添設黃桑坪駐防寥寥兵役安能遍搜歧路勢如杯水車薪若必使居民安保無虞惟有效鎮箠天柱之法將楚省安靜營員調檄坐鎮要地新寨箠子隘等處或遊擊或叅將一員於通省各營抽撥兵丁五六百名帶領經制千把分防各隘星羅碁佈互相連絡使聲勢相通彼此援應共相

彈壓茲欣逢憲臺念切痼瘵已饑已溺本年四月內
奉 憲臺檄飭查明有裨益民生應行之事許卽詳
明請 憲臺

奏聞行知在案是保全塗炭正在此時芻蕘之獻實與
憲檄相符故據呈詳請 憲臺俯念巖疆邊邑蒼赤
待蘓甚急之際查議

題請將楚省安靜之營遊叅等員坐鎮新寨等處則不
獨橫嶺邊苗竄伏深穴卽卑縣西南一帶苗獠聞風
斂跡地方立見共甯靜邊城赤子得安衽席此出

綏甯縣志

卷之三十六

藝文上

七十三

憲臺天地父母之盛心也

雍正四年十一月二十四日奉 撫部院布 批本
司等會詳查得綏甯縣詳據士民姚景崇等呈稱立
營鎮守一案先蒙 憲臺批示當經一面移會酌議
一面檄行靖州妥議詳覆去後又復不次嚴催今據
該州知州王鳴琦詳稱綏甯一邑黔粵接壤加以苗
獠四塞綏民深受苗害洵須遊叅大營重兵彈壓若
原管轄之靖五營僅設都司一員標兵七百九十名
統轄一州三縣兩衛副將中軍駐劄州城更無左右

守備可以分轄懇請於湖南湖北擇其安靜營分調撥叅遊一員於綏甯黃桑坪地方建立大營帶領守備千把統兵三四百名駐劄分汛箠子隘鎮彝等處又城步縣屬之橫嶺及新寨二處另需把總二員兵丁五十名逐一安設巡防互相環衛則苗獠有所忌憚不致肆虐綏城兩邑民人可得安堵但可否於何處營汛內作何撤調叅遊備兵應用卑職不敢妄議至於衙署營房所需木料工匠食用等項士民姚景崇等情愿自認公建不須請動

國帑等情到司隨查湖南靖州所屬之銅鼓衛五開衛又辰州所屬之平溪衛清浪衛先後接准部文改歸黔省則原撥防該四衛之備弁似可撤移但兵丁尙禾足用且無叅遊大員難以定議隨叙明情由咨稱提督酌示旋蒙照會內開湖北宜都營可以遊擊一員於黃桑營以資設大營之用如兵丁尙未足於營汛稍僻之處設營酌撥等因到司准此會查得綏甯設營據靖州議稱共需官一員守備一員千總一員把總二員兵丁三四百名又據城步縣屬之橫嶺及

新寨地方另需把總二員兵丁五十名今查別案奉准部文靖州屬之五開衛銅鼓衛又辰州府屬之平溪衛清浪衛共四衛改歸黔省則靖五協原撥防銅鼓衛之千總一名兵丁二十五名又原撥防五開衛把總一員兵丁二十一名以及沅州協原撥防平溪衛把總一員兵丁七十七名又原撥防清浪衛守備一員把總一員兵丁一百六十名俱應撤回是四衛已有守備千總五員兵二百八十三名合之原防黃桑坪把總一員兵丁二十一名共有備弁六員兵

三百零四名其所需將官已蒙提督照會有宜都營遊擊可撤今擬撤宜都營遊擊一員連銅鼓等衛之弁兵共計已有遊守千把七員兵丁三百零四名足資設立大營汛守分防之用然大營止需遊擊一員守備千把四員今合計尙餘把總二員相應移於城步縣屬之橫嶺新寨地方安設但尙少兵丁五十名查武岡汛地稍僻差使不繁且城步地方原係該營分防管轄似應在於此營中酌撥應用尙蒙俯賜如所詳請將前項所撤宜都營遊擊帶領撤回清浪

衛之守脩改作中軍守脩再撥銅鼓衛之千總共官
三員竝於前項三百零四名兵丁內撥給一百四十
四名坐鎮黃桑坪且爲綏甯營此外將原駐防黃桑
坪之把總一員撥給兵八十名分駐篁子隘再將撤
回平溪衛之把總一員撥兵八十名分駐鎮彝哨以
上用去遊擊守脩千把總共五員兵丁三百零四名
尙餘所撤五開衛清浪衛之把總二員請於武岡營
內抽發兵丁五十名令所撤五開衛把總一員帶兵
二十五名移駐於城步縣所屬之新寨如此分撥坐

鎮巡防互相環衛則苗獠自是畏威斂跡兩邑人民
可保安甯矣營制既定不可無耑轄統轄之員又綏
甯旣另立營汛則靖五協原撥防綏甯縣城及原分
汛綏邑地方之弁兵相應俱歸新設綏甯營遊擊耑
轄其調遣訓練不爲靖五協所轄再查靖州所屬文
武官員原係辰沅靖道統轄而辰沅二協原爲鎮篁
鎮統轄其一切奉行事件所需俸薪糧餉俟立營汛
之日悉照辰沅二協舉行至於城步縣地方原係武
岡營分防汛地令該縣之橫嶺新寨二處所有弁員

應歸武岡營管轄所需俸薪銀兩照例在武岡營口領似屬允當其所撥抽守千把兵丁俱係撤移調用竝未有另添官兵亦竝未另增糧餉一轉移間誠與綏城兩邑均大有裨益矣至於建立衛署營房所需物料工匠食用等費雖據士民姚景崇愿脩公建但設營原爲恤民未便令百姓捐建營房應俟題請 部覆至日飭估計需糧若干另詳酌議地方官公同設處營造可也

朝廷委任之重下以答蒼生仰望之殷無何乾隆五年四月內粵西與城綏苗獠連結不法變起倉卒網官兵燬塘汛稱王稱將肆行無忌兩邑老幼驚惶無措

彥躬膺民社不敢坐視一面團練鄉勇堅守巖塞披
星戴月殆無寧晷一面通詳上憲請兵進勦誓除
大難未幾弁兵陸續相援總鎮劉擁兵攻寨以爲
滅此而後朝食耳孰知雲霓之望方殷肘腋之憂愈
甚苗獠潛出四面殺虜此時此際無策可施危若朝
露早夜之間第與典史及綏邑士民枕戈待旦誓同
生死成敗利鈍非所逆睹矣幸我

皇上神聖文武嘉惠元元不忍斯民之顛危

簡命貴督張大人名廣泗綏靖邊疆而大人遂慨然以拯

綏甯縣志

卷之三十六

藝文上

七十八

溺爲己任神口所至罔不披靡執馘獻俘甯億萬殘
黎受其生全抑亦彥所深荷其洪庥者也豐功盛烈
所以光史冊而被絃歌者其可謂社稷之臣矣綏邑
士庶荷蒙再生之仁愧乏瑤瓊之報爰立口祠勒之
貞珉以誌不忘而彥亦幸佩公之德又甚樂綏人
戴公之深也不揣固陋爲之記

鄉約隣佑甯無公直牌練里甲並可解紛本縣必不濫淮濫拘專務與民休息倘再不悛謊狀圖勝本縣鉄面無私審出虛情定行反坐提究教唆作詞人嚴加重處本縣開誠布公切言曲諭以醒頑迷惟願士民家貼一紙里傳戶曉毋得視爲虛文使縣庭門可羅雀方遂本縣拊循羣黎懷保愛民之至意也

禁民溺女示

程際泰

爲申溺女之害以挽天和以全人命事照得天道好生螻蟻亦所不棄人性本善骨肉豈宜相殘况人爲

萬物之靈無論是男是女皆稟天地之生氣亦受父母之骨血豈可重男輕女而爲忍心逆理之事乎近聞楚南地方多有溺女之事而綏甯亦所不免溯其由來無非爲後日遣嫁之費耳不知世間貧富有定數命合困窮不因無女而遂富命合豐厚不因多女而遂貧產生蕩子多至敗家誕育孝女亦能救父荆釵布裙隨緣皆可出嫁暮年老景半子儘足承歡世有害女而男亦不育者是生機先自絕也亦有殺女而妻並偕亡者是惜費反多費也况冤孽相纏殺人

自殺此尤不可不深思而猛省耳合行勸諭爲此示
仰士民人等知悉嗣後坊保里隣互相勸勉凡有生
育務令男女竝舉倘敢故違仍行淹溺女命者或經
查出或經發覺定行重處以爲兇狠殘賊之戒至於
產後殤夭非係淹溺者毋得狹私妄舉多事擾民審寔
倍加重懲

申請本州更正州志改復綏甯爲首縣稟

知縣 林聯桂

敬稟者竊照續修州志前奉

綏甯縣志

卷之三十六

藝文上

八十

憲臺面諭以經費不敷飭令各屬勸捐解州嗣袁胥
二紳士回縣又奉

鈞函飭催疊經卑職遴選首士印發捐簿屬令認真
勸捐去後茲據卑縣舉貢生監袁齡胥善道艾恩拔
楊英杰李春泰等爲據實呈明懇賞轉申事情綏甯
與會通屬靖歷首綏甯久奉學政全書禮部則例

欽定章程煌煌可據自 前州憲續修州志因會通經費
頗多於綏遂抑綏於會通之末今值 魏憲續纂仍

照 呂志生等赴州具稟竝抄

姚

兩學憲批示已

蒙 州憲批准遵照更正矣但要換板等費須繳錢肆百千文生等酌議並經費承繳元絲銀四百兩折作制錢三百二十千文茲現辦交錢八十千文餘計錢二百四十千文陸續辦繳惟懇

父臺賜文申明實爲德便觀光上稟等情據此理合據情轉稟並飭該紳士胥善道鄠萬化先行解錢八十千文赴

憲轅交納如蒙 俯如該紳士等所請仰祈 批示下縣以便催令將未解錢二百四十千文趕緊收齊

解繳以濟工用爲此具稟伏祈 慈鑒卑職謹稟奉魏州尊批據稟解繳錢捌十千文已收明貯庫茲所刊志板業將告竣乃遽欲澈底換板需費浩繁前該紳士應九捐繳四百千之數希飭令五日內如數繳齊以憑飭令抽換另刊切勿遲悞此覆又批查湖南省志禮部則例學政全書靖州屬俱係首綏甯次會同又次通道今據該舉人等稟請更正候卽飭志局首士遵照憲綱更正可也嗣遵批經費解州訖州志板片更正訖

耙冲銅礦議詳封禁文案

乾隆十七年九月內有詭稱綏邑士民吳懷易者以苗疆已成內地礦沙旺過郴桂等詞具呈撫部院范呈稱雍正五年山主陶旺等具報綏甯耙冲銅礦現瑞通詳委勘生等備本刨試未滿三月獲銅拾萬餘觔抽課變價柒百餘兩解貯藩庫報部充公案册可據後因黔苗未盡甯帖故爾暫停今黔苗久帖黔廠久開獨綏甯耙冲未復致山多田少無業窮民艱於食力生等窃幸耙冲之地

周圍肆十餘里無田墓廬舍坤元厚利寶氣充塞爲湖南第一名廠况今彝民蠢者耕秀者讀衣冠文物悉成內地故援例復採繪圖入告憲批苗疆重地固不便輕議開採况經委勘礦砂無多自應封禁皆由前詞內未經縷晰今日之風移俗易與寶山之廣厚聯絡也至批駁奉勘無多苦於勘未刨試誰則入地探其寶藏伏懇

憲臺一視同仁與郴桂常甯等處一例招商復採俾銅觔日廣鼓鑄有資則錢多價減人人易於謀生

矣奉批仰辰永沅道就近確查妥議詳奪等因轉飭到縣該卑職查綏邑地名耙冲卽坐落半里地方四面環繞皆屬苗寨田廬坟墓與粵西義甯懷遠二縣龍勝獨車邊界接壤寔處楚粵兩省苗穴之中所產銅礦屢經開採俱卽封禁卑職檢查原卷先於乾隆四年奉文招商開採有靖民易文徵綏民黃三奇具呈自脩工本創試不獨工本虧折且致衆苗紛爭起衅焚卡搶物曾經審詳飭禁有案又於乾隆八年粵民龔德茂等呈請開採准兩

廣總督部堂慶咨商查議經前任董令議詳曾經驗試悉係粗鬆頑岩下色紅礦且出礦爲地無多四面刨挖俱未見礦線况粵西苗寨與綏屬苗寨雷團麻隆等處相連苗性狡悍若復開採易致集聚滋事仍請照封禁在案又於乾隆九年奉前督憲鄂檄委湖北署安陸府同知岳都查勘創試礦砂開挖洞口六處深二三丈均無礦線飭令封禁亦在案又於乾隆十二年九月內爲密扎事欽奉上諭據署廣西巡撫鄂奏稱桂林府屬之義甯縣龍勝以

內之獨車地方與湖南綏甯縣連界該處有耙冲嶺坐落楚地銅礦甚旺應行開採等語朕思開採一事雖有益於鼓鑄每易於滋事而界接苗疆辦理尤宜慎重今所奏綏甯一帶既係苗疆地方必悉心詳查徹始徹終細加籌酌將來開採之後萬無一失方可舉行者於苗疆稍有未便斷不可因目前之微利啟將來之禍端不如慎之於始照常封禁以杜聚集奸匪之漸可將此摺抄寄湖南巡撫楊令其加意查察將應否開採之處據寔奏聞

欽此遵

旨即寄信前來等因到院奉藩憲轉奉前撫憲楊飭委陞任乾州同知朱燕會同前署卑縣原任通道知縣明英齊詣該地將從前開採最旺之新旺洞旁另開一洞挖深二丈有餘並無礦砂又於洞口之左再挖一洞始得黑色毛礦夾雜泥土石塊用水淘淨寔稱得淨礦一百二十三觔煎煉得毛銅一十二觔復揭取蟹殼銅八觔九兩總計刨挖三日共用夫匠五十一工併廂木插條油炭等費僅得淨

銅八觔九兩詢之爐匠砂夫僉稱礦砂以全綠色爲上今紅色黑色此砂中最下者又查出礦之處在耙冲南面週圍丈量止有九十五丈因從前開挖山腹虛空下截已塌爲平坡上段俱已開裂中有仙坵興坵新坵楊洞通坵五處洞口週圍止丈有三十二丈係乾隆四年所開其五洞之外又有六洞係乾隆九年安陸府同知刨試無礦之處又山之北面並左右嶺頭有四洞口深至數丈亦係乾隆四年刨試無礦之洞耙冲山脚之下卽係苗田

訊據苗頭楊仁萬楊安科石國卿等供稱從前開採被砂泥壓壞田坵現有形跡可驗冲外係高寨雷團麻隆等寨糧田千餘畝俱係此一條冲水灌蔭若開採煎煉礦砂必在溪內淘洗過天雨水從廠上流出俱有銅銹汁水灌入田內損傷禾苗兼招集外來人多柴米必貴小的苗民愚蠢就被外人欺騙等語又刨挖三日僅煉淨銅入觔九兩礦砂不坵除去夫匠炭木工本獲利無幾殊不足以供敢鑄且招集外來人夫與苗襍處難保不生釁

端一經開採銹水砂泥流入田內必損傷禾苗所
關苗食匪輕又經連銜通稟各憲仍請封禁各在
案茲奉憲檄據士民吳懷易等呈請開採等情飭
令卑職確察繪圖具詳遵卽查明耙冲銅礦封禁
原卷並確查自乾隆四年至十二年歷來開挖十
數洞口週圍山地僅止三十餘丈挖出毛礦係紅
黑夾襍下色多費夫匠工本所得銅觔無幾礦砂
不**堪**難以開採山嶺之下卽係苗田千餘畝若煎
煉銅礦銹水流入有碍禾苗是以疊奉封禁今據

吳懷易等稱雍正五年山主陶**堪**創試未滿三月
獲銅十萬餘觔抽稅七百餘兩等語卑職復查原
案於雍正五年九月內據士民陶**堪**等爲地不愛
寶等事呈請前陞任本州楊通詳奉委創試於雍
正七年五月二十二日興工起挖後因礦山開裂
不便創試卽於本年七月初四日詳請封閉止共
鎔得淨銅二萬九千七百四十三觔十兩內除州
屬頭人分去淨銅一萬六千四百二十四觔奉飭
歸州城抽分另解外卑縣頭人止分得淨銅一萬

三千三百一十九觔十兩照黔滇例二八抽分共抽得課銅二千六百六十四觔十兩七錢每觔時價銀一錢二分共變銀三百一十九兩七錢六分三毫批解藩庫彈收因據頭人吳煥等稟稱自興工以來於四界內遍行刨挖所獲礦砂甚少竭力追下並無所獲惟山坡一面內有七八洞陸續挖出礦砂俱已摺報奈此山形勢窄小遍開洞口俱已挖穿山面大開裂縫在廠人等俱畏怯不敢復入是以獲砂有限竝非興~~辦~~礦山等情稟懇詳請

封閉在案此雍正五年奉文刨試旋即封閉緣由也又稱週圍四十餘里無田墓廬舍寶氣充塞爲湖南第一名廠查逼近耙廠所即係麻隆羅溪苗民田墓廬舍所在多有又高寨苗民至廠三里雷團苗寨至廠四里李家溪苗寨至廠八里其古孟靖邊官團傅素段團橫栢各苗寨週圍環繞之田墓廬舍更不可勝計並無四十餘里空濶之所自乾隆四年疊次開採洞口深至二三丈不得礦砂者居多即於二年朱同知挖得紅黑色夾襍之礦

止煉淨銅數觔其砂不旺可知所稱寶氣充塞第
一名廠實屬妄誕况查卑縣僻遠楚邊所屬耙冲
與粵西義甯僅相距六十里懷遠亦止八十里而
省邊方相錯概係苗民巢穴乾隆五年彼此勾結
不法大兵勦除之後各添設營汛官兵彈壓嚴密
稽查近雖甯靜然終屬苗疆非內地可比若於耙
冲開採見利必趨縱有塘卡寔難禁絕往來加之
外來民人集聚漢苗混雜保無生衅滋事爲害甚
鉅所稱衣冠文物悉成內地已非苗所更屬不經

緣奉檄飭事理相應確切查明繪圖詳說具文詳
覆憲臺俯賜察核轉詳實爲公便再查吳懷易等
竝非綏邑士民不知何處民人率敢冒具呈詞妄
瀆合竝聲明於乾隆十七年十月十九日議詳由
州核轉嗣奉院批仰布政司轉飭照舊封禁仍不
時查察毋許奸民私行偷挖干咎竝飭長沙縣着
落代書彭上達跟出吳懷易等到案質訊究報□

綏甯縣志目錄卷三十六藝文下

綏甯縣知縣方傳質續修

書

傳

記

祭文

田論

公稟

水道

綏甯縣志

目錄

一

上劉總統策名書

陳文言

軍中握手暢所欲言快何如之迺蒙大兄大人止宿
愍勤賜食屢次隆情厚意感曷有極某於初十日至
縣目今苗獠更覺恣肆栗子均山下殺死挑夫行人
胆落運糧之夫多不應募楓鄉等處燒焚劫搶殆無
虛日城鄉震恐怨聲載道某前在帳中將辦理原委
詳細敷陳俱蒙中聽專候初十日捷音今已逾期竝
無動靜豈陰雨之故耶數日內甯無晴天況行軍之
事風雨無阻豈以時日有不佳耶近聞提臺不日至

綏士民受苗獠荼毒長夫短夫運糧運草原爲一勞
永逸故萬苦不辭若徒焚燒空寨已非其心況按兵
不動保無有邛馬而控者乎麾下將弁拋父母撇妻
子原欲立功疆場奏凱速還以慰倚門倚閭之望保
無有勇敢之士不得直前暗爲稟者乎各標協營之
兵與兄本標之兵孰苦孰樂保無有造言生事膚受
之愬者乎攻界溪之後退守黃桑坪猶可諉於三路
進兵之不前打扒樹之時久住六馬猶可歸諸撫軍
之意在招安今也破長坪大寨又幾一月更將誰諉

藉曰苗人投降欲攻長安等寨傳充立功待其獻充而後勦之無論其唇齒不肯相傷且力亦有所不能苗獠狡詐不到搜捉迫急奔逃無路之時豈肯獻人長坪等寨彼不自獻而欲獻別寨之人以立功何其巧哉况誘降之李邦富已被殺死則愚我可知此時惟有進兵一着尙何姑待與其進兵於提臺到後何如加兵於未到之先與其受人之令而進退莫由何如授人以令而指揮由我孰得孰失顯而易見據某愚見卽迅將數寨通打猶恐責備從前之不早若稽遲時日其將何辭以自解時乎時乎不能再來厝火積薪之上安能高枕無憂某蒙錯愛不忍膜視語過激烈幸冀寬宥聽違在兄不再饒舌

與程階平明府書

分宜拔貢

嚴宗寬

樂園

中夏行役南昌過清江訪故人楊中丞於家相與揮
麈劇談論舊時楚屬人材中丞稱述明公德業政事
之暇留心文學將有事於邑乘旁求俊彥寄以筆削
曾以賤名上諸籤吏僕聞之始喜中媿繼以辟易自
念生平竊嘗有志於古文之學而力不逮心習之既
久如望三山者雖阻弱水其宮闕之象金銀之氣亦
畧可彷彿每思息心靜氣少成撰述以示子孫而年
來鹿鹿婚嫁奔走衣食又以文章不能無故而作不

綏甯縣志

卷之三十六

藝文下

三

見許高明終難共信今幸有明府爲之呼中丞爲之
應使僕得托賢宰千秋之業存一得之愚斯亦足以
自快其意已惟是賦質偏魯誦讀無多少時所記百
不一省手無寸鋏欲入五花八門衝壘破壁自知其
難也而中丞謂雁已過衡成命難收勉勸厥役以副
盛心僕乃言於中丞曰昔在星沙得觀南楚諸志惟
衡永文詞雅潔紀載不濫然竊疑其散漫無紀湊雜
失序無異於各乘意欲仿古人之法分爲三門列二
十四類其沿革分野輿圖形勢山川風俗物產則統

之地理設官作邑徭賦戶口水利學校祠祀寺觀災祥則統之政治官師選舉貞烈寓賢藝術仙釋古蹟藝文則統之人物其藝文非成集名家如記序之屬有關志事者則散附於所記序之事之後庶幾綱舉而目張領挈而裘順雖條目千萬可以類從淮陰之兵固不患其多矣亦嘗間著小論以伸鄙見然胸中傀儡祇堪陳諸故人之側偶醒倦目非敢謂遂成人而能爲此事也不圖七月旣望錦幣雲箋儼然下賁旣集狐以成衣猶待羔而襲袖處心之虛謀事之愼

下士之誠且敬未有如明公者也僕雖荒陋敢不唯命於是拭几鍵戶繙閱來稿知古來名將固有不拘成法自闢新壘者又非一切之見所可議若其發凡也周其起例也嚴其採訪也博而審其去取也明且公其文贍而典簡而淨則視衡永猶積薪矣夫裨謀善謀旣已獲諸野後事者自易爲功故今惟於星野占候八條謬肆討論其餘概爲修飾至於潤色仍歸而望諸東里子產他日刻成質中丞未識故人見之相視云何也率爾縷陳冒瀆尊嚴歸鴻便度望垂大

教不盡區區

綏甯縣志

卷之三十六

藝文下

五

邑侯菘園趙公傳

李春泰 邑人

邑侯加同知銜趙公

諱

宗文山右壽陽名族也甲午

舉於鄉膺任於楚任歷桂陽與鄴嘉慶初鎮筓苗叛
軍務旁午上憲廉□公能一切委重逮凱徹又派
公辦理奏銷事竣戊午始調補綏甫下車興利革弊
減券錢戒浮收鋤豪猾懲蠹役察城市中有淫佚博
蕩之輩晝夜巡拏風遂以戢知綏山多田少非竭力
無以資生製蒔竹編教民種植蓄聚之法地無遺利
春夏間公出使人肩臺苙油箠以從見有勤耰鋤力

芟柞者賞之草宅者喚田主答之邑無惰農民以贍
足崇甯者縣書院也棖楹傾圮幾鞠茂草公捐廉購
材鳩工閔其基址繚以垣墉增置講堂齋舍椅案凳
榻器具咸備募置學田百餘畝以資膏火歲正考取
生童正副課數十人延名師主講以課卷三次之優
劣定正副課之升降又於十八日官課局試於署給
飯馘優獎賞肄業者益思奮勉無敢自棄且欲士之
力圖上進也錄鄉先達名額懸於庭令人觸目思企
其用意篤摯深微有如此者綏距省遠歷來赴鄉試

者少庚申 公先期舉賓興懸綵張樂人給銀貳兩
以助資斧故是科赴試者五十人獲薦者二辛酉副
車之報捷皆 公之成之也 公爲政寬猛互用教
養備舉二十五里仰之若父母焉惜綏邑緣慳天不
憇遺以庚申九月卒於官署享年五十有六安人姜
氏少君四人長鶴雲次彤雲五雲師雲祇長君隨任
次君以優貢

朝考第一聞已官於直隸省邑人士思 公之德立祠
奉祀春秋匪懈覽揆之辰亦致祝焉

邑侯香畚李公傳

鄧 暲 邑人

邑侯李公諱方毅四川成都人也乾隆甲午科 公以弱冠領鄉薦授岷山教諭後以軍功爲 孫中堂保舉題署湖南臨武縣知縣充庚申

恩科內簾官所得士多連捷敷歷中外者旋於是年冬由臨武調綏邑 公下車之日適際壽陽 趙公之後一切教養諸善政悉如 趙公有曹參畫一之風焉 政治暇與書院諸生講學論文孳孳不倦閒有事下鄉輒問父老疾苦以此利無不興害無不革他如重

綏甯縣志

卷之三十六 藝文下

八

修 文昌宮整理西倉場建虎谿書院頭門皆捐廉爲倡而下無興作之苦故在綏七年其清操惠愛有如一日嗣加同知銜陞任永綏廳以疾終於官署綏邑士民聞訃莫不追思隕涕爭相斂賻以助扶櫬之資者七百餘金先是鎮筵逆苗之亂綏甯奉文派辦畱防兵米貳千石闔縣諸民以綏地山多田少供億維難環庭泣叩 公爲惻然再四申詳情詞懇切始蒙上憲矜免 公有情願不做官莫使民受苦之語藉非痼瘵在抱其肯爲民請命而又獲如願以償若

此哉此綏邑所由以 公與 趙公立祠並祀愈夾
而不忘也謹錄於篇

邑侯辛山林公傳

邑庠 吳懋本

辛山林公諱聯桂粵東七才子一也門下多知名士由辛酉選拔膺鄉舉登丙戌進士戊子夏來權茲士甫下車即以道學爲首務我邑濟濟多士爭赴龍門受陶鑄適大憲檄修各州縣志乘州志屬邑舊首綏次會同後通道否何祝志續修抑綏於末呂志因之公秉禮部則例學政全書稟請更正始復其舊邑志荒八九十年矣前任薛侯設局纂修稿未竟中止公力肩之手親筆削三閱月而書成其學識之優如此

綏甯縣志

卷之三十六

藝文下

十

每朔望詣虎谿書院談論詩文講解經史必終日寒暑罔間念膏火微無以勵士氣捐鶴俸置田畝以鼓之一時肄業者莫不爭自濯磨文風因以丕振桂榜踵登實 公教澤所遺然 公之盛德感人亦即在此春風化雨中也夫百里侯封政令多端簿書鞅掌勵精者日多不輟 公乃優游函丈培植諸生菁莪棫樸之化蔚爲政通人和之休而小民潛移默感於不自知夫豈近今所易覲者哉提學程公春海贈以道得民堂額信不誣也卸篆後邑人深去思每屆覽

揆辰懸 公像敬禮遙祝之後與胡公并建祠於晝
院後奉木主逐年祭奠今祠燬於賊燹將重建之庶
俎豆馨香報 公於未艾云

邑侯荔生胡公傳

庠生 龍燾庸

胡公

諱巖號

荔生閩中汀州府宦族舉嘉慶丁丑進

士庚寅春來蒞茲土下車之始首重農桑振興學校革頽風清積弊爲治有序不求速效性慈祥遇疑獄輒數日不安寢食必昭雪乃已民懷盛德化洽蒲鞭暇則常詣書院與諸生講解經史詩文循循善誘士服其教其相奮勉文風益振文廟向卑狹倡建而恢宏之北塔與巒宮對峙傾圮而葺崇之在任前後凡七年日有絃歌夜無犬吠父老云蒞吾邑者多矣若實

心實政與民息息相關趙李後惟公一人而已將解任紳耆商稟留公力止之去之日咸泣集板轅於道至阻輿衛不得行其愛戴之深如此公自奉甚約粗食布衣不易寒素署中使役不過十餘人或問之曰吾署中少一人即吾民少一蠹何多爲先是書院前有趙李二公祠誌遺愛也邑人感公德化與林公并建祠於書院後以示不忘適庚申之變燬於賊燹今士民謀重建以妥公靈以續公祀俎豆馨香將與高山流水俱永焉

邑侯樸安吳公傳

教諭

張開謨

公諱熊字

樸安浙江湖州府歸安縣舉人由宗學漢

教習分發湖南任麻陽令卓有政聲暨遷靖州通道縣尹咸豐八九年間粵西黎古逆苗犯通道境公智勇防勦歷昭懋績民賴以安八年奉旨以同知補用九年大記卓異調補綏甯知縣十年春到任九月二十八日粵匪大股數萬騎豕突狼奔日馳二百里越青林界直搗綏邑麻隆團練倉皇不能禦次日即抵臨口距城僅九十里斗大孤城勇單餉缺在事文

武又預派赴各隘反爲賊所扼三十日城遂陷公及第三子鑣被執同遇害典史馬景恒亦死之嗚呼紅羊巨劫數定莫逃父子僚屬暨城內居民同噴頸血天地爲之變色草木爲之含冤人生至此可悲也夫幸其時州尊張筱華先生振旅前來旋即克復悉公等殉難情事請於朝得沐卹典蔭錫有如公雖死亦足以舒幽憤矣茲修邑志例應爲傳以誌不朽

心淦朱公傳

庠生 宋天秩

朱公

諱

光孚

字

心淦上湘世族嘉慶己卯科舉人大挑一等以知縣用辭改教職歷任瀘溪溆浦等處多所造就丙辰歲秉鐸我邑槩勸規摩循循善誘士習丕變文風日上膺鶚薦登桂榜者皆公裁成之力也公之學以篤行爲先嘗曰我輩讀古人書當於古人中求一近似者爲法語言動作奉爲圭臬尊行既久自有心得若徒竊古人緒餘弋取科名筆下雖有千言胸中實無一得欺人實自欺何取乎爾在任幾十

年持己接物悉本至誠生平無遽言急色雖甚怒不聞惡聲暇則瞑目端坐澄懷觀理曾有聯云閉口才儲內存心子在旁可以見公之志矣甲子秋任滿赴驗時年七十有三寒暑不時遂染沉疴抵家稍愈束裝來綏家人苦留之不可曰綏人士視吾猶父在綏如在家遂於是冬回任時縣署燬於兵燹東齋爲縣令借居公遷於城隍廟之東廂心甚怏怏盖乃祖祖恪公以修志事捐館於城隍廟也未及一月疾犬漸至乙丑之花朝前五日卒士類聞訃如喪考妣哭泣

之哀道途酸鼻衣衾棺槨皆門人籌備之及其子奔喪來綏而身後事已無不周矣非盛德感人之深未易臻此捐館之次老僕彭某夢公清釐赴任事需僕與隨僕辭以母老無依公怒以容後扶襯歸里舟至朗江忽昏眩自辰至未始甦日適主人至一府第殿宇宏敞隨役以數十計其儀從較前迥矣左右街道店房字號無不悉記識者謂此城都府城隍也事雖荒渺而聰明正直爲神理或可憑因附錄於後以誌不爽云

宋湖南宣撫處置副使墓碑

貢生 龍魯儒

吾姓始祖元爵公

諱

宗麻宋南平侯忠武公

諱

禹官

之長子母羅氏暨弟朝靈庭旺皆文武才有父風初忠武公奉命南征恩威並著蠻人感服兵不血刃而南方悉平元祐二年卒於任上命楊經畧領其軍於是苗民復叛殘害生靈上以大臣奏召公自浙州列校任湖南宣撫處置副使帶兵勦捕乃偕母及諸弟自長沙行營歷常辰沅靖抵於綏甯不率則用武旣服則修文四年之內莫不懷德畏威望風歸命而荆

楚復平矣公於是乞休遂於東山之鐵冲家焉元祐七年卒越明年羅夫人卒皆塋水口龜形厥後其子望霖公卒亦附塋焉封石爲墓舊有碑銘迄今世遠年湮石毀碑裂非重加整砌恐使鼯鼠營窟於其間牧童踏歌於其地豈所以妥先靈展孝思之義哉道光戊子春謀諸族以新之不越月而功成爰撮其實著於碑俾後之覩是誌者咸得悉公之平定此土固宜世享弗替云

鑿字岩改路記

教諭 李同孫

綏甯邑萬山間距府百八十里岡巘隔越行者歎息
詢之耆宿舊有垣途爲怙勢者所隱而官府未察剗
行山巔五嶺連亘盤折犖确仰凌飛雲俯瞰絕壑艱
苦百狀公私阻焉汴梁陳公來主是邑簿因土俗之
便審山水之勢由蓼溪關硤經藍口至於黃石長溪
鑿崖道翦榛莽改闢平路於是步者輿者騎者俱便
往來稱贊路總管南湖先生樂聞其事詩以紀之公
勤於政事不憚寒暑謂修理道路乃其職雖羣議紛
集毅然肯爲使崎嶇爲坦夷可謂克盡其任矣惟其
持心平故見之行事皆平易曰履道坦坦公其有焉
公名敬字子中以文學調今職卓乎其有可觀是不
可不書

又

主簿 陳敬

綏甯古徽州也治二鄉十四圖一十五崗四十八團
至元丙子歸附我朝仍隸武岡路轄焉在西南萬山
間去府城百八十里層巒疊巘道路險阻故宋以前

稍置官屬縻之而已其田隘其山嶮其石亂其毛禿
度嶺下川躋攀步履蹊徑蜿蜒微若一綫而中州仕
宦鎮戍軍旅臨履未習愀然變色或值陰雨努力上
下其滑如油進寸退尺勞苦百狀既置郡縣同軌同
文又多歷年載守令代遷理有更張而皆苟且猶豫
恬然莫之詢求致土豪之家隱蔽平坦復指官府剝
修山巔溪坳仰盡雲漢俯及幽谷崎嶇之態不可殫
舉大德丙午夏四月余來主是邑簿每念縣治僻在
天陬利民之政平易宜先遂躬杖履審山水蠲重橐

因民無事改自蓼溪茶灣鹽井鎖石旱田深渡山口
武陽千里止田大安插柳關硤藍口雙溪大泉次溪
衝黃石小水土溪吉惹長溪木皮寮至縣亘百餘里
鳴雞吠犬廬舍相望遞驛所經其他隣境沉靖融宜
支徑歧出咸能達焉時董樂從之民翦榛莽闢郊墟
鋤草萊碎研石架橋梁百里康莊五嶺通暢

楓門磨石火甲

平溪寨坡

且誠以經始之勿亟僅二稔而工完邦侯少中
大夫南湖先生承務郎山蔡先生郡博士姚南楨學
正譚潛居學省龍達齋學錄黃進齋山長獨孤處德

名儒士乃謂履平避險使益良多各贈以詩餘亦作
唐律二首櫟括大概縣教李雪湖記其事講書蕭□
父取成周之遺制附都梁之續志序其本末皆集書
堅珉鐫而垂永俾問津者知其去就云

重修儒學記

知縣 高應冕

今天下文教四訖雖深山窮谷罔不建學立師育材養士以比隆三代之盛綏邑爲湖北要衝古唐徽州鎮也居武岡靖州之中自洪武迄景泰科第相繼有聲與湖省諸郡爭馳不肯少讓至成化間遂中衰不振科甲寢不如前說者謂舊無城郭今增之風水不利於學以故士無奮心學宮亦漸傾圮應冕作而言曰科甲之不振者豈今人之不古若哉而歸咎於城郭之立則是天下之盛科第者皆無城郭者耶予則

謂學宮之傾圮科第之所以不振也蓋學有廟以妥先聖有廡以列羣賢者尊之也萃其靈望以啟佑後學也傾圮而不修是褻之也未有褻其尊而能邀其佑者也夫士能鼓舞奮發不甘心於人下者其進德修業恒以學師爲依歸而學宮之傾圮若此則是士習于中者譬諸人之衣敝緼袍焉精彩先索然矣又安能揚眉吐氣激昂青雲耶其師亦將曰明倫堂以一衆也左右齋以肄業也公廡以隆師也墻垣以設防也而傾圮若此吾教其何施吾且慮廡宇之倒之

不暇而暇於講學乎哉冕用是惧且以爲有司之羞
遂首議修學申請守巡道允之申請兵備道再允之
申請巡撫兩臺咸如三道之允卽賈材鳩工日省月
試壞者新之卑者高之仆者植之敝者飭之廟吾見
其巍然崇也廡吾見其煥然新也堂吾見其廉隅棟
宇之整飭也齋吾見其戶牖棖題之軒敞也公廡峻
起而豁達也墻垣高厚而堅固也功迺就氣象改觀
規模宏遠凡沐浴涵育於此者如鳳凰鳴於梧桐高
岡之上能無超然凌霄之思矣乎越三日冕往告成

於學司訓程君率諸弟子員升堂序立鳴鼓考鐘講
學問道周旋進退精彩煥發大非昔比應冕喜曰猗
歟美哉彬彬乎東京之遺矣復古科第之盛將不在
茲乎是故學校興則文運隆矣文運隆則人才出矣
又何有於城郭風水之限也昔昆彝之地荆棘尙存
有文王之鼓舞作興則山川之靈亦如響應而樸棧
菁莪之化成焉豪傑之士自無待於文王亦不爲風
俗所濡染然造士之地不可不加意也故併記之以
俟興學重教之君子

儒學碑記

教諭

陳信中

憶乙巳仲秋邑侯楊君宰蒞茲土甫入城見荒煙蔓草編茅畫溝而居者比閭也棟突椽折而風雨不蔽者官廡也目擊心惻者久之及謁

先師則僅望空瞻禮愀然顧予而言曰綏邑

聖靈弗妥遂至此極哉嗣後朔望行香春秋釋菜往往悲傷形於辭色力以開榛闢莽爲任但初下車時因前令數易諸務咸弛輯理公署日無甯刻一時不能並舉迨二年聖殿刱建又數年而明倫堂告成工完

之日命余一言以示永久余謝曰是雖聖人之宮而實聖人之道所寓焉者也寡聞渺見雖欲言之又烏得而言之窃惟道通元命德配天宰之謂帝建中表正統一三才之謂王承先傳後開萬古長夜之謂師是道也大如天地之無不包明如日月之無不照遊於門者不能形容其萬一其又何敢易於言余每見昔賢之記修學者皆借繕修之事告以持己治人之方以及家修廷獻之理令有志聖賢之徒或入門而生敬焉或登堂而起悟焉諸如此類務必廣搜遠採

觸物引伸明示優劣之條詳著勸懲之法於以裁其過而勉其不及俾都人士皆有所矜式使後人之讀者亦覺亶亶而忘倦此大賢隱於下僚文行兼優者之所爲也而余豈其人哉余第知叙宮墻之廢興紀工作之始末而已是役也自聖殿兩廡櫺星門鬢門經始於戊申之春落成於秋明倫堂經始于壬子之秋落成於冬楊君九鼎字德公杭州仁和人賦性慈和清勤在任數載興革皆令時宜一切廨舍道梁暨城堡祠廟諸蹟咸捐資重新而修學宮其一端也

求之於今既不可得稽之於昔實所罕覯闔邑士民屢赴上哀控請入名宦以垂不朽足徵公道之在人
心自不容泯滅者捕廳任士泰顧鼎昇巡檢翟化鵬
均有督修之功例得並書云

十豐橋記

知縣 高應冕

予辛丑仲冬既望入綏甯先二日宿安平山觀有一道士來謁縞衣素巾長揖立堦下欣然謂予曰卽星臨軫野土膏增美豐登三年後仍繼以七皆君侯福德之庇也予怪其妄且誕又異其人不爲禮彼亦遂辭去顧左右曰我白鹿山人也爾輩享十年豐稔後當記吾言出門卽不知所徃左右駭其人以言白予予曰此方外浮浪者諛言也何足聽今甲辰歲湖省大荒歉獨余治豐稔倍常邈之癸卯壬寅俱大穫有

秋逋欠全輸流移悉復業非若辛丑以前米貴民亡比也道士之說雖誕而幸中由前卜後則十年可望也遂建亭於東門橋上以十豐名之又立永豐祠於橋之北山配焉不月而功成耆老率百姓請予徃觀踴躍喧呼歡欣載道予因進群黎於橋亭之下而告詔之曰古今紀令之賢而大爲民慶者必曰薄斂而節用也夫斂不厚用不濫亦仁政所必先謂民大有慶又不在是爾使民果饑饉相仍流離逃竄則相率救死不瞻又安能輸賦於官而望斂之薄用之有節

乎哉故周禮太宰以九賦斂財賄以九式節財用猶必以三年耕餘一年食爲本務焉昔陳堯佐知杭州富鄭公知貴州范文正守兩浙蔡文忠守京東豈不能薄斂節用而皇皇爲救荒備食之計何者民不患於取盈而患無粒米狼戾以備取也予自歷任來修城池新學宮建軍堡用民財力實多而民食益足民財益裕視他郡邑之艱食流離不啻逕庭此豈徒從薄斂節用中來哉故民慶莫大於豐年而爲令者亦必以豐登爲斯民慶使備荒之政行亦非福矣雖然

十年之後之民獨非吾民哉過此以往爲神之賜不可必也故立永豐祠以祀社使民春祈秋報十年後之豐稔又安知不如今耶不然則社稷之靈不白鹿山人若矣傳曰心和則氣和氣和則形和而天地之和應是豐年之徵也此豈聲音笑貌可得而襲者哉於是群黎百姓稽首稱謝勒石以記予愧曰我未能也以俟後君子

江口軍堡記

邑人夏相

我國家稽古定制文武兼庸長治久安計也書曰詰爾戎兵以覲文王之耿光以揚武王之大烈又曰丕顯哉文王謨丕承哉武王烈先王之道斯爲美也綏甯本唐谿峒古徽州之地民獯雜處素號難治嘉靖辛丑冬縣令穎湖高公來蒞茲地本之以公平正大之心超凡獨得之見濟之以忠信果確之誠廢墜俱振恩威交孚三月政成士民頌之公愀然曰未也壬寅春適大巡駝翁史公按臨省方觀民公乃脩陳五

興革之政併議建立江口多龍藍溪諸堡捍禦苗彝駝翁顧謂分守海灣鄭公分巡古厓楊公曰善哉高令之爲政也興革行則政教舉軍堡立則民社安文武兼資垂利十世賢可知矣遂允議飭行公乃以藍溪堡委青坡司巡檢多龍堡委臨口司巡檢使各兼武職以董其事惟茲江口距縣四十里東抵湖南城步彝峒橫嶺牛石上火下火西抵廣右懷遠苗彝大村蒙固六甲六馬爲苗彝仇殺出入刼掠人財盜竊牛畜必由之地特委典史梁富春相度基址於龍家

寨建堡採木伐石造灰陶瓦周圍城六十丈高一丈五尺厚一丈串樓八十間內立官廳寢室東西翼以營房前建戍樓大門一座規度如制煥然一新不踰月而落成命相記之相曰此公大政績也相言何足爲輕重且拙於辭不獲已乃敢拜首颺言曰綏甯之有江口自李唐時始也賊往來爲患不啻數千百年其所以防衛之者槩不知出於此公蒞任數月深諳邊情使千載之下民獲安堵信乎駝翁所謂文武全材超見遠識也夫五興五革修內治也練兵立堡禦

外侮也內治修文教立矣外侮禦武功輯矣自今伊始城郭無虞溝池不越鑄劍戟爲農器放牛馬於原藪平成之功萬世永賴豈但士民頌慕而已哉公目下有考績之行宜爲聖天子告之以驗文武兼庸之效是爲記

多龍堡記

邑人 陳學

自順治間荆蠻平服之後湖北沿邊諸洞畏威懷德供役輸賦罔敢越厥志以叛天綱惟綏甯爲古徽州鎮居武岡靖州之中萬山盤結環四面皆苗窩也左藍溪右江口東有蓮荷西有流源皆距縣城百餘里或六七十里惟多龍逼近縣城僅二十里地界廣西山勢峻曲乃羅崖四洞紫壇都壘雙江設地諸苗咽喉之路也歲值荒歉苗卽爲盜或假祖父之讐日潛夜出小則割禾偷畜大則殺燬發塚附近居者男女

失業日無甯字商旅往來被劫囊空無所赴愬盖哨堡官軍相隔寫遠故苗惡益肆莫可誰何嘉靖辛丑冬仁和高侯來宰三月利興弊革尤以此爲腹心之病不可緩治越明年大巡史駝材公按臨茲土高侯首以建堡之事白之駝翁嘉廼議商於守巡二道凶謂侯曰爾亟圖之於是侯往卜地得多龍高阜之上眡景辨方經營既定庶民子來作城樓以尊勢也作周垣以設防也作廳以一衆也作門以大觀也作寢以安其官也作左右營房以正其軍也寢中度以尺

廳上度以尋樓度以丈堦度以步途度以軌其爲垣
串三十有五其爲屋二十有六其爲楹四十有三其
爲工三百有二十其爲日九十有五盈縮有經屬役
若素公不知費私靡告勩堡旣成民咸稱便侯亦自
慶得形勝之勢足以扼諸苗之吭而撫其背矣命學
記之學曰詩歌采薇易重設險禮完要塞脩邊竟古
人立防禦寇如此侯之用心不誠吻合乎哉夫有脩
則無患言貴豫也木拔通而後昆彝遁疆里止居者
咸賴焉則今日之邊民可免失業之虞矣倘後之父
母綿高侯之澤於不墜則又綏之慶也學不敏僭爲
之記

重修城隍祠並創建後殿記

知縣 范成龍

嘗聞春秋匪懈古人崇廟祀之儀俎豆薦馨後世肅
几筵之敬粵稽祀典神在則然矧茲城隍幽明顯應
誠通帝座操禦災捍患之權顯達人寰掌福善禍淫
之柄是以人之無良縱使不畏明刑未始不遭陰譴
凡有血氣莫不尊親撫茲綏邑諸廟俱存維是城隍
一祠威靈甚赫廟貌弗彰椽桷傾頽漸多風雨之患
前祠孑立苦無後殿之棲余濫竽茲邑竊荷神庥每
於瞻拜之餘實滋隕越之懼因思龍宮梵剎宜施佈

地之金舞榭歌臺亦櫛纏頭之錦况闔邑吉凶所係
可弗美其觀瞻且四時祭禱必先可弗宏其規制乎
敬捐簿俸命匠庀材修葺前祠鼎新後殿莊嚴神像
增設祭臺庶幾廟貌新而神庥廣其穀我士女者又
甯有涯岸耶凡我士庶悉宜敬恭爰紀其事以垂永
久云

定遠橋記

知縣 范成龍

壬戌之歲予奉

簡命承乏茲士月嘉平始攬轡楓門但見山從面起雲向馬生蜀道之難不是過也經九谿之紆迴越高坪之藁莽黃茅白日夜火燐燐化萋宏之血者不知凡幾又儼讀一篇古戰場文也次日至關破踰古渡畧約橫支兩岸煙雲遙接潺湲激礮之聲雖未心墮石郎而亦震耳驚眸因思逆氛蹂躪之後無非瓦礫之場邑中修葺舉行者不獨此爲首務也抵任後因辦楠

杉差使接踵道路司土者應接不暇何能務此越歲予奉調星沙復經其地適值杏花雨止桃浪拍天兩涘渚涯之間不辨牛馬向之畧約竟爲泛海之槎渺不知所之矣行者販者旣不能飛渡又安得投鞭惟徬徨於兩岸招招舟子撐一葉於洶濤巨浪中野航恰受不過三兩八而已因思版宇新甯地當滇黔孔道萬一羽書夜至野渡舟橫此一衣帶水甯不悞乃公事回任後審其地勢較其財物計其工役捐百金以倡之而召李生若樑主其事李生督匠鑿石填淵

工始於甲子秋告成於丙寅春而後一虹長駕勢捲
凌空予徘徊其上覺千峯之飛翠萬壑之狂瀾皆在
吾鎖鑰中矣從茲往來者輕越天塹鮮不歸功李生
李生逡巡而前曰曩承夫子專命恐落落難合乃有
志者事竟成非夫子至誠流化安能及此不朽之功
實在夫子樑幸不辱命耳予笑曰蘧伯玉耻人獨爲
君子予將與子分美焉因勒石並勳事明經蘇九圃
庠生李若星李超里人李懷玉李宏勳楊仁修楊時
榮蘇文科李葉鮮楊柄蘇再忠李茂材諸人名以彰

久遠云

定遠橋記

廩生 李若樑

嘗讀書至輿梁告成每掩卷而三歎也曰王仁浩蕩有如是哉蓋先王制之後世因之普利濟於天壤間若相視爲固有矣綏邑之東地名關硤有挑橋舊址距城八十里上極滇黔下達都會公私往來者絡繹不絕誠當事之急務王政所不容緩也自來賢宰類皆爲目前計避難就易以木爲之閱數載而傾圮邑侯范公承寇氛之餘泣任殘疆揆時度勢善政宏敷經二載瘡痍漸有起色一日者旋自星沙亭驂野寺

綏甯縣志

卷之三十六

藝文

三十三

樑率弟侄輩趨謁焉侯睹茲橋埠往來維艱憮然太息遂興利濟之思慷慨捐倡命樑廣募督修邑人踴躍樂輸乃擇吉命匠相度舊址易木爲石橋自秋歷春經數月而後成客有自東南來者誇曰一方形勝也兩里巨觀也樑曰此吾侯之德將以濟天下往來商旅非僅一隅之利也子私之過矣爰勒諸石永垂不忘云

禁革排年科派雜費碑記

知縣吳祥生

爲積蠹挾私抗法等事本縣天性悻直敢謂曰清本
心愚誠敢謂曰慎粵自康熙三十九年十二月十二
日奉

簡命蒞任常甯時緣縣治屯糧不均民糧併被豪强大戶
包攬隱沒諸錮弊本縣志切剔釐慮令有不從者故
先自自身始盡將從前陋規革除復詳奉刊碑示禁
止餘錢糧羨耗以爲交際公捐夫役等費迨至康熙
四十三年八月初六日蒙委一署郴篆亦不敢以五
日京兆膜視郴民但將火耗備辦交際公捐夫船一

綏甯縣志

卷之三十六

藝文下

三十四

應費用此外亦如常甯故事總不以問諸百姓併將
現年當年里總里催各樣名目一併詳奉 撫都院
趙 批允勒碑永禁此皆祇承

聖天子休息黎庶盛心兼仰體 撫都院欽奉

諭旨潔己愛民德意本縣碌碌何敢自謂稍有一得於其
間哉迺謬荷 上憲以廉能保

題調補綏甯縣查綏地邊界楚粵雜處苗獠疊罹鄰禍
復苦私徵是以本縣抵任以來蒿目心憂莫知所措
本縣才慙旋幹自維唯有如常甯縣時盡革私派陋

規克己自身始冀以身先率人耳詎意令未伸而抗議者紛紛弊未除而舞文者藐藐計本縣於去歲六月到任至七月初五日未經一月而冒充庫吏現年七甲頭人龍艷輝李仁書黨積蠹經管派數之庫書戶書于文武陶漢富洪朝試經管禮節之禮書蕭君從經管夫役之兵書唐得科及一班蠹役于富等乘先夜閨寂哄然散去使縣令公庭眞堪羅雀本縣只得暫倣昔人聽訟壟畝間故事僅一官而讞決百姓獄者凡两天一身而繕六房文者已三日遂致詳

院震怒誤及本州在本縣當時止憂下負百姓之期望上負上憲之知遇寔未嘗慮及署官雖伯仁未因我而至死已遺恨生平然綏民自茲而全生卽夕死亦可矣今詳奉撫都院趙批准飭禁合遵勒石嚴禁昭垂永久爲此示仰綏邑二十一里四崙十三堡民屯爨民人等知悉自本縣於康熙四十四年六月內到任以來一凡已經七甲民人出脩經本縣革除者如上任人夫執事堂上筆硃紙張衙內油燭穀豆柴炭草束及坊廂供應內衙鋪設各項又如僱脩

轎傘夫水火夫舖司巡城看守頭門炮手各役一總發還逐退訖一凡現經四崗屯戶爨民照依往昔陋規議脩經本縣禁革者如每崗簞席銀二十四兩戶口丁銀十四兩二錢各崗屯餉每石浮徵銀至一兩有零不等各峒秋米浮徵銀至一兩二錢一兩四五錢及半峒秋米每石浮徵銀至二兩四錢等項二次刊示飭禁訖一凡雖經本縣示禁闔邑士民黃學海黃綱傅魁黃瑞楊宗雯等猶恐日久滋弊請同勒石永禁者如每年現年立春日接替送縣糧石銀二百

四十兩三節一壽刑名奏銷盤倉過夫任役中伙歇火過山陋規除偶逢軍國重務縣官力不能捐辦之人夫另行詳請外一併同前項陋例永行禁止訖凡爾民屯爨民有糧人戶業經本縣於署理郴州任內詳奉撫都院趙現蒙通飭造脩花名清冊既無里總里催頭人包攬各照已名已糧按寔徵冊數輸納四峒十三堡屯餉每石納銀七錢八分八釐各峒秋米本色照依制斛上納折色照循時價每石納銀六錢同漢民一體自封投櫃此外並不許派累分毫升合

一如本縣任常甯時僅存里甲之名但脩稽查出入過割田畝數目而已永禁現年九空一當硬馱名色所有現年排年按年承充庫吏自去歲七月內本縣通詳以後卽行革除併將從前濫設庫房糧房總歸併經制戶房且綏邑銀米共不滿萬每年止需着戶書內諳練寫算一人經管更亦不須招募其縣屬各峒彝民現今詳奉 督學院潘 飭議將應考苗童卷面寫新民籍三字以便與漢民分別取中爾彝民進身有望慕化必多卽隣苗從此亦漸可馴致爾漢

童毋許阻抑漢奸毋仍鼓惑以遏其向化之心則隣禍自可潛息至於一切節壽交際公捐夫役俱係加一羨耗內出脩本年錢糧邀

恩蠲免既無羨耗本縣典鬻從事總不問諸爾民倘有仍前挾私抗法如龍艷輝等于富等者違禁濫派如楊國幹楊再鼎莫文韜等者定行分別嚴拿通詳枷號究追况本縣業於七月內與闔邑士民陶日章等同赴

城隍神祠共將詞訟私派一竝盟誓矢公剔除斷不

自悖

功令煌煌明神赫赫各宜凜遵按畝納賦爾子若孫永享
遐福卽本縣得歸林下縱遊泉臺亦與有樂焉再查
據尔士民僉稱往例每年輪當大差田約二萬畝有
奇每畝正賦僅止二分九釐零襍派約費銀七八錢
不等今一旦盡除歲省爾邑不下萬六七千金撫都
院蘓尔積困恩豈淺鮮哉須至碑文者康熙四十五
年二月二十八日立

新建赤板道南義學記

教諭 吳緒榮

壬申冬余司鐸綏邑渡洞庭入武陵卽聞

程侯賢聲及抵任時接縉紳士夫交口稱侯賢父母
詳述數善政乃益服侯之愛民深而造士切也侯始
至綏當苗蠻之初靖起赤子之瘡痍愛養煦育日夜
殫心而惠民之餘尤重文教簿書之暇兼講詩書未
幾而創建明倫堂又未幾而捐修崇甯書院治之西
則有漢章書院養正蓮荷義塾治之東則有靜樂叔
度社學咸加意作育捐田以充膏火美哉文教四訖

千載一時洵足以上風俗之書而襄文明之治矣而
侯曰未也念環綏邑境襍處苗獠灰衣椎髻罔識絃
誦雖羅巖四里之彝民桑木等處之獠民各設義學
喁喁然有觀感之機而治南赤板一帶庚申後治歸
版圖禮讓未興習俗未改司牧者事也癸酉春彝民
僉議設學請於縣尉吳君吳君上其議於侯侯曰善
於是度地址構講堂置房舍延良師更捐廉俸置田
於大坪源小竹坪老母冲等處約八畝有奇與界溪
義學相等彝民迺皆稽首謝曰仁人父母使吾輩得

觀詩書矣夫蠻烟瘴雨之民豈乏天良火種力耕之下亦有恒性今一立學蠻彝率從雲集而響應此其猶大彰明較著者也獨是自有綏甯以來歷數千百禩生斯土者離邑治不過四十里許遲之至今乃荷侯雅化及吳君寅恭揚

天子之鼓鍾豈其教化之隆待其人而後興與行見德教洋溢化及隣蠻獨赤板也與哉工竣彝民請余一言勒諸碑石以志侯之德於不替云

新建界溪歸仁義學記

訓導 郝 鈞

記者紀也國有盛典官有善政與夫人有嘉言懿行均宜記之以垂久遠方今海宇乂安重熙累洽聲教四訖薄海內外家絃戶誦詩書禮樂之風盖郁郁矣綏邑有三界溪苗民堡卒錯處其間百有餘戶癸酉春間縣尉吳君以執事走斯地其父兄子弟紛紛懇建義學有愬然向善之機吳君聞而喜之急請於邑侯程公公欣然曰作育人材與人爲善此吾分內事也其速行之迺爲捐俸營建於適中之地又捐以界

綏甯縣志

卷之三十六

藝文下

四十一

溪瓦廠之田八畝以資膏火使得專心肄業焉程侯羽翼聖教菁莪棫樸之化美利無窮他日芹藻生香苗民堡卒實嘉賴之倚歟休哉誠甘棠召父之遺愛歟余司訓茲土覩此盛典烏可以無言爰鐫諸講堂以爲志

漢章書院記

知縣 程際泰

綏邑上九里首在市而樂安爲上一上一者以在昔人文之盛如禹貢雍州田冀州賦也其山環其水洄其民居星羅碁布爲四達之衢西接州境北通洪市南界西粵

國初以其地便迎送設驛使館燬於亂兵雍正間里人構書塾數椽歲久亦圯乾隆癸酉士庶以余喜建置於書院則有崇甯於義學則有養正蓮荷靜樂崇正道南歸仁援故事呈請願捐建書院余出養廉百金

綏甯縣志

卷之二十六

藝文下

四十二

佐之作厦一區爲堂者二並足六楹爲門者一足四楹爲爨房三牌樓一顏曰漢章護以牆垣竹木自臘越夏數月而工成延副車幸君督講其中從聽者四十人復爲捐田若干畝以資膏火余乃諗於衆曰令之喜爲此者非徒飾太平之具將以廣

國家樂育之澤而盡爲民父母之心也汝士庶之欲爲此者亦非徒侈里有書院撫拾絃誦不愧上一之名將率其子弟勤學勵行繼前賢徽以爲邦家光無愧上一之實也夫不易之田鹵莽畊之不及三易今之

雍冀其田賦類出荆揚下也曷故哉凡肄業此中者願無忘昔人表里之意勿囿近俗力追乎古將士習文風駸駸日上如霞之蔚雲之興不獨稱長於一邑也斯則令之所爲成漢章意也或謂茲地當往來未便藏修豈知西施鄭旦欲去樸鄙教之者固非令近大道不可耶旣已諗於衆遂書以爲記

勸農亭記

貢生 幸道一

肅雨先於庶徵莫艱維谷厚生叙於六府首重在農
故月令有勞酒之文豳風陳田峻之喜凡以云勸也
顧古侯命倌人於靈雨稅夙駕於桑田而詩且曰匪
直也人秉心塞淵豈非以實政之由於實心與我
侯程公以江左巨族出宰綏邑體

朝廷子惠元元暨 制撫承流宣化之意甫下車殷然
以民事爲務手製勸民一歌戶曉家諭躬行勤儉爲
一邑先於署之東偏親種麥麥芄芄然村落居民有

赴邑者咸往觀之公諭曰地不愛寶惟人所取此明
驗也且簿書之餘不遑甯處間從輕騎越阡度陌進
農夫而勞之藹然有家人父子誼焉歲辛未因於治
之東小水捐俸建亭題曰勸農於地爲攸介於亭爲
攸止而公乃以時至亭顧我農人輾然色喜也非實
心行實政如衛風所云塞淵者耶夫力田與孝弟並
重恒心與恒產相因書曰既富方穀又曰土物愛厥
心臧人各有心詎不愛吾心不愛吾心獨不愛吾生
苟愛吾生必思治吾生而仁人父母躬自勸之儼入

室家而代爲謀之如此而爲惰農不爲良農匪獨不
愛吾心并不愛吾生也豈情也哉自今以始崇墉比
櫛慶農夫與飶香椒馨光邦家與鼓腹擊壤歌太平
與公歸

帝澤民忘 帝力道 一請以歸諸我公之亭爰於亭
成而謹爲之記

息公訟亭記

貢生 幸道然

物不得其平則鳴人不得其平則訟訟起於人心之不平者乎古者質成虞芮不履君子之庭不肖姓名每畏賢者之識何風之甯與今人蝸角蠅頭囂然不靖者無他強弱衆寡之見生廉耻禮讓之風熄也夫詬誶谿勃聞於中籌則父母扼腕而傷之鼠牙雀角行於里黨則老成動色而戒之又何疑於父母斯民者哉我

邑侯程公戊辰季春蒞任茲土聽訟之餘惻然厯念

比年以來獄訟稍息矣豈情僞難逃不可令我侯見耶抑強梁斂跡無重煩我侯爲耶或曰侯用心如鑑衡或平以情或平以理故訟者以平惟良折獄侯之謂與雖然有本焉農者生民之大命學校者風俗所由成倉廩實然後知禮節教化明然後敦仁讓侯於簿書之餘課桑勸農農朴於野建學造士士奮於學孔子云必也使無訟乎之二者息訟之本也昔盧奐折獄以清何易治民以簡詩曰穆如清風奐則得之書曰臨下以簡易也有焉維清與簡侯不誠兼而有

之也哉辛未春廼建亭於治西之天堂以息訟名其亭手製息訟文懸於其上爲吾民反覆勸諭盖息事甯人之意於是亭傳之他日太史採風於此可以覘民俗焉而過客行人往來憩息者知必低徊流連羨吾邑有平其政之君子也

道然

謹拜手而爲之記

蓮荷書塾記

監生

黃三才



蓋聞人才之振興必由學校之脩舉粵稽周製州序
黨庠閭塾是於庠序之外又必廣置義塾舉凡民子
弟之聰穎者磋切而造就之以成國之榦楨廟之瑚
璉功誠鉅矣吾師邑侯程夫子秉家學之淵源鑽箕
裘之令緒蒞任綏邑庶政脩修勸課之外尤惓惓以
興學校敷文教爲首務下車之次歲卽增建崇甯書
院宏敞改觀又復增設養正崇正等書塾爰念蓮荷
地居西隅道通黔滇百餘年來列膠庠者稱僅見乃

度地址鳩工庀材閱數月而落成顏曰蓮荷義塾壬
申二月夫子親臨講學於斯里中人士咸欣欣以向
學爲榮額手慶頌千載一時譎劣如生亦獲伏聞至
教爲幸良厚詩云樂只君子民之父母又曰周王壽
考遐不作人夫子蓋兼之矣故於落成而恭紀其盛

黃桑橋記

幸超士

治南之黃桑坪舊名江口西接懷遠彝峒東連城步
苗蠻南則由鼓龍踰梁傘達六甲六馬直抵長安盖
諸峒之咽喉實南境之鎖鑰明嘉靖間設江口堡厥
後兩經廢建烏道蠶叢爲彝人所盤踞久矣我
朝德威遠播敕甯邊陲雍正戊申迺設營於茲越乾隆
壬戌蕩平巢穴又設營於長安山陬也而孔道成營
之南雙溪合流是爲江口源從千澗蕩漾六鰲之波
流入五溪翻簸重湖之浪其徽水之天鑿亦洞庭之
崑崙乎時乎桃浪撇天漉漉瀆瀑時乎雪花匝地凜
冽沍寒招舟子以無從欲蹇裳而難濟有心者病之
癸亥春里人陶幸陳謀建橋爲久大規請其事於邑
侯董公總府王公皆曰善乃各捐俸創建以督修委
諸里人以募化委諸衲僧越甲子而橋成於是程接
萬里彩落雙虹磐然以固也有亭翼然臨於其上穹
乎以蔭也公車戾止旌旗載道則攬轡而思也宗生
壯志司馬雄才則揮翰而題也余旣喜上下相與有
成且信蕩平之化不阻於遐陬也故謹爲之記

梓潼碑記

通道訓導 梁 晷

甲申秋學憲潘公校士湖南將按靖予以通道司鐸循例遠迎過綏甯之金鳳山得梓潼宮而卽次焉入廟展拜不移時而住持僧具紙墨以進爲余言廟創於有明兵燹蕩析郡丞周公邑宰熊公重新之十有餘年邑紳黃君學海募修有疏而未之記也敢礪石以請予謹援筆而爲之記曰梓潼文昌帝君崇祀遍天下矣考其事蹟諸書所載不一繁雜怪誕不足徵信惟云帝君蜀之梓潼人姓張名亞仕晉以戰沒廟

祀屢著靈蹟至開元時元宗幸蜀封左丞廣明二年僖宗加封順濟王咸平中因平王均亂神爲默助遂加帝封是神之冥助武功者照然矣宋祥符有舉子宿神廟見神商作來年狀元賦其後屢驗場屋以故掇科之士禱祀不遑是神助武功又主文事也其姓張或謂張宿之精或謂是周賢士張仲卽詩云張仲孝友者也且梓潼縣正值參宿有忠良孝謹之象是以神有孝友之目文昌六星中有上將次將貴相之名又有司祿之星主賞功進爵此神之所以武顯又

以文顯也予考綏田賦甲於靖屬戶口殷繁倍徒
他邑多士奮興人文蔚炳雖地靈人傑而秀氣磅礴
斷非有主持之者不如是今仰觀廟像棖題固金碧
輝煌固知斯爲一邑大觀而寶靖通之所以曜靈也
獨是邑當獠苗出沒之衝比年以來人鮮甯居出必
戴甲行數里者非環刃不敢寸步業南畝者非荷戈
不敢負耒商賈受其屠掠男婦或被烙絜種種肆雪
司牧者幾目擊而心傷則潛驅默殛惟帝君是賴自
必殄厥寇苗捍衛疆域俾士安其業農力於野貨藏
於市旅出其途以神功之赫曜助王法所不及則斯
邑仰其文教者復得瞻其武威梓潼宮之祀將與天
地共不朽矣

趙明府重修崇甯書院記

靖州學正譚聲元

綏甯縣治舊有萬峰書塾前侯程公改建名□崇書院置田八十餘畝租息微薄脯貲莫給寢以不振嘉慶三年壽陽 趙侯漢□先生蒞茲土見山川之秀麗而士氣之循循也樂與諸人士講學修文以振勵之惜其齋舍湫隘不足以爲居業之肆慨然捐廉俸爲之倡邑紳士龍均濟胥文伯龍池雲等爭起而附之得公費千數百緡會材籍工新堂庶廣齋舍周繚垣累時閱日而事乃卒計公費之贏者增置束修

綏甯縣志

卷之二十六

藝文下

五十二

膏火獎賞之資各有差爲田二十餘畝遂聘良師擇子弟之秀者居之嚴立課程謹其出入一其心志而先生以時考其勤惰焉俾來學者有觀摩之益無朝夕之謀三年而規模大著先生旣樂其教之可以興而又慮其學之久而弛也屬予爲之記予乃作而言曰先生之政可謂得致治之原矣後世號能吏者止於治文書督賦斂斷獄訟而已或與之進章逢之士操六藝之文羣聚講習求移風易俗之化輒以爲迂闊而遠於事情蓋謂學校之責自有專司耳豈知司

教者徃徃難得其人得其人矣而其權其力又不足以招徠寒畯鼓舞儒林甚且齷齪卑庸不克自樹立適足以供當畧之鄙夷耳而教士之法遂止於章句文貌之間初何當於實用哉此有心斯道者之所爲深思而遠慮也先生本醇儒之學爲教養之方公餘坐卧夜時出其緒餘卽足以沾溉多士嗚呼此能吏之所不肯爲實能吏之所不能爲也豈真迂濶而遠於事情哉顧天下之事不患於不興而患於易弛其在興者未始不欲其久存而繼者常憂其怠廢自古

名儒碩彥每至一官豈無因勢利導之舉至於遺蹟敗壞徒使後之人溯源流而太息者何可勝道此先生之所以慮而欲有紀於後也予乃竊爲綏人期焉先儒嘗謂人之起居動作之小事以至爲國家天下之大體皆自學出今學者得其地矣而又有師友以解其惑勸懲以勉其進中材之士皆有以敬業而樂羣以成一器之用又况聰明樸茂之質優而梟之汲古愈深蓄積愈厚尤將蔚爲國華動勳盛美斯先生之流澤豈不遠哉

文廟禮樂器記

知縣 趙宗文 壽陽人

記云凡始立學者必釋奠於先聖先師又曰皮弁祭菜以示敬道陳氏樂書謂學校之於天下禮樂之所自出小有釋菜以飲爲主大有釋奠以食爲主其習舞與聲而大合六代之樂則一也顧釋菜之禮唐宋已亡後所舉行者惟有釋奠之儀唐貞觀時詔州縣皆作孔子廟以守令主其祭由宋及明茂典有加崇儒敬學之意固有異世而同揆者而我

朝之褒崇

綏甯縣志

卷之三十六

藝文下

五十四

先師尤爲極其盛焉

聖祖仁皇帝修飾禮制樂器令天下學官擇鄉俊秀習佾舞我

皇上復頒行祭祀樂章於直省詳稽典禮牲用太牢禮行三獻樂備登歌舞用六佾其所以報本反始崇德勸學者周詳曲至豈非盛美之事須久而後大備歟綏甯爲蒔竹古邑廟中禮樂之器因陋就簡亦其勢固然歟雖然羣祀之薦享猶不可不備儀物昭誠敬而謂簡陋之習可行於

聖人之廟乎 文 山右庸儒戊午初秋自衡之鄙調任茲邑
旋逢丁祭憫其缺失而力未遑也既而增修書院屋
舍捐置田畝率邑之子弟興於學乃詳考制度捐廉
購置禮器共十有九登一鋤七簠簋各十籩豆各四
十二爵二十七尊三罍三勺一帛筐十案十俎十二
木燭臺七香爐一庭燎四路燈十盥架一棹圍四樂
器共十有八麾旛二祝一敔一編鍾編磬各十六雲
樂架一琴瑟懸鼓鼗鼓塤箎笙簫管笛各一籥翟各
三十六是其爲器制不能協於古物不盡合於度揆

諸古人修禮興樂之志仍未免怗然於心然地處僻
壤力有所限亦不過吾盡吾心而已抑有思之禮有
本有文茲所備者文也嫻於禮樂之士因文而究其
本知所以崇祀者不徒牲酒器幣之數升降俯仰之
節而有得於

聖天子尊師敬道之精義所關於世道人心豈淺鮮哉

修建三星文塏碑記

麻陽府教諭陞錢濟世 邑人

事常觸於有因而成於合志之衆綏城之東郊有山
峗然起於莽蒼之中望之僅六里許辛亥歲予忝掌
城西書院教見是山三峯對峙環以羣巒延以林麓
每於鴉背夕陽之暇豁舒蒼翠若隱若顯亦極邇延
野綠遠混天碧矣然而求天作地生之狀如三台者
亦於是乎在盖天鍾秀於斯不限於遐域也甲戌之
冬郵函寄於予申言闔邑新建文塏卽在此山中峯
之巔合形輔勢實獲予心且蒙諸君子擢予爲首予

綏甯縣志

卷之二十六

藝文下

五十六

思之主之者 邑侯之治也倡之者前輩之議也督
率者各衆首士之力也分釀寸積疲極往還予何敢
僭且妄以坐收美名爲辭不獲已謬捐薄資謹體薦
揚雅意述舊聞者謂此於明時建刹曰三星菴山脉
效靈有楊龍諸君輩相與蟬聯而題鴈塔名焉今塏
成仍名三星豈直中峯特出不與培塿爲伍哉抑高
插雲霄照耀雷封百里而遙竚見踵武者之跨越多
多也是則予區區厚望之意也云爾
嘉慶二十一年歲次乙亥長至日

封禁耙冲礦山碑記

廩生 李長蔚

此處有山曰耙冲係四里發脉之所無此山卽無四里如雷團高寨麻隆一帶則少祖山也原田水道出於此居民廬舍附於此祖宗骸骨葬於此喘息呼吸隱隱相通又非他里可比山岡皆禎土中一小嶺縱橫十餘丈些微礦砂射利者百計開採常以千金之費易數十金雖所得不償所失而利欲熏心前車旣覆後轍莫鑒徒敗壞我田地毀裂我廬舍鑿損我墳墓蹂躪我居民其究也亦至破家蕩產而止賴

綏甯縣志

卷之三十六

藝文下

五十七

聖天子惠澤旁流彝漢一體念我編氓莫非赤子百年以來不次封禁我

世祖章皇帝視遠惟明無隱不燭特

諭毋以微利而起邊釁皇皇天語居民莫不頂祝柰何去年冬又有射利者出焉一呼而集數千餘人我戶口丁男旣不能徙而之他又不獲見

天子而言情私相告語向隅而泣者久之欣逢 邑侯程公南方保障西土仁人以

聖天子之心爲心愚夫婦之事爲事好民好惡民惡八年

如一日以故我民所不敢言者對父母而不得不言
公由是臨萬仞之谿垂千尋之綆甦我民於大壑中
今春新正道憲富公來而白骨肉釜魚生矣夫求珠
於山取璧於淵自古有之管仲治齊亦曰官山府海
顧因一錙銖傷我民之命仁人所不忍爲也耙冲十
餘丈之區雖寸土皆礦能有幾何邊地彈丸招四環
至則通邑不便破敗祖山則四里不便俾居民田產
廬墓盡灰則我雷團高寨麻龍大不便其易所謂剥
牀以膚切近災者乎今而後使我安居樂業盛世之
民者皆公之賜也公之恩無以報公之德不可忘留
此短碣以當甘棠

重修櫺星門碑記

貢生 龍池雲

聖人之道覺天下後世與天地無極者也史載周敬王三十二年魯哀公仍

孔子舊宅立廟祀以百戶漢興立於學宮郡縣如之自是大成殿東西兩廡外則戟門廟制益隆有明洪武間增置櫺星門

國朝因之我綏遵制建造歷有年矣惟櫺星門舊以木爲之已就傾圮丁卯歲邑侯 李公諱杜者下車初晉謁捐廉倡建雲等爰集同人用貯存公項之半并

綏甯縣志

卷之三十六

藝文下

五十九

捐廉約三百多金製以磚石以其餘兼修

崇聖墻垣大成門外豎官廳明倫堂外設照壁又鏤明黌墻立下馬碑二暨甃整杏壇陞道周圍繞以青石工始丁卯秋越庚午告竣煥然改觀庶幾備其制乎歷考載籍尊聖崇道之代罔不經術振興名儒崛起如漢董江都起於廣川唐韓吏部起於修武宋周濂溪起於營道歷代以來難更僕數盖在天之神與在人之心潛通默注隨地鍾靈不以方隅限也綏地山則文筆矗秀水則翰池潏清欣際

文教昌明之會漸摩聖道有自來矣況聖道體之於身不外乎五倫求之於書即在乎六經是在心乎聖道者能體之求之耳由是而發爲事業著爲文章出則名臣處則純儒師友相成人材輩出豈但高擢科甲云爾乎夫心之所注目之所瞻也櫛星門成於以肅觀瞻而致尊崇之道亦一端也敬爲之序云

偏沅巡撫陳清端公

諱

瓚記

知縣

林聯桂

夫聖以時中爲大成而清和則偏端詣極才以中土爲最盛而遐逝亦卓行炫竒是故渾瑊奮迹于蘭州日磾振聲于邊外當時三廣威望陶魯遙發鬱林天
下四員清官顧能挺生鍊嶺蓋儔類愈見其寡者善類愈見其高也地氣彌得其偏者天氣彌得其正也
如 贈禮部尙書陳大中丞清端公者崛起乎擎雷敷歷乎中外官懋乎清慎績奏乎賢能讀其年譜一編有可擢揚數事焉今夫不以窮達易豐儉者豪

傑之所以難貞操也期以華侈償約艱者儁雄之所以鳴得意也故文昌寒士也一暴貴而器侈金盤長卿貧儒也一顯榮而乘誇駟馬紆青拖紫竟忘仲卿之牛衣饌玉炊金大變王璉之草食劉盱用財過濫黃裳納賂逾奢揆諸六計之廉已失四知之誠矣公則由入學而釋褐廿七種之菜飯常殮自作宰而監司十萬緡之俸錢盡散文經武緯安元信不爲豚犬之謀蔬食布衣岑景仁昔作產業之蓄百姓仗作萬家之生佛 九重呼爲苦行之老僧羊興祖紙補裯

穿鄭端簡金還茗撥方之古喆未見匹儔一不可及也夫飽不爲虎美或媿于瘞鹿埋魚而廉徒爲雞窀無關於放龜縱鶴嘗見魚魚逐隊躡躡稱廉自詡啜水而遠所之窵天飛雪獨矜飲水而屬吏之積案如山則雖登宰府之車若乞兒供閣老之飯惟脫粟亦無補焉公則八閩二益之地三湘七澤之區躬詣催科葺屋卽爲棠舍親爲講學宮牆或校簿書奪赤子于龍宮王尊水立活蒼生于魃歲楊佶霖甘記四十二縣之囚應奉五行並下賦六百餘人之粥陸續一

郡全蘇朝廷就以問春秋漢時老吏使星出而操玉尺益部文翁馳鋒車者五人王沈召見數漏聲者幾下渠牟對君 天子前席而問蒼黎羣僚動容而觀敷奏遂使撫七閩以開府卒至冠百爾而功高有守有爲不隨不激二不可及也彼夫開閣者揖客景仁則麗似蓮花張館者延賓蘭成則近依油幕故條奏二十事常何假手于賓王尺牘八十函寄奴倩書于齡石牋書布檄稿屬郟超碑版文章譔多劉勰自來理煩治劇良由集思廣益也公則五官竝用吏乞

徐之一筆旋風君真健者斷獄囚者千百案朱墨手
自鈎鈐上封事者千萬言真草率親謄錄牒移啟劄
之翰投贈者穆如清風布帛菽粟之文讀諭者溫如
挾纊衡文字字都入雙眸告示篇篇盡歸一手生童
課後著述傳觀呵殿聲停推敲繼作元子署內從無
幕八之賓崔逞城中盡是手鈔之紙三不可及也且
夫官以去時而徵愛戴人以死後而薦馨香故孔奮
爲千萬人思歛財遠送杜軫爲十一縣最請祀生祠
韓遜之遺愛在人詔薛侍郎以謬表文饒之撫循有

道勅張節度以刊碑載述舊聞事光前史公則辭閩
閩戴去楚楚思入蜀唐蒙人懷九折馳諭司馬名滿
四川每逢交替之時輦粟持靴者盈道迨至建祠以
後張燈繒像者千村親承天語之瑯瑯 宸章諭
祭高埒雲臺之轟轟賜祀賢良自非上契 聖心
下孚民望曷能存歿備極榮哀四不可及也且士大
夫以官爲家旣去無所于歸也而士大夫存心利物
于鄉必有所濟也是故小范宗親並受義莊之賜李
勉鄉族均沾俸祿之遺公則不受羨餘數上歐陽六

一之劄子與爾鄰里移脩孫澤廿四之斗渠斥鹵變
爲膏腴潮鹹捍其侵溢張希伯之闢田瀦水戴之邵
之建聞濬渠方斯蔑如也五不可及也抑有說焉重
有感矣夫邊裔遠者聲援寡人郎著趨難語飛仙樓
臺近者得月多技非劈龍易于凌漢自古十繁六雄
之善地無非三公八座之要人故李贊皇易三十六
節度而不驚者門蔭著也桑維翰揮一十五將軍而
惕伏者地望高也公則遐裔單寒海濱窮措張椽屋
矮未得擡頭華州地狹不能伸脚攀援俱絕姓名不

上黨人之碑悃幅無華超擢竟契帝心之簡田千秋
之恭謹共識于殿上車聲張萬福之威名俱知于南
中草木廬陵名重而後生之描畫無痕元忠肉甘而
獵者之網羅絕迹以孤遠始以功名終六不可及也
濟甯州司馬瑤泉丁君文學政事慕法風猷列事編
排奉郭丹爲先輩闡微補軼重韋叡是同鄉載譜編
年釐爲二卷桂去年遊岱曾同商摧于齋頭今歲歸
舟謹盡翮縷于紙尾條諸葛之五事庶幾郭冲表述
之心書庾公之數行慙乏興公謨碑之筆

新建新團保安橋碑記

知縣 林聯桂

合金木火土以濟水之窮者橋是也膝上帶下之苦阻輪絕蹄之區忽然釀之以金錢累之以土石駕之以材木照之以夜燈而涉不病軌不濡水之窮於天窮於地者而不窮於人焉興梁所以爲王政之一也今年夏六月余權篆蒔竹下車觀風之始因公履勘之時見夫道路之憇息有亭溪澗之橋梁有閣翼翼峩峩甲於他郡心竊喜之故余續修邑志凡某里某橋某修某建一一詳著於篇一以見物力之豐一以

見人心之厚可爲王政起化之端也冬十二月邑志將次告竣有首事熊忠輔茂才以其里之新建保安橋落成求余撰記而壽之石余惟千秋之橋建於王恭東新之橋建於蘇軾凡此皆守土者之役也茲橋之成官無犀帶之助橋垂螭螭之形良用內媿尤竊自喜已然天下事非觀成之難而創始之難非創始之難而善後之難知其難而顧名思義保護永安使此水之窮於天窮於地而不窮於人者則又後人之責也夫

文光閣記

知縣 陳 新

綏邑介黔巫之間卽宋蒔竹地其爲文物之邦也由來尙矣壬申秋予奉

天子命來宰是邑喜其山川深秀風俗醇懋及季考歲科試甄錄文藝尤多彬雅可觀邑之紳耆黃昌訓副車胥善道生員于宗上耆老龍兆王僉謀於縣治後十
二步橋之兆構一閣以培形勢予義其舉捐俸倡之鳩工庀材閱時落成以其與巒序遙相企也字曰文光賁之象曰山下有火革之爻象曰大人虎變其文

綏甯縣志

卷之

藝文下

六十六

炳君子豹變其文蔚是故天下之大文至文必有如韓子所謂膏之沃者其光煜譬彼玉之輝於璞珠之媚於淵自文勝之說興矯之者多以汶汶爲文其不至等垂棘於鼠璞混亥旣於魚目也幾何耶今

天子以欽明文思之聖敷壽考作人之化海內人文魚魚雅雅凌唐爍漢炳焉與三代同風綏之人士沐浴涵濡風氣蒸蒸焉日進於古閣之命名非偶然也予嘗於公餘過其地見夫長梁虹卧蜿蜒水上崇阿鳥革軒翥雲表千巖貢竒萬壑呈巧朝曦射紫暮靄流丹

南望縣廓雉堞言言煙火萬家裊褻交錯擬之文境
蓋一大關鍵也我知都人士俯仰之餘觸發其心思
以抒為文章剖荆山之玉貫靈蛇之珠自有進乎予
前之所見者是閣之建也豈徒以美游觀供憩息云
爾哉他日者掇巍科登上第雲合景附又文之光氣
發越而不可遏抑者跂以俟之余雖不亦與有光焉

元天閣 魁星樓碑記

試用 胥文元



綏邑縣治四山擁翠昔都人士曾於城東凹處建元天閣因地培補誠一邑之鎖鑰也迺歷有年所閣宇概歸於燼乾隆五十八年邑侯吳公煥蒞任斯土慨基址之徒存以修建爲己任諭紳士吳萬餘鍾茂明歐陽正和龍池雲楊樹棠楊其煌李昌祿黃正倫暨元董其事拓舊址建元天閣二進六間閣左豎魁星樓一座鳩工庀材經始于甲寅之春修裝封砌粗成于己未十月之望神像鐘鼓聖繪丹牖有志焉而未

綏甯縣志

卷之二十六

藝文下

六十八

逮也庚申冬成都李公調任我邑興利祛弊百廢俱舉復諭龍均濟胥文燦等住持僧住宗雕塑神像鑄造鐘鼓爾時闔邑士民量力捐金不期年而殿閣巍然神像煥然聿觀厥成焉是秋余卸朗江學務回籍衆首事謂元曰是舉也倡之者吳侯成之者李公建豎之終始捐金之多寡應勒石以昭示來許語云莫爲之先雖美弗彰莫爲之後雖盛弗傳惟茲閣樓壯一邑之觀瞻成萬禩之古剎也地靈人傑後先媲美矣余實不文惟以是閣之原委縷悉書之以誌不爾朽

張公生祠碑記

知縣 任之彥

從來功在社稷澤潤生民殄醜類於隘阻之區撫傾危於衽席之上豐功偉烈史不絕書者誌久遠也竊念綏處楚邊東連城步南通粵西苗獠四塞素稱難治居民之受其荼毒麻有其年彥以一介儒生承乏茲土設法防範加意休養上以副

朝廷委任之重下以答蒼生仰望之殷無何乾隆五年四月內粵西與城綏苗獠連結不法變起倉卒綱官兵燬塘汛稱王稱將肆行無忌兩邑老幼驚惶無措

綏甯縣志

卷之三十六

藝文下

六十九

彥躬膺民社不敢坐視一面團練鄉勇堅守巖寨披星戴月殆無甯晷一面通詳上憲請兵進勦誓除大難未幾弁兵陸續相援總鎮劉擁兵攻寨以爲滅此而後朝食耳孰知雲霓之望方殷肘腋之憂愈甚苗獠潛出四面殺虜此時此際無策可施危若朝露早夜之間第與典史及綏邑士民枕戈待旦誓同生死成敗利鈍非所逆睹矣幸我

皇上神聖文武嘉惠元元不忍斯民之顛危

簡命貴督張大人名廣泗綏靖邊疆而大人遂慨然以拯

溺爲己任神威所至罔不披靡執馘獻俘甯億萬口
黎受其生全抑亦彦所深荷其洪庥者也豐功盛烈
所以光史冊而被絃歌者其可謂社稷之臣矣綏邑
士庶荷蒙再生之仁愧乏瑤瓊之報爰立生祠勒之
貞珉以誌不忘而彦亦幸佩公之德又甚樂綏人
戴公之深也不揣固陋爲之記

□青坡司盛計李三公記

青坡巡檢

周煥炳

咸豐九年炳攝篆斯土公務之暇傳諸耆老采風問俗旁及移署之由咸曰此盛公之遺澤也迨謁其祠則斷垣殘瓦苔掩塵封剝蝕殆盡幸匾額尙存乃知移署者盛公也爲盛公建祠宇修墓址者晉介李公與鄞縣計公也盛公殫精瘁力爲後任奠厥攸居計李二公崇德報功爲前人妥厥幽靈美善所昭後先輝映其人其事與司署同爲不朽矣惜乎代遠年湮梁摧棟折片木之主腐朽無依一坯之土荆榛不治

綏甯縣志

卷之三十六

藝文下

七十一

非惟盛公之偉烈幾就淪沒即李計二公之誌傳亦幾不可辨誠可慨也夫余生也晚幸附數君子之末托諸庇蔭寤處相安而且居中制外官民無隔膜之虞若網在綱驅使收捐臂之助飲水思源敢忘所自夫一介閒曹能以畢生之精神運周於數十百年以前利賴於數十百年以後苟非深思遠慮愜洽輿情安能創此宏規然非李計二公心存仁厚念切隱幽亦何由昭茲令緒嗚呼盛矣所慮自茲以往雲烟變化風雨摧頽荒塚殘祠或爲蔓草後之人景仰前徽

有欲憑弔而無由者用是循其舊基勉分薄俸鳩工
庀材重爲修葺非敢謂酬報於盛公也聊繼李計二
公之志不於數十年後目而墜焉此則炳之所自勵
者耳至於大啟命免崇封馬鬣優隆禋祀則力有所
未逮尙待乎後之君子

宋湖南宣撫處置副使祠堂記

庠生 龍鳳靈

合數百載後之子孫奉數百年前之先祖春秋匪懈
祀事孔明必於祠堂以展孝思記曰君子將營宮室
宗廟爲先卽此意也後世易宗廟而名祠堂序昭穆
於斯別尊卑於斯報本追遠恆於斯非祖宗之功德
徧於一時綿於後世誰立棟宇建堂楹聚萬人之歡
心以奉一人之俎豆哉吾 遠祖忠武公諱禹官宋
時奉命南征平定荆楚元祐二年卒于任苗民復叛
一世始祖元爵公諱宗麻智周常變才兼文武上信其

綏甯縣志

卷之二十六

藝文下

七十三

能授宣撫處置副使職命帶兵征勦 公自浙入南
由長沙歷辰沅抵靖綏當是時志在平蠻枕戈待旦
拒命者示以威輸欵者撫以德卒之叛匪投誠遠近
歸服不數年而功成上錫鐵券命鎮南邦元祐七年
卒上予世襲榮及後人其勲業之煊赫有如 忠武
公者夫紹述之難也古今來有父賢而其子未必賢
者有父賢而其子之賢未必如夫父之賢者有父子
皆賢而功不必在社稷德不必及蒼生者若其父賢
而能承父之志繼父之業如 元爵公之績銘彝鼎

德被絃歌此非獨忠於君也而且善繼夫父非獨能
爲臣也而且善於爲子若作室家旣勤垣墉惟其塗
塹茨可爲公述矣後嗣碩大繁昌何莫非其功德
之留遺歟構堂而莫由來久矣今重新之固其宜也
敬爲之記

嵐溪山記

廩生 周維樑

讀易至坎之卦地險屬乎山川故王公設險以守國下及邱甸縣鄙何在不然綏邑地屬巖疆置堡立哨慎厥四封實所恃以固吾圉也然求嶺高而險路仄而長足資一邑之捍衛者莫如嵐溪一山是山起於堡子嶺遞苦李冲下蓑衣塘峯然橫於溪口層巒疊障高矗數十尋鳥道羊腸崎嶇數十里而且怪石猙獰懸崖欲墮中夾一溪隨山環繞如穿九曲珠往來行人覩山徑之蕭條咸嗟有車難馳有馬難走是天

生要塞以使寇賊寒心姦宄喪胆者也庚辛二歲髮逆入境蕩搖邊疆蹂躪家室近治數里居民如鳥獸散獨武一二里齊集壯丁坐卡其間當是時緣嶺扎棚登高礮石如設機檻若張網羅倘逆賊至此其誰能插翅飛去以出此圍乎卒之望風而返莫敢登臨而下十二里得以安堵無虞非賴此山之力也哉或曰山下有神祠祈禱靈驗保障一方莫非陰爲之助是亦未可知也第以有功必錄有善必紀修志之義類然是山雖芳名不列山海貴遊不及卿士而抗制千

軍亦當與穀函之固亢父之險以並傳今逢

邑侯方主暨學師李□二公宣揚上意增修舊史掇

拾山川之秀蒐羅人物之奇樑不敏因據實陳辭紀

其勝蹟俾億萬年後知斯山爲要地無事則爲通衢

有事則爲關隘是卽設險以守久安長治之一道也

請急登之毋遺

闔邑祭 邑侯趙公文

貢生 龍池雲

綏爲南楚邊邑今者士飭廉隅民安耕稼皆 公賜也嗚乎綏邑丕變實賴我公而公以疾卒厥爲綏故奚以明其然也公之蒞綏來自軍營方軍興之始戰卒役夫十數萬糧餉器具億萬計上臺知公能一切委重立星霜之下走險惡之區如是者二年已備極勤勞矣甫報捷卽派總局辦理奏銷事竣隨調補綏邑其勤勞有加焉省券錢戒浮收緝邪匪懲蠹役順民情也親行阡陌課耕勸農崇本務也息心聽訟焚樓於甬道中敬錄

綏甯縣志

卷之三十六

藝文下

七十七

上諭十六條以時宣講其勤於民事如此

文廟舊無禮樂諸噐公捐廉百餘金鳩工購材摹仿古制置之又屬學師令佾生肄習樂章上丁祭祀文物聲名燦然大脩崇甯書院生徒寥寥堂廡就壞公又捐百金建講堂齋舍二十餘間並募捐田以資膏火考取生徒數十延名師以教人給膏火月一金俾貧者得安意習業又每月署課一次給飯必豐取錄者

賞優披卷講解雖盛夏諄諄不倦歷屆鄉試應試絕少公前期預請文武諸生科案錄否俱與賔興懸綵聯結月宮橋餞送於郭外除例給盤費外人給二金以助資斧其勤於造士如此今年五六月間雨澤愆期公設壇以祈日必三詣往返曝烈日中得雨乃止由是不豫繼又接次踏勘溽署如蒸無所避值崎嶇舍輿而徒務悉其狀至是疾作竟以不起嗚乎哀哉夫人情孰不欲逸紬被放衙自古而然况以積勞之身蒞邊遠之邑乎乃自下車以至捐館年歷三紀訖

無甯晷人皆徇欲公獨矯情哉此由澤物之誠積於中故治事之勤周於外譬如父母之爲子孫計身雖有疾尙猶力疾從事雖勸阻百端甫就坐而卽蹶然起至於大漸彌留而其心未嘗少置非發於積誠而能然乎公訓諸生曰讀書當法孔孟無徒虛飾爲功名計故公於士庶初不以言語煦嫗爲口惠惟其實心實政毅然行之每捐貲行事有恤貲者曰勞我父師公曰此吾分內事何謝之有公病之後宦廉罄竭走倅洪市質服物而稱貸焉盖其弊絕苞苴無毫髮

苟而又躬崇節儉居常服粗茹糲一如寒素其克己
清操彰彰有然然則公之蒞斯邑也甯使繖笠無餘
而不使綏之子弟廢書笈而陋劣無成甯使心力俱
瘁而不使綏習游惰而飢寒相迫甯使葱韭自奉而
惟期綏之子弟享昇平而比戶可封假令天假眉壽
躋牧守位三公將河潤千里福庇一路豈第琴鶴媿
美而已哉乃勤於撫綏遂以勞其心勤其身感瘴厲
而不自知其染茲沉疴也是綏之貽累我公至於斯
極也嗚乎哀哉方公病時士民數十輩詣縣內各神

祠敬爲公禱乃竟不驗日前聞有夢見公者羽葆儀
盖赴善化城隍任以公精誠方且上騎箕尾神也固
宜獨痛帝閭難叩不獲遂借寇三年之私是則闔邑
之涕泣悲思於無窮者也茲置龕立主祀公於崇甯
書院伏惟昌黎之神無所不之公其飛鳧而來終惠
綏邑之士民也乎哀哉尙享

雲霧山祈雨文

知縣 方傳質

竊惟甘雨和風神功原資大造興雲吐霧霸氣實毓
名山况名義有攸歸循名當思其義民神相倚賴勤
民必致於神茲山聳峙蒼穹肇興雲霧惟神棲遲碧
落供養香花護萬姓之生靈作一方之主宰理原不
爽情自可通也葢爾綏城渠陽首善環崖而處稼穡
爲生俗尙樸誠天律詎干譴責時逢旱虐人心未免
倉皇雖四境互沛甘霖無傷龜兆而一方獨成漏澤
實切鴻噉質奉命撫綏爲民請命曾於本廟虔立齋

綏甯縣志

卷之三十六 藝文下

八十

壇共矢寅哀奠邀丙鑒經繙貝葉命僧道以修真爐
藝博香步晨昏而頂禮一誠有感萬象厥生無如雲
密西郊反風卽散雷鳴東廓閃電旋銷茲山崛起石
根絕不牽連雨脚劈開風爪未聞撼動雷鞭望斷雲
霓瞻空霧氣羣黎驚駭長官懷慚查本山作鎮何神
冲昇何代未蒙裡祀故泯幽靈今

聖天子統馭寰區懷柔川嶽凡遇水旱盜賊輒禱上下神
祇匪神不靈匪祀不舉山如不昧當赫厥聲倘能俯
鑒微忱上干天澤則質之所以仰答神庥者當惟力

是視耳况我綏屢經兵燹極目瘡痍城郭生荆榛居
民坐塗炭紅羊一劫碧血千年質縮篆茲土痼瘵乃
身拯民水火之中慰我雨霖之望冰淵惕其志土木
興其工賦到子來胥汗流而浹背憫其辛苦更日觸
而傷心尤復重遘天災逢茲旱魃徒勤東作莫卜秋
成哀此下民其何以處在昔商禱桑林曾救七年之
旱卽今山名龍伏恒應萬井之求今古殊時遐邇異
地茲山千巒烟擁翠滴三秋萬壑風號寒生六月呼
吸可通帝座鑒觀自有權衡胡視蹈湯弗爲援手豈

如頑石竟不點頭耶嗟乎川竭水涸魴魚有頰其尾
風狂日燦山鳥幾焚其巢薪雖徒而額欲焦火愈攻
而腸可爇排闥闔以擊鼓冀山澤之通靈潔己告虔
登山請命心香在鼎望紫霧以騰空手扳祝釐捧紅
雲而直上頃刻翻成墨黑驚來破塊之聲須臾捲盡
沙黃瀉出傾瓢之勢遲無愆於三日速卽霈於崇朝
如解倒懸若甦涸轍修予圭璧報爾馨香

祭山神驅虎文

知縣 杜 燮

惟 神正直永鎮綏陽 恩澤旁敷 威靈赫濯驅
蛇龍於大澤海不揚波卑豺虎於深山道皆如砥廿
五里胥叨 庇蔭億萬民咸荷生成茲值壬年初
逢寅月四圍野燒羣黎占地脉之肥千仞凌翔一炬
驚山君之猛鼠原有穴獸蹄竟至於城隅豕未涉波
虎口忽遭乎嚙嚼李將軍之勇射矣誰能孫伯符之
功挾之孰是漫云馮婦難求善搏之才空憶鄭人莫
詠鬯弓之句得毋守土者誠敬未將抑爲氓者梗頑

綏甯縣志

卷之三十六

藝文下

八十二

未化與茲諏吉日特具清香上呈 神明用陳下悃
籲懇 恩威遠被峻績遐昭免塗炭于生靈無虞蠶
食藉蕃蕪於庶物不至鯨吞斧柯不爛於羊腸過泰
山而無懼牧笛縱橫於牛背度幽谷以何傷將見白
叟黃童攘熙如故蒼頭赤脚奔走無憂仰仗 神恩
永驅猛獸尙祈 神鑒不盡虔誠謹告

爲牒請遣將逐虎事照得鬼神爲德體物不遺齋明
盛服以誠昭格斯邑雖居山隅虎狼向自藏跡忽於
本月望日有虎三隻竟至城市 神物固不傷生居

民無不恐懼理合具文牒請 邑主城隍輔德尊神
位前大施 神威遣將逐虎遠去匿跡則生靈戴德
無暨矣

同治元年正月十九日

呈

教綏民多懇水田論

知縣 趙宗文

余嘗署篆桂陽見其山頂皆田而頂上多泉並無旱
暵之憂心甚快之綏之田與桂陽略相似或爲渠圳
以引水則數里之外可資灌溉或爲筒車以汲水則
百尺之上盡足傾輸已成之田法無不善其不及桂
陽者荒山甚多未盡懇種耳邑治東西廣一百四十
里南北袤三百八十里以開方法計之該田地二千
六百四十萬畝零而邑之額田止得二十八萬四千
餘畝零是已懇之田不過百分之一耳檢查邑之戶

綏甯縣志

卷之二十六

藝文下

八十四

口不下二十餘萬以二十八萬餘畝之田養二十餘
萬之戶一戶僅得田一畝食何由而足乎記云無曠
土土非必平原廣隰也余觀山陝諸省田狹民稠並
無不耕之山綏亦山諸侯之國而山顧不可耕乎綏
山之不可耕者惟有架馬數處其餘之山概皆美土
宜用梯田之法自下而上層層包土成田或用石纍
埽或以土築隴隨其廣狹以爲坵段一坵既平再治
一坵層級而成有若梯階故曰梯田其無泉之山開
塘堰於其間或塘在下而田在上則用水車以車之

蘇東坡所謂犖犖确确蛻骨蛇者是也余見青坡扶
二等里多用梯田之法他里宜倣而行之土地闢田
野治則民不憂乏食矣

呈請邑侯准續修縣志公稟

舉人 袁 齡



竊以輶軒臨野命貢俗而陳詩誦訓夾車詔道志以觀事惟輿圖之各判斯紀載有必詳郎蔚括地之編瞭如指掌元和郡國之紀燦若列眉事雖等於裨官義貴衷諸正史太平寰宇樂史之采輯云豐方域九州王存之蒐羅尤備稱思精而體大不免恢詭之譏欲文減而事增適來牴牾之誚故作史莫難於志而鑄板當赴乎時綏邑古荒服也自宋列於版圖已爲內地及元多歷賢宰未有成書高秦二侯初始於明

綏甯縣志

卷之三十六

藝文下

八十六

季楊范兩主踵刊於

國初然而金石猶銷棗梨不壽海陽程公撫殘編而心惻集羣力以續修迄今甲子一周遺亾待補

綉綸屢渙第增國史之光宦蹟迭乘徒有口碑之誦邦雖仍舊事則日新士奮風雲未邀收於一字女貞冰雪猶望錄於九原又况授命効忠竭情盡孝與夫壽爲國瑞德恐人知俱宜勒之簡編藉以昭乎懲勸恭逢仁憲才擅馬班政優卓魯旣愛民以猶子亦待士而如賓陞自茶陵擢遷同程侯之軌歲逢作噩纂修符

舊志之期洵此地之有緣知茲事之非偶是以合詞
仰懇釀廿五里樂捐之資彰六十年久沉之事期無
遺而無濫務矢慎而矢公善則必登何來門外之米
否則是黜誰懷橐中之金伏冀我 侯鑒茲下悃藉
用上聞簡良匠以庀材擇吉辰而開局願乘簿書之
暇祈正亥豕之訛俾傳信於將來咸稱鉅典抑揚光
於前哲共沐鴻休則我侯之嘉惠於綏與綏之感激
於我侯者甯有艾也夫

蒔竹水道考

廩生 龍池玉

蒔竹古之徽州今之綏邑也其地多山而峻水皆出自谿𪗗中然或時盈時涸舟筏之所不通魚鱉之所不宅者無容指數盖嘗考蒔竹之江其大者有七一名西河其水自境南鄉上界溪清水隘會聚於黃傘營泊至箱子岳遂滙馬蹠橫霸諸溪清流湍激澄潭汪洋直繞西城縣治八景中所謂一水紆藍者此也迤邐北下至界溪口會黃石河而赴會同之洪江由是下達沅澧而入洞庭焉其黃石河之水則由梅口

雙溪瀉出亦滙於界溪而溯其發源則自東南隣之城步縣莫宜崗來其道不爲甚遠而水勢頗大至若臨口河則發源有二道焉一自城步小溪入境內六甲六馬一自西鄉之定溪歷下塞達小洪而入臨口雙江達通道縣及靖州抵洪江合沅水而歸於洞庭至若武陽河則發源於鷄籠山抵李熙橋至紅岩出武攸高沙市會寶慶邵水入洞庭扶水發源黃腰峯達唐家坊至蘇家洲會武陽河太水發源涼傘界至歐公灘達洞口入龍潭會武岡諸水趨寶慶而達洞

庭岳水二源一發鷄公坡一發鈎岩至石山頭合流
過桃坪經岩下廟會武陽河此則時竹水道之班班
可考者也

資水源出路山辨

廩生 譚國棟

禹貢曰九江國策曰五渚實則沅澧湘資而已然澧水入沅湘水受瀟惟資水介湘沅之間而稱名不如湘沅之著是由迸流山峽不當孔道詞客騷人遊覽罕及也且夫資水之源諸說不一而出於路山其可信有四焉以都梁水爲經流者潛壑水道考是也有謂資水出綏甯青坡司卽高沙市水者寶慶府志是也蓋嘗計其道里考其疆界証以諸書潛壑經流之說未足盡信也若寶慶府志則確有可信者方輿勝

覽都梁水出都梁縣西南百里武岡圖經都梁山唐紉山俱在城西南百里都梁今武岡也綏甯在武岡西南接七步石僅三十里許至楓門汛亦不過五十里百里則入綏甯半壁矣謂都梁百里在青坡司則資水出青坡司其可信一也酈注資水出無陽縣界道元謂無水所經之處故名無卽今黔陽縣也黔陽天坪山有洞口水非資水也青坡司山脉絡蜿蜒由廣西歷城步入綏甯武陽里東橫武岡之西南山麓西北逕黔陽中環青坡分巡十一里若以武岡濟水

當資水則非黔陽界而界綏甯矣又武岡正南城步境也以路山爲城步角山則與黔陽縣界而中隔綏甯矣謂資水出青坡司其可信二也潛壑以都梁水爲經流後人遂以青坡司水爲旁支青坡司一名武陽其地四環皆山山峽清泉從谿罅出東源出武陽里南源出武一武二里西源出扶一扶二里北源出岳一里合流出紅岩峽又與綏甯泡洞一源會水源不一而皆名武陽以其地在武岡之陽也武陽水過高沙市東會都梁水西會洞口水三水會處有資陽

河是明以資水源出武陽而名其河也明地理志武岡西南有都梁水東北流入資則知都梁非資水之經流明矣謂武陽水爲資水其可信三也寶慶府志唐糺山在綏甯縣境今青坡司山迤邐數百里莫能審唐糺山之所在惟武陽里東源出廣麓山以其山自廣西來也俗又曰廣佛山以是爲路山之訛未可知也酈注資水謂之大谿水今南源武二里有大谿頭水經都梁水出零陵郡都梁縣路山酈注出武陵郡唐糺山蓋一山而二名也證以經文之古道元之

精謂唐紂路山在武陽則資水源出武陽其可信四也諸說以濟水當資水曾未及夫武陽水將何以辨乎嘗考綏甯志宋以前稱徽州元豐名蒔竹縣崇甯間易名綏甯縣至元丙子仍隸武岡路轄故武陽水亦統於都梁後人不此之辨遂謂資水專在武岡焉不知今武岡寶慶屬州也而山川又府志之最著者也府志云唐紂山在綏甯縣資水出綏甯青坡司若以武岡濟水爲資水府志豈舍近指遠而滋後人疑乎然則濟水不可名資水而武陽水可專名資水乎

曰資水有二源東南源爲都梁水西南源則武陽水也謂濟水爲資水之一源則可謂濟水獨專資水之源則不可援古証今特爲之辨

詩

鑿字巖

陳良誠

盤空石磴轉遙嶼去旆參差隱樹林
諸葛曾經瀘水險伏波那怕武溪深
細詢父老求民瘼漫向詩書問
國琛持節行秋莫辭遠踈慵多愧望霓心

前題

夏相

石壁留題久擅名不知何代少人行
於今又復當年路依舊行人頌政聲

新創文昌閣四首

知縣 秦任劉

綏甯縣志

卷之三十六 詩

一

文昌紫極映諸天高閣凌霄氣轟然
地靈十九孤峰處回首霓裳鶴羽邊

雲間青劍舞風迴寶榻龍蟠紫翠堆
玉露輕零瑤草碧奇花長共晚春開

望盡諸峰光入翠獨凭高閣彩迴青
日浮沙鳥依人靜多少村烟傍晚亭

勢凌漢斗金鍾動香引薇垣玉梵遙
福地可能成大道重遊何日會仙橋

定遠橋二首

知縣 范成龍

慚非惠政撫邊城每拙催科愧令名
百里栽花宜問地三年借箸未披荆
周行示我因人好古渡通津賴衆成
敢謂輿梁無病涉與民歌詠樂康平
功成不事祖龍鞭驅石橫支兩岸煙
自此但從留月住只今亦任聚鷗眠
崇朝應有題橋客中夜難知納履仙
愧乏濟川匡盛治庶幾厲揭頗稱賢

前題

廩生

李又生

危峰磊落望關津快靚輿梁此日成
獨步清流忘筏楫長驅古道樂康平
亭移月影堪留醉劍引雞聲欲

綏甯縣志

卷之二十六 詩

二

送行此處英才連柱下願來把筆奮鵬程

九日登虎谿山憇虎谿書院示諸生 林聯桂

九月九日登虎谿一步一上青雲梯
四遠四望堆綠萸千山萬山皆丸泥
我時小憇講堂西冠者五六迎輪蹄
鵝湖鹿洞餘清規楚儒講學開群迷
濂溪紫陽相攀躋名儒名吏兼有之
只今宗風誰倡提男兒志氣煙霄齊
誰甘處甕如醢鷄羲和敲日聲玻瓈
惜分惜寸皆佳題君不見吾道如山高
崔巍下此百家衆技渺如邱垤低

高功春色

知縣 高應冕

春到天涯處處通
山名何獨屬高功
草知臘盡先紆
綠花喜陽回故放
紅百里屏圍開翠
色千崖桃李醉
東風王孫勒馬來
芳徑踏破前峰錦
綉鼓

前題

知縣 楊九鼎

春到南山笋蕨肥
花香草色襲人衣
喜看牧豎將犁
犢行過山前扣角
歸

前題

知縣 范成龍

歷歷谿山過眼空
高功獨秀駕蒼穹
喜看翠黛懸青

綏甯縣志

卷之三十六 詩

三

鎖更有陽和點碧
叢鳥語枝頭聲嘹
唳花開竹裏影
矇矓因思潘岳栽
桃日未否分來此
處紅

前題

程際泰

陽回黍谷物華新
愛看高功淑氣勻
鳥韻短長歌管
細山容濃淡畫圖
真空濛曉靄香爲
霧歷亂飛花錦
作茵咫尺蓬壺應
可接武陵何必問
漁津

前題

邑人 夏相

何必尋芳泗水濱
高功獨見十分春
琪花爭放千機
錦瑤草平鋪十里
茵日暖長楊鳴好
鳥風和香徑醉

遊人山從衡岳分來景不向桃源更問津

前題

邑人 吳朝綱

天道陽回地道通爭先得氣獨高功雪消柳色垂深
帶凍解桃花舒小紅遠近勾成清世界高低粧點錦
屏風提壺携盒人來往拾翠尋芳萬綠叢

前題

舉人 幸超士

城南佳景簇高功無限春光淑氣融蝴蝶草飛沿逕
綠杜鵑花映滿山紅登峰目縱乾坤外攬勝人遊錦
繡中謾道河陽桃李好徽城早已度東風

綏甯縣志

卷之三十六 詩

四

前題

知縣 王玉輝

綏邑古徽州孤城萬山裡官衙捲簾坐高功若陳几
端嚴起敬心牘案恐羞彼忽然春風扇芳菲遍崑崙
桃李未遑栽山映杜鵑美中有啼紅聲催歸到吾耳

前題

訓導 彭汲

緣何冶色勝高功和氣當春煦物同豈有仙花開七
七非關妙手鏤空空杏林隱約風搖綠桃洞模糊雨
帶紅更羨早鶯晴出谷趁隨蜂蝶過城東

前題

拔貢 艾恩拔

高功底事尋竒特妙在杜鵑枝上得遍地花然不夜
城叢圍幻化衆香國胭脂隊裏懶爭春桃杏村前無
此色却笑滿園休惱人東風送暖山南北

前題

廩生 龍樅祿

漫道蓬萊淑氣融古徽三月有高功一山草襯層茵
綠滿嶺花燃萬火紅落日飛霞晴島外輕烟細雨錦
屏中絕勝春色年年在笑殺桃源轉眼空

前題

廩生 鄧本崇

杜鵑花發滿高功烘得高功爛熳紅看遍名山無此

綏甯縣志

卷之三十六 詩

五

色厭他桃李笑春風

前題

增生 黃朝憲

踏遍春山四面同城南勝景有高功凝眸草色層層
碧照眼花容樹樹紅雨過姿濃丹竈外風披影曳赤
城中年光到處皆堪賞別樣繁華淑氣融

前題

庠生 李元炯

城南佳氣鬱高功削出孱顏勢獨崇何日分來衡岳
景此間饒有武陵風幾經漏洩原非偶纔受陽和便
不同最是峰腰泉湧處紅英綠意兩玲瓏

楓嶺秋容

知縣 高應冕

十里屏山萬樹楓
秋來葉葉醉嬌容
丹梯一帶芙蓉並
錦帳千重翡翠同
宿鳥亂棲霜月白
飛鴻驚度嶺雲紅
孤霞片片晴空落
滿目餘光鬪晚風

前題

知縣 楊九鼎

千盤石磴上雲峰
幾樹紅霞點碧空
回首吳江千萬里
幾年霜月冷芙蓉

前題

知縣 范成龍

秋水長天一色通
楓門高聳鬪霜叢
飛霞直綴層巒

綏甯縣志

卷之三十六 詩

六

上落葉孤飄絕
巘中一片煙光凝
紫霧幾番秋月冷
青葱登臨時切伊人慕
白露蒹葭處處同

前題

知縣 程際泰

嶺上霜林色轉濃
秋容此日勝春容
赤城霞起天如醉
玉洞花開路欲封
何處染將紅冉冉
阿誰織就錦重重
停車坐對忘歸去
恨不時來倚翠筇

前題

邑人 夏相

井梧零落萬山空
賸得楓門嶺上風
能向歲寒增晚景
敢於霜後競春紅
錦屏高舉孤峰外
霞綺輕盈夕

照中天爲綏甯成勝概年年粧點上林東

前題

邑人 吳朝綱

誰將硃染一林楓偏向深秋逞醉容質歷冰霜憐獨
苦色方桃杏與春同望窮野樹皆成寂看遍名花無
此紅天道不言舒妙化丹青卻付與西風

前題

邑人 陳學

百尺丹梯開錦嶂半天紅翠鎖晴峰驚看北嶺霜前
葉疑是西施醉後容

前題

舉人 幸超士

綏甯縣志

卷之三十六 詩

七

衆芳秋歇歛葱蘢楓嶺鮮妍色獨濃霜葉似燃紅片
片霞光偏照赤重重疑餐露酒酣新醉代綻山花逞
舊容翹首宸居千萬樹丹心時向碧天峰

前題

訓導 彭汲

山意經秋不自聊山容落寞老楓凋鴻飛孤影增離
索蟬曳殘聲助寂寥十里長亭烟裊裊半林黃葉雨
蕭蕭人從古道披雲去日暮西風下酒招

前題

知縣 王玉輝

嚴程下車促趨徑避楓門空聞秋嶺樹楚天映紛縕

自因占地高仰承霜露繁千林染一色青嶂圍紺園
蜀道我未歷吳江過幾番茲嶺有佳容想像胡能誼
前題 貢生 龍道澄

楓門矗起倚蒼穹色染枝頭竟嶺同一抹烟光凝地
紫數行霜葉接天紅秋山秀奪春山艷九月濃於二
月叢不待上林花似錦此間先已度東風

前題 廩生 楊元善

滿擬經霜飽丹霞映幾重吳江千萬樹對此不爲容
前題 廩生 楊光普

綏甯縣志

卷之三十六 詩

八

秋霜染透碧重重嶺上飛來葉色濃自信乾坤原不
老誰言草木盡無容繁華脫後偏多趣澹遠描來幸
偶逢有客楓林當日晚難拋罨畫豁心胸

前題 廩生 龍樅祿

楓門昨夜度秋風作意吹來色不同覆草全無當日
綠蒸霞只道夕陽紅乾坤老氣都橫盡春夏繁華一
掃空若使輶軒經此地應疑身在杏花中

前題 庠生 鄧本謙

楓門嶺上滿丹霞杏塢桃林艷莫加青女似嫌妝寂

寞故教霜葉賽春花

前題

增生

龍廷麟

梧桐葉落一天秋步到楓門景轉幽野露薰蒸紅正
燦寒霜點綴綠方收看花却認三春杏照眼渾如五
月榴若遇武陵漁者在定疑桃徑下扁舟

文筆凌雲

知縣

高應冕

高峰筆立顯文章五色雲開映七襄石壁燼迷仙子
徑松巖寒濕羽人裳半天紅杏依霄漢一帶青筠鎖
鳳凰疑是僊姬化精彩空山朝暮集霞光

綏甯縣志

卷之三十六

詩

九

前題

知縣

楊九鼎

層巒疊嶂列簷前更有音峰倚碧天雲霧凌空資化
雨蒼蒼想也護如椽

前題

知縣

范成龍

筆峰挺秀豈尋常峙立凌霄射斗光千丈晚霞供錦
帙萬行朝露點函章春明碧巘龍文健秋到寒林兔
穎芳秀挹徽城山水勝江淹又夢彩毫香

前題

知縣

程際泰

獨扛百斛鼎難承妙手能誇健筆凌碧巘應多書帶

草白雲如展剡溪藤紆餘就日無雙秀秃削凌霄第
一層蔚起彼姝多吉士扶搖有路可同登

前題

邑人 夏 相

是誰將此寫先天贏得斯名萬古傳斑管直衝層漢
裏綵雲常見護毫巔曾經此地多風雨時沛甘霖潤
石田好向儒林鍾俊彥聖明科甲世相聯

前題

邑人 陳 學

文筆冲霄映七襄盈盈綵色照三光蒼龍氣擁青峰
出白鶴烟樓翠袖長

綏甯縣志

卷之三十六

詩

十

前題

舉人 幸超士

筆峰高矗倚穹蒼秀挺東南靄翠光步履難登驚巖
嶭烟霏時擁遍颿颿春雲直擬江花燦秋日如傳班
管香我有霞牋舒碧落欲憑染翰寫天章

前題

知縣 王玉輝

文陣稱雄師任才非任筆蒙恬未造初誰知與不律
况假厚地靈尖頭指峯嶽強號中書君披雲希晝日
形家倡斯論學士競傳述游心天帝傍飛烟成瑞靄

前題

貢生 龍道澄

峻峭竒峰一筆傳乾坤挺峙不知年石鑲斑管長擎
地雲擁霜毫倒寫天銀漢星羅圖欲點丹青雁過字
方聯想從太昊書成後留在山河社稷邊

前題

庠生 彭兆樾

蕩漾靈飛敞奧區巍巍筆立卓天隅層巒合當千軍
掃滴露還同寸墨濡畫日如椽叅碧落生花鏤管掃
璿樞一行雁字烟霄現飛白臨沙畫荻蘆

前題

庠生 楊培選

雲煙靄靄護如椽峙立東南萬古傳四面青山圍不

綏甯縣志

卷之三十六 詩

十一

任超然象外寫先天

前題

庠生 楊蔚

半露孤峰銳復圓鋒銛刺破古徽天高驚氣挾風霜
肅秀受春來藻采鮮雁度遙空眞現字霞飛碧落直
爲箋誰人學得凌雲勢望裏乾坤一筆穿

前題

楊源步

高尖突起遠撐天彩筆凌空寫翠烟毫灑秋河臨硯
水墨添暮雨浸瓊箋蟾光擁夜殘星掃石璧飄風滴
露牽南雁落峰遙□字花生入夢助鮮妍

前題

善化 羅 璠

手筆摩天健文峰
拔地遒雄連舊牂
郡高插古徽州
雁字新題晚羅紋
舊染秋管城花富貴
五色一揮收

前題

貢生 楊英杰

誰將大筆鎮方隅
坐看危峯取象符
春信紙憑雲作
錦秋吟字倩雁披
圖寒鴉呵凍亂翻
墨暖杏含英疑
點朱應是山靈鍾
毓久分來彩色助
吾儒

前題

廩生 艾建元

孤峯蹴勢俯千山
一筆高標霄漢間
漫羨司空饒韻

綏甯縣志

卷之三十六 詩

十二

事巨靈削出有誰攀

前題

增生 張 煥

巨筆如椽漫羨嘆
此峯轟轟插雲端
春花競放疑生
夢秋葉層堆似點
丹橫掃千軍鋒不
缺竒驚三昧力
何殫永揮錦字青
天外蔚起人文耀
坵壇

前題

楊翹秀

特立孤峯秀出羣
凌空筆勢破塵氛
雄文遠篆霞天
雁錦緋斜鋪翠岫
雲一滴銀蟾分月
色千尋玉管映
波紋當秋自是垂
甘露豈獨春來借
衆芬

藍溪霽雪

知縣

高應冕

萬壑元冬積靄收
六花堆砌見瓊樓
迢迢遠岫拖銀練
點點尖峰露白鷗
玉樹凍凝雲影淨
素屏寒結日光浮
夜來興入藍溪塢
不羨山陰訪戴舟

前題

知縣

楊九鼎

溪瀠百折夾層巒
危磴千盤古木攢
日照欲窮千里目
恐教僵臥有袁安

前題

知縣

范成龍

六花飄瑞氣嚴凝
漠漠平原似玉林
曾見山陰常帶雪

綏甯縣志

卷之三十六 詩

十三

雪漫云天霽尙稜
冰遙看玉砌光舍照
近訝麻衣色更澄
一曲陽春無以和
惟期大有兆休徵

前題

知縣

程際泰

許多邱壑儘清酣
積雪初晴恣所探
向日固圖山借綠
此時尤羨水澄藍
一天月把銀砂曬
四野雲連玉樹含
遙憶陶公風韻好
竹爐茗碗味初甘

前題

邑人

夏相

彤雲漠漠雨初收
風捲梨花砌玉樓
老卻山頭迷野鶴
填平溪面隱寒鷗
隨教旭日層霄上
特立晴空爽

氣浮怪殺天公偏愛護溪翁無處覓漁舟

前題

邑人 吳朝綱

凍雪嚴凝待日晞藍溪風景妙天機瓊瑶曙色迷朝
日玉樹寒光鬪夕暉皓皓橫拖銀練瀑迢迢東望素
屏圍天留一幅真圖畫欲與移家入翠微

前題

邑人 陳學

人道藍溪霽雪深我來尋賞更無垠邊城昨夜東風
起處處幽岩盡轉春

前題

邑人 楊鳳

綏甯縣志

卷之三十六 詩

十四

山鳩晴溪開凍流梅花萬樹玉峰頭青霄白鶴凝孤
嶼望望瑶臺積靄收

前題

舉人 幸超士

輕寒旭照暖初回縱眺藍溪霽色開玉樹千章詩裏
簇瑶嶼一帶畫中來清光夜映梁園月素景朝疑庾
嶺梅載酒尋思驢背上乃賡一曲興悠哉

前題

知縣 王玉輝

雪漫山盡白溪映雪逾藍綠溪看山景最宜霽後探
溪上何所有冰洑臨寒潭山中何所見銀竹列茅菴

淡日瓊林出微烟玉洞含我慚王子猷空望晴雲嵐
前題 彭 汲

溪水藍前本洞澈溪流雪後更清漪採薪衣薄初停
負獨釣蓑寒已罷披昨夜因風商絮咏今朝見睨覓
梅詩江天一覽澄如此霽色遙看處處宜

前題 廩生 黃遠翱

一望嵐溪瑞色饒雪天晴後綴瓊瑶山高對嶺梅畱
種壁峭當屏玉就雕不逐巖流歸碧澗尙餘練影映
青霄間看絕頂晶瑩處時有飛花散半腰

綏甯縣志

卷之三十六 詩

十五

前題 監生 楊培建

碧樹丹山萬仞岡溪邊雪後放清光花飛六出頻開
眼藍澆終朝可滌腸暖入方塘皆淡蕩晴烘古樹亦
輕揚豐年有兆徵天澤霽色宜人我輩償

前題 庠生 吳正本

天霽藍拖雪未消溪邊深處積瓊瑶層層疊疊誰人
掃不覺尋芳過野橋

前題 庠生 楊 蔚

洩洩融融霽色橫藍溪積雪倍晶瑩雲收遠壑天如

鑑花滿荒林樹亦瓊對影眞令銀海眩銷寒翻恐玉
龍驚畫圖長欲留人看轉祝天公莫久晴

前題

庠生 鄧本謙

霽後藍溪有素粧凍雲深處木千章晴開盡日無人
掃寒壓梅花一段香

金釵西垂

知縣 高應冕

天險雄關金鳳凰登臨驚傍錦鴛鴦春深草暗紅鋪
綠秋淨霞明翠帶黃影落霜溪雲鬢冷香分桂月鏡
臺芳橫釵斜日同鹵墜可是瑤姬罷晚粧

綏甯縣志

卷之三十六 詩

十六

前題

知縣 楊九鼎

鹵山一帶若鸞翔疑似金釵列幾行雲白楓清垂雜
珮朝霞春曉靚新粧

前題

知縣 范成龍

金銀影重手難持天作高山彷彿伊玉珥瓊簪輸正
色蒼梧翠竹傳新脂巫峰神女携無益秦室金人過
未窺剛被夕陽收拾去好隨王母宴西池

前題

知縣 程際泰

未必茲山屬女娃賦形胡不讓金釵光芒正色中爲

貴眷顧西方美可懷豈是素娥遺月窟將毋鮫文貢
天街雲鬢霧鬢如相倚坐對應憐日夕佳

前題

舉人 幸超士

疊嶂蜿蜒高復低金釵斜插口城西花光日映胭脂
麗草色烟籠翡翠迷秋淨淡描眉黛好雨餘輕挽鬢
雲齊天工幻鑄姮娥銻不教紅樓任取携

前題

知縣 王玉輝

孤山分兩鬢臺峰標五髻翠色不能名徃徃借姣鹿
明粧出朝烟花鈿定新製誰知金鳳凰近在郊西睇

綏甯縣志

卷之二十六 詩

十七

嶺拖玉笄長坡疊珠翹細疑是仙女留龍蟠山作勢

前題

彭 汲

見說漢南留解佩曾聞代北有磨笄金形此地垂而
下釵象當年折以西姊妹花因簪髻懶主賓案想舉
眉齊東頭一鑑懸清溜幾股分明照影低

前題

廩生 龍見圖

西山擘出冶金仙幾度鎔成一朵妍鑿鳳嵌珠啣落
日敲鸞滴翠散朝烟雲鬢宛插巔蒙霧玉鏡橫窺影
照川想自女鍋餘髮隨教人覩象學經天

七星森列

知縣 楊九鼎

徽城東望七星坡壘壘珠連似斗羅不是巨靈施妙
化後人誰作石盤陀

前題

知縣 程際泰

星分地遠映長沙斗挂城隅整復斜積土千層堆列
宿群山四拱駐流霞鍾靈自有賢人聚覽勝應知夜
月賒幾欲呼朋踏晚翠偏來小吏報排衙

前題

舉人 幸超士

雲山疊嶂列嶽岑北斗星符象並臨宿兩初晴爭鬪

綏甯縣志

卷之三十六 詩

十八

麗殘陽晚照遽回陰文明自是躔奎度佳景休誇入
晉林試陟峰頭舒望眼書聲遍沸太平音

前題

知縣 王玉輝

品物紛萬數稱名祇由人何必飾部婁擬象北斗辰
七坡如列級上特中下均酒漿不可挹招搖指無因
惟見東西坡花村自爲隣庶幾德星聚多賢此苟陳

前題

彭 汲

珠聯璧令仰天文數七緣何地又分斗北垣歸符昔
政箕南□布耀前聞行因五次加無復台以三重倍

覺紛屈指峻岑駢列在更驚寶劍出塵氛

四山環翠

知縣 高應冕

空山積翠碧臺遙萬綠浮烟野望饒疊嶂錦叢縈紫澗群峰秀結映青霄色分島嶼晴雲合景入蒼梧瘴霧消春到佳人同拾問芳林滿目闔天嬌

前題

知縣 楊九鼎

萬山結曲圍成堞谷轉巒迴列畫屏徙倚凭欄聊悵望雨餘新沐數峰青

前題

知縣 范成龍

綏甯縣志

卷之三十六 詩

十九

一派晴嵐擁曙暉四山高接五雲飛層巒疊出朝靄鎖帶水瀜洄抱翠微徃徃花開錦繡合時時落照彩霞晞惟余頗負尋芳興幾欲登臨載屐歸

前題

知縣 程際泰

環滁句妙在皆山六一文疑爲此刪空翠飛來成面面瀑泉奔瀉自潺潺提携不絕人呼應上下時聞鳥徃還自樂樂民符大守當年芳躅想高攀

前題

知縣 幸超士

列嶂如屏勢莫攀巖疆四面總周環誰描黛掃眉妝

巧孰織花鋪錦色班望裏行人胥醉眼公餘仙吏亦
開顏夕陽更有芻蕘景牧笛樵歌幾處還

前題

彭汲

環滁曾記地皆山蒔竹山皆逼市闐繞郭青全歸雨
後連峰翠已落人閒晨光欲透嵐還合暮色頻增靄
盡刪白闢寅牕虛四面紅烘紫襯早開顏

前題

拔貢 吳醇

面面圍螺髻山明處處幽竹搖清似洗松罩碧於油
數去連無隙飛來補不周踏青人未倦歸唱太平謳

綏甯縣志

卷之三十六 詩

二十

前題

廩生 龍樅祿

一座孤城萬座山孤城恰在萬山間無邊樹色家家
繞不盡秋陰面面環月竹橫窻千个綠霜楓拂硯滿
凹殷何須更着登高屐隱几時聞鳥語閒

前題

廩生 楊培塤

石壁層層萬井環孤城却倚碧雲間朱簾疊挂花盈
路玉帶重圍雪滿山況建文峰連北斗還憑畫閣鎖
東關何須四塞誇天府萬里金湯杜遠蠻

前題

李元燭

日眺綏甯四面山層巒疊嶂列如環城闔關鍵知何處天地牢籠入此間盡日青光凝雉堞連天翠靄擁螺鬟春來頓覺精神壯一帶雲程任仰攀

一水紆藍

知縣 楊九鼎

水簾十丈遶城鹵幾曲迴瀾到界溪爲愛漪漣思洞酌一泓月露更清淒

前題

知縣 程際泰

藍水遠從千澗落清溪曲抱一城流微茫點綴前村柳婉轉嘔啞下客舟錦被墻隈花燦燦虹飛石岸路

綏甯縣志

卷之三十六 詩

二十一

悠悠濟人莫笑當年事遺愛於今到處留

前題

舉人 幸超士

北城碧水映朝暉百折縈紆接翠微鷺羽競趨青草渚漁竿輕拂綠蘿磯波因躍鯉千層湧柳惹啼鶯百轉依欲讀滄浪賡一曲還看明月伴人歸

前題

彭 汲

繞郭藍多擁髻鬟更添流水響潺湲潌洄之字波三折蕩漾哉生月一彎碧眼斜窺舒綠柳黛眉深鎖透青山沿溪照影清如洗半畝方塘鑑可刪

前題

龍樞祿

源頭浩渺有誰探直抵城西萬象含
浪起遙分春柳綠波平恰共曉天藍
欲成□字先紆一爲薄之江嬾折三
舒眼莫嫌瀾最小蛟龍借此出深潭

藍溪霽雪

生員 陳長祿

六花飄蕩疊成堆天霽寒消漸漸催
素練泉從羣澗落銀光路似五丁開
馳驅不怯藍□馬點染偏宣庾嶺梅
遙憶當年驢背上風清雲白任徘徊

七星森列

生員 龍嗣昌

綏甯縣志

卷之三十六 詩

二十二

杓魁何日降徽城二五峯連數甚明
象類拱辰銀漢側形同列將泰階平
璣從轉處風光迥斗自移時物色更
璧聚奎聯呈瑞兆願將圖軸獻

彤廷

宿樓夕照

廩生 胥致道

百尺重樓接紫微倚窗閒看彩雲飛
荒城遠近飄殘葉荻岸高低照夕暉
短笛聲中驅犢過香帘影裡醉人歸
清光到眼原無盡薄暮寒蟬又欵扉

宿樓夕照

知縣 高應冕

樓倚天垣銜暮景山迴返照動朝暉
碧窗斜日開黃道朱棋流雲宿紫微
沙映江村紅靄靄煙浮城郭翠
霏霏風簾忽捲晴霞落疑是湘中鼓瑟妃

前題

知縣 范成龍

元龍百尺費經營高峙凌霄接太清
漫道摘星探碧漢須知吹笛落江城
晴空斜照偏多翠雨霽殘雲分外
明轉盼滿城烟火靜却疑此境似蓬瀛

前題

知縣 程際泰

綏甯縣志

卷之三十六 詩

二十三

比得黃岡此宿樓每因公退賦來遊
斜陽掛樹煙光亂返照啣山暮靄浮
興不淺歟從酒醞歌疑聞也起
漁舟少焉月白東方出夜色重教豁兩眸

前題

邑人 夏相

傑構翬飛近紫微山城日暮鎖煙霏
鳥棲樹杪留晴色人倚窗前映落暉
燈火閭闔明上下樓臺金碧影
依稀分明住坐郎官宅疑是天閭叩玉扉

高井回甘

知縣 高應冕

高井何年與舊盟醴泉新湧濟蒼生
秋來桐落膏初

瑞春至桃蟠味復瓊地寶呈祥昭聖澤石磴回美裂
山精兒童爭汲飲甘液誰見寒潭徹底清

前題

知縣 范成龍

年年高井喫甘泉滴滴怡人到處傳一派清流同合
浦滿城慶洽賴烹鮮春來疑有金莖露秋後惟餘石
谷煙昔日子雲曾獻賦至今誰復奏斯篇

前題

知縣 程際泰

井養何須拜井勞山泉下湧勝江濤味回尤美同餐
蔗舌沁偏甘似雪桃不是誇張他處少只緣評品本

綏甯縣志

卷之三十六 詩

二十四

來高臣門如市臣心水玉潔冰清自勵操

前題

邑人 陳學

山下滄浪徹底清爲誰回美濟蒼生只今並受明三
福又恐丹書取濯纓

赴元天閣飲

知縣 李方穀

亭亭山閣目何窮簡折儒生臭味同憐我無錢酌令
節喜君選勝有高風避災延壽登臨處揮塵分牋興
勃中更羨元戎勤武畧旂旂森布陣雲鴻是日鎮筵
傳都督巡

營閱邑

前題

貢生 吳萬餘

節愛重陽興未窮
囊萸携酒古今同
留題不待催詩
兩步韻難追作賦
風濟濟青衿隨隊
裏皤皤黃髮與
筵中侯遊對此歡
無極薄暮猶稱帶
月鴻

前題

庠生 胥文燦

凌雲傑閣望無窮
萬里秋光着處同
籟發楓林纔過
雨香生菊圃正當
風襟懷直在千峯
上眼界憑開四
面中翹首天衢霄
漢近雙雙數去一
行鴻

登雲霧山

知縣 王作楷

綏甯縣志

卷之三十六 詩

二十五

八載未登雲霧山
欣逢暇日上高巒
群峯烟擁三秋
翠萬壑風生六月
寒謬學孟嘉吹落
帽爲嫌陶令懶
彈冠歸閒我欲頻
來此抱膝長吟天
地寬

前題

軍功貢生 楊溥

悠悠古刹通霄漢
寂寂耆僧住頂峯
牛斗有光堪接
掌郭村無處不聞
鐘秋敲石火冬餐
雪鶴口禪堂月
挂松欲覽飛雲生
霧處到茲一洗衆
山空

前題

貢生 龍池雲

九天天矯降蒼龍
幻作東南最峻峯
雲霧生從磐石

竅風雷響在古杉松人間近闢凌霄路天際先傳上
界鍾莫憚攀梯勞躡足鰲頭高舉踞從容

前題

拔貢 吳 醇

尋春何惜馬蹄勞踏遍烟巒意氣豪載酒鶯能歌勸
飲留詩僧亦喜揮毫苔因石潤非關雨松不風鳴自
作濤境靜雲閒舒望眼鍾聲隱隱出林臯

謁趙李二公祠

吳 醇

祠建虎谿邊焚香拜昔賢心原同父母迹或類鷹鷂
蒔竹編須爾攤糧議舍旃政憑拈一二應祝萬斯年

綏甯縣志

卷之二十六 詩

二十六

九日文昌閣讌集

拔貢 胥本詵

百里巖疆一望齊登山直似躡雲梯天邊錦嶂環龍
寨眼底崇巒越虎谿入坐無人驚帽落敲詩有客索
餠題筵前頻勸茱萸酒又看秋風月轉西

文昌閣席間語諸同人

胥本詵

茱萸風澹澹舉酒更相親盛事難爲繼羣情半喜新
秋深紅蓼岸水滿白蘋津好句含糊去山花亦笑人
九日宴文昌閣

庠生 艾文華

矗起文昌伴碧穹重陽直上靄雲中圖開萬戶烟成

霧景至三秋露滿叢簷下指揮擎宿斗座閒談笑貫
長虹酒闌興逸新詩發絕唱梁間繞不窮

水月菴夜坐

吳醇

禪房景幽絕窗啟微涼生水面碧玻璃扁舟八望輕
好收摺疊扇少憇玉壺清風露浩無際遠山眉黛橫
江流月影碎月靜江光明衆籟各沉響俊鶻時一鳴
坐久怯衣薄樓鼓嚴三更神清不成寐高詠酬吾情
盤古菴

龍樅祿

俗樸由來祀不淫如何北郭一庵臨爲開混沌分天

綏甯縣志

卷之三十六

詩

二十七

地落得香烟永古今龕上頻看燈藥結城中每聽磬
聲沉凭欄若只題風景辜負當年建造心

黃傘列營

廩生 楊世楨

天生黃傘護邊城爲鎮苗獠設甲兵金鼓喧闐山谷
應旌旂縹緲虎狼驚軍容絕勝長松尉將令居然細

柳營仰體

神威修武備九垓向化樂

昇平

磨石山行

吳醇

離城卅里磨石頭順旋逆旋帶合紐清晨就道鴉飛
鳴行人接踵蟻緣臼分明尋丈却隔里指點平夷偏
落陡東西俄轉望若失呼應已逼待還久週行半晌
仍此間回視故道出其右幾疑去路卽來區心訝迷
途欲退走孤踪忍受山靈欺神勞苦被風塵徂無多
野屋露林梢幾點炊烟起村口

過惡口灘

吳醇

將到灘前且飽餐選取灘師力上灘無雲而雷烈風
作灘聲怒號灘勢惡初入灘口如軍門劍戟森列羣

綏甯縣志

卷之三十六 詩

二十八

馬奔又如蠶叢覓無路虎豹當關爪牙露是灘惶恐
先得名厓口翻渦高下爭乍前乍却久屏息不離故
處亦費力因歎世途何等寬胡爲寸進如此難

東山閣

龍見圖

洞達中天峙閣擎高簷常礙白雲橫層登逼近通霄
路俯覽流形造物精竄牖月明傳夜讀透櫺風暖望
春耕倚欄萬象探難竟閒聽川流活潑聲

徽城晚眺

瀏陽訓導

龔

琴
人邵陽

一城如斗大薄暮極秋天雁齒橫江濶鴉聲噪樹巔
樵歸楓嶺路人語豆棚煙滿目皆圖畫依稀入輞川

其二

落日淡空際浮雲幾變更四山多古木一水抱孤城
屋剝瓜爲架墻低樹作棚紅羊一切後慘澹費經營

其三

遠樹連雲碧炊煙隔浦青牧羊下山脚翔燕試歸翎
客況涼如許秋聲最怕聽美人眞遲暮感慨賦隰苓

綏甯縣志

卷之三十六 詩

二十九

其四

蓮齋空寂寞日暮且登臨詩思逢秋瘦年華帶病侵
重來尋舊夢誰與話知音流水高山意悠然獨自吟

前題次韻

訓導

李 澍

日落海雲然丹砂駐遠天人
家紅樹裏樓閣紫山巔
波卧虹橋影鍾搖虎寺煙
牧童牛背穩橫笛過前川

其二

前川多故壘劫火運重更楊柳黯三徑芙蓉淡一城
老漁歸荻港晚炊上松棚數點鴉飛處新營與舊營

其三

營接山之麓疎煙界晚青荒涼屯霧脚瞥睨下霜翎
木葉搏風嘯秋聲隔樹聽人歸蒼靄裡手把碧雲苓
其四

笑我煙霞癖將山作畫臨禿豪駒影擲華髮鬢霜侵
苦蓼抱秋味焦桐熟賞音姮娥慰岑寂弄影助清吟

前題次韻

教諭 張開謨

午燥殊難耐清涼欲晚天斜暉拖屋角暝色起峯巔
眼底雲歸岫炊餘瓦透煙金飈生爽籟浪遠激前川

綏甯縣志

卷之三十六 詩

三十

其二

寥濶長空際晚來氣乍更鳥聲昏入樹山影黯籠城
禾刈根留土瓜多勢壓棚切灰猶在目兩次賊曾營
其三

一覽蒼黃裏宵燈點點青棲蟬鳴暮翼宿鶴養歸翎
桂魄清初掛蓮籌早可聽此鄉多古木應易覓松苓
其四

挹爽遲歸署岡頭尙獨臨風聲憑樹起露氣隔衣侵
宮桂開飄馥閨砧搗息音滿懷秋欲語乘興發高吟

前題次韻

靖州廩生

趙勳麒

日暮諸峯靜螺青映遠天
荻蘆疎渡口雲霧鎖山巔
雲霧山城南名勝高聳天關俯視一切霜染千林葉秋生萬竈煙凝眸

抒絕唱愁殺杜樊川

其二

放眼觀今古滄桑幾變更
晚涼生落日遺址剩孤城
庚申之變城廂一空鴈語兼蟲語瓜棚接豆棚者番新氣象樓

閣費經營官衙神廟煥然一新想見幕府與賢令尹煞費經營

其三

綏甯縣志

卷之三十六 詩

三十一

難得高人眼相逢為轉青
驪珠探在手鶴髮倦梳翎
把酒君常共敲詩我慣聽
諸君佳什先生樂為敲定不須傷彼美

竟夕咏蓁苓

其四

昔年鴻爪印辛卯己亥兩度經過皆一宿匆匆而去今日喜重臨戶有

熙皞樂民無疫癘侵四山
雲樹影十里管絃音以此
歡無際聊為擊壤吟

前題次韻

廩生

曾省三

白日忽西墜餘霞抹遠天
雲閑歸洞口林缺露山巔

牧笛橫蒼靄漁罾放晚烟賞心多樂事佳句咏臨川
其二

彈指光陰速關心物候更茅簷煙作幔瓜圃蔓爲棚
鴉背留駒影羊腸繞雉城蒹葭秋水外振觸武侯營
其三

遙空文筆峙書破一天青奔馬搖歸勒棲烏戢晚翎
樓垂珠箔黯鍾帶暮砧聽彼美牽詩思揮毫賦隰苓
其四

山亭兼水榭取次遍登臨楓葉秋容老蘆花月色侵

綏甯縣志

卷之三十六 詩

三十二

牛羊來古道松竹弄清音歸詠懷沂水南窓又醉吟

前題次韻

庠生 宋天秩

日落啣山際秋容淡晚天危樓斜照外孤塔亂峯巔
犢返橫長笛鴉飛破遠煙歌聲樵徑出人影渡前川
其二

寂寞懷前事年華幾變更蒼煙迷古道碧血黯孤城
人語桑麻地秋聲蟋蟀棚徘徊江上路故址費經營
其三

四面山如洗橫嵐入眼青晚鐘寒古寺斜日閃霜翎

鴈影涵江落蟲聲隔院聽美人渺何處翹首慕榛苓
其四

南山當戶矗有客憶登臨葉落秋將老花疎露漸侵
離情牽遠道高唱渺知音獨立蒼茫裏低徊祇自吟

前題次韻

候補縣人 饒樹恒 江西

眾山環雉堞俯視接諸天日脚低林表雲容淡石巔
一溪爭汲水萬井起炊煙從此澄清慰方舟濟巨川
其二

夕陽如畫裏光景喜新更蒔竹仍遺址甘棠又滿城

綏甯縣志

卷之三十六 詩

三十三

牛羊來蘚徑雞犬戀瓜棚興洽歡無極潛消物外營
其三

林壑深藏翠峯巒遠送青寒蟲交振響倦鳥各梳翎
擔荷樵薪返腔傳牧笛聽瘡痍登衽席何用覓參苓
其四

小駐萍踪聚良宵把酒臨月華心跡印霜意鬢毛侵
落照留佳句虛懷寄賞音明朝分袂去驛路聽松吟
前題次韻

典史 吳金鏌

落日疎林掛霞明綺散天扁舟依鴈齒峻閣結螺巔

樹杪懸殘照人家透晚煙公餘渾無事尋勝過前川
其二

昔日行師地江千剩舊營風雲千載護民物幾番更
何處招涼館誰家乞巧棚好從圖畫裏繪出小山城
其三

疊嶂排空起勾連不斷青飛鷹徐整翮倦鶴懶梳翎
烽火驚心閱軍書側耳聽誰爲醫國手却病覓參苓
其四

蒼然秋色滿着屐喜登臨暮靄深林合斜陽古道侵

綏甯縣志

卷之三十六 詩

三十四

高山留勝蹟空谷結知音憑眺歸來晚蟲聲四壁吟

前題次韻

吳金銓

迢邐萬山連登臨望遠天秋深紅蓼岸日落碧雲巔
閣臺撐殘照城低抹暝煙暮鴉催客返逐隊過前川
其二

勝蹟依然在紅羊劫幾更屏山環舊屋帶水遶荒城
野濶雲爲帳林深翠結棚美人遲暮意俛仰費經營
其三

四面山容瘦嵐浮一抹青蟬聲沉晚翼鶴羽刷歸翎

樵唱穿雲出漁歌隔水聽伊誰斜照裏橫杖荷松苓
其四

落日銜西巘東臯月又臨蛻腰荒炊斷鴉背夕陽侵
短笛無腔韻長琴有賞音山光無限好掃葉且閑吟

庚申紀事

訓導 李 澍

蛇豕乘氛捲地來須臾白晝掩黃埃風雲變色旌旗
慘刁斗無聲鼓角哀百騎兵撐螳臂拒重圍血戰馬

頭回

哈遊擊帶百餘兵防堵中團敗績

居民共洒庚申淚六十年成

一劫灰

綏邑自雍正乾隆以來每逢庚申歲必防兵火

綏甯縣志

卷之三十六 詩

三十五

聲聲鼙鼓壓城堞四色紛如草蔓延鹿死難尋無縫
地鴉飛不到有情天紅衣轟日摧山動白骨爲薪伴
屋然惆悵西湖橋下水頃成碧血咽寒煙

幾載郎官願已違吳宮花草泣斜暉

吳公植花木數十本殉難時與

署同

數千供賦隨煙盡丈八長矛帶血揮殉難有軀

終負國同仇與子嘆無衣馬卿年少家風在裹革無

屍誓不歸

馬少尉同日殉難

亂離民命等毛輕萬死難堪此一生午夜魂歸燈有
淚秋風胆落葉疑兵任教兔狡營三窟最怕雞籌報

五更搜賊掠山中逃民撲火誰舒眉睫禍解懸西望靖
標營

殺運悽愴出將才燾牙高掣陣雲開滿城魑魅狼蹠
踞百隊貔貅電閃來破竹勢如摧腐朽揮戈人似刈
蒿萊櫜槍迅掃征鼙靜露布馳飛上將臺

出釜游魂漏網魚歸來城郭變荒墟髑髏隊裏尋親
屬難民尋妻覓子不堪觸目瓦礫場中認故居薪炊燎原餘燼木

泥封歷刼半殘書頽垣夜對熐熐火冷綠寒芒慘不
舒

綏甯縣志

卷之三十六 詩

三十六

脫離虎口命終蘇又報狼烟入武都武岡余桑梓之地魂魄

更難依骨肉鬚眉且喜剩頭臚經營破卵爲完卵珍
重今吾是故吾但有芻蕘輸將帥凌烟早繪策勳圖

辛酉紀事

庠生 宋天秩

歲餘三見羽書馳生死何煩李主筮磨蝎那堪纏命
度哀鴻底事戀瘡痍木緣朽後蟲偏蛀病愈危時鬼
更欺呼吸苦難通帝座長歌一曲寫憂思

其二

連天烽火歲頻驚民命何殊草芥輕鼓角酸心魂飲

泣室廬回首淚援纓室燬於庚申之變風催枯木含冤嘯水

咽寒潮作戰聲莫把昆吾燈下看負他風雨化龍鳴

其三

兩旬鑿鉞振東山賊踞東山設壇去將士誰為壁上觀

絕無援兵三徑蓬蒿人寂寂九秋霜露夜漫漫虎狼負險

成擒易寇盜臨歧望救難怪道陳陶十萬戶酸吟杜

老淚闌干

其四

去年城郭已荒墟今日歸來慘更殊鬱鬱鵠原悲骨

綏甯縣志

卷之三十六 詩

三十七

肉二兄宗義殉層層虎口剩頭臚又從燕幕營新壘

且寄鷓枝作別圖安得東南諸將帥早舒長臂挽天

弧

九日登綠塘界寓意 遊擊 高 錠

半載軍興嘆未平腸迴九曲盼佳音時逢菊放花盈

把景觸楓凋葉減陰淺水乘騎沙際軟高峯躡足屐

痕深登臨頻眺渾無極酌酒吟風一散襟

九日登尖峯界寓意 庠生 陳長祿 是年七月十四

漫道深秋景寂寥臨峯一覽趣偏饒疎風斂霧晴光

燦爽氣橫空俗慮消千朵黃花舒晚翠滿林紅葉勝
春嬌任教青女施工巧古栢蒼松永不凋

五古呈 辛山明府卽以紀績 緩甯訓導 彭 汲

蒔竹萬山中邊徼利險固黔粵戶牖交苗獠輸貨布
民俗勤惰分民性馴悍具多士富文辭秀茁莠亦錯
教養均須成愛威兼則附我公盛長者吳川師宿譽
登第選循良作牧矜遠馭今夏苦旱熾南楚州郡遽
山邑泉脉枯雲霓望不付公適權茲土下車雨隨注
生佛萬姓呼歡獲甘霖澍力穡慶有秋方穀普善諭
觀風錄試中鑑空旌翹楚泣罪愼刑生鞭蒲警頑悟
撫字厯勞心催科寬逋賦德旣播口碑風行戀棠樹

緩甯縣志

卷之三十六 詩

三十九

五日見不存期年化尤慕紀績綴以歌歌 公來何
暮

志書將竣次韻呈辛山邑侯 舉人 袁 齡

賢宰言子游經術曾子固有守有爲兼善政善教布
琴堂德輝清臨蒞模範具士民歸陶鑄遵軌孰改錯
邦侯富文藻才名海內附來自

天子所服官昭民譽不惜淮陽薄長材可短馭學道礪牛
刀游刃豈凌遽公餘緡志稿不忍流水付殷殷勤裁
定字字琳瑯注百世沐恩膏如草被甘澍又况愷悌

心戶曉家亦諭愛士酒澆趙寶善書鏡楚述古友彭
錢新詩開羣悟愧憐襪線才登高未能賦肅承珥筆
命風聲仰先樹成事非碌碌因人亦所慕壯心憑驅
策敢云年已暮

前題次韻

拔貢 艾恩拔

繡虎竝雕龍字字金湯固搦管勉續貂敢將心腹布
衆母寬猛兼大父勲猷具義用善則從法嚴枉者錯
百里起雷封愧彼陽矯附所貴勵廉隅焉用沽名譽
公來自星沙舟行勞遠馭儼同泛宅遊長途無急遽

綏甯縣志

卷之三十六 詩

四十

下車惠佳章相將素心付試士公生明寒峻蒙眷注
郇黍繼召棠仁風扇霖澍緬維邑志修諄諄垂面諭
舉燭辨遺燕翹薪言刈楚能使頑夫廉用開迷者悟
仙吏好種花大夫能作賦修己以安人百穫在一樹
翩翩獨自矜冥冥何所慕甫田沾漑多相望慰旦暮

前題次韻

恩貢 李春泰

綏本古徽州城小險而固四海訖聲教文物亦燦布
今逢德星降才子名夙具邑乘多殘缺剗劓待安錯
筆削麟經符驅馳驥尾附頓正百年簡自流千載譽

撫字實推誠行政陋駕馭從容簿領間更喜不意遽
慈祥由性成 恩澤因物付通經信足用不假挹彼
注自然宏旁敷興槁類霖澍試士念矮屋盟心先爲
諭揀金嚴披沙取材不遺楚製厥三字歌勸民早覺
悟革面與洗心順則全天賦已動榛苓思還封甘棠
樹詎足播循聲聊寫中藏慕者番可觀化無爲歎遲
暮

前題次韻

生叙浦 向德卿

粵東有宿儒品堅學尤固經濟本文章一行宏展布

綏甯縣志

卷之三十六 詩

四十一

三代直道行斯民樂治具教養師古意規模以正錯
編氓効子來多士如雲附邊徼得循良福星交口譽
百里非所難長才苦短馭月餘日不足優優豈卒遽
本欲策治安從茲藉手付左右逢其源彼此何挹注
下車膏澤施民甘似霖澍痼瘵時軫念詩歌善勸諭
理學名宦中 賢侯最翹楚春風神鼓盪秀頑均感
悟邑乘無虛文實績紀詞賦雷雨以經綸猷爲素所
樹寇君一年借聲教四隣慕慕我 賢侯來庶幾遇
旦暮

前題次韻

生員 黃朝憲

守土在得人不以山谿固維我 賢侯來學優善展
布體用無不周立達政斯具誠正砥廉隅齊治協舉
錯清兼慎且勤羶行爭趨附實政本實心無毀亦無
譽聽訟皆猶人不恃鞭箠馭靜鎮從容理底事尚急
遽士農工商儔物因物以付夙夜圖安全是其心所
注卽看雨隨車不異汪洋澍更鐫三字歌愷切申明
諭刑期于無刑示警同夏楚生佛稱萬家誰弗深感
悟邑志叨纂修中寓比興賦紙擬貴洛陽圖繪恆春

綏甯縣志

卷之三十六 詩

四十二

樹尊之日神君親之本孺慕婦稚與顓蒙相競歌來暮

喜志局將竣工次韻和彭寶田學博 汲 林聯桂 知縣

君家有郊祁史才亦遷固 頃惠哲兄 殿撰近刻 小宋盛華縟儒

官宏展布教尊官以正謀減依則具弟子廣栽植優

劣嚴舉錯撫藩交章荐卓異豈虛附我來宰徽州君

同造髦譽巖巖邊徼區凜凜朽索馭富教乏方畧簿

書兼急遽所幸州縣志先後剗劂付九十年缺畧再

三登記注有如久亢旱沛然足霖澍此邦脩文獻衆

庶藉風諭褒然首三縣

現據學政全書禮部則例申
請本州改正綏甯爲首縣

行將耀南楚闕興次第補迷者立以悟勤課上庠藝
競完下忙賦良由工化導稍獲藉建樹比彭則豈敢
御晏所欣慕相將崇令德努力保歲暮

再次韻和袁遠齋孝廉

齡

知縣

林聯桂

一縣萬山圍建邦磐石固峯峭拏飛雲水激鳴瀑布
蜿蟺鬱積中渾雄元氣具當有名宿生學優舉而錯
巋然袁邵公立名名亦附登科四十年早歲擅文譽
天官近注銓花封須遠馭人方喜動顏君胡辭之遽
著迷千古心殷勤一編付孟堅人物志道元水經注

綏甯縣志

卷之三十六

詩

四十三

大筆合淋漓若旱得甘澍我來初下車令甲頻頒諭
雞次典搜荆鳳兮歌徵楚邑乘覲成書羣生藉覺悟
得君此稿木勝獲凌雲賦亟命壽梨棗珍惜等珊瑚
一舉三善成余心尤所慕醮筆和新詩寒烟掃薄暮
三次韻和李瀚渠明經

脊泰

知縣

林聯桂

我本好爲詩人譏高叟固常袞喜章掖文翁乏刀布
澄清屬有願康濟苦無具蒔竹謬承乏直枉思舉錯
明陋察察爲鑒豈塗塗附擬將勤補拙庶幾永終譽
買犢勸編氓牧馬仰良馭菜味安若常瓜代期非遽

邑雖邊地遙民却皇天付敢以事紛繁而懈心專注
苦學姚合吟甘思楊佶澍此余區區心猶可家家□
君品殊超超筆致亦楚楚經明復行修學醇兼性悟
修志先邑倡清詩爲我賦宅多書帶草階繞芝蘭樹
人緬鄴侯裔我長子羽慕竝將青紫拾莫漫傷遲暮
己丑元日立春恭紀 辛山邑侯德政仍用 彭學

師原韻

廩生 胥尊道

帝道慶遐昌

皇圖欣鞏固履端逢令節藹藹陽□布四野樂春臺滿縣

綏甯縣志

卷之三十六 詩

四十四

欽治具仁廉□□枉直昭舉錯愕東命世才邊邑
□得附政簡□刑清化行普聲譽地屬彈丸小若凜
朽索□誠自能致物教養心集遽志乘存續稟高閣
弗忍付八十餘年闕數旬仰記注譬諸草與木挹薰
復被澍非逢分校□圭臬疇共諭虎谿開講席樗櫟
期翹楚羣遊大匠門領畧啟新悟文擅韓歐長詩宗
晉唐賦德沛膏流永遯聽風聲樹續貂豈曰人擊□
實所慕福星降蒔竹口碑傳朝暮

己丑上巳次

邑候辛山大人原韻

拔貢 吳 醇

客歲從徂署民安若堵固月明無吠犬閱墻恥尺布
刮垢光初磨四維張治具豺虎斂踪跡愚頑服舉錯
琴堂有羶行百姓如蟻附羨哉誠動物於人誰毀譽
郡邑乘志續不勞山善馭似雞亦待割牛刀未嫌遽
便便經濟儲仙骨天畀付書著億萬言咳唾珠王注
桃李下成蹊栽者是甘澍詞壇倒元白七子聲共論
濟丙羨尤名文星臨湘楚龍門獲袂捧南車指迷悟

綏甯縣志

卷之三十六 詩

四十五

虎谿親講幄登高曰必賦鑄顏雕宰心所重亟人樹
風浴誰領畧執鞭寔欣慕雨後觀綠野紀事恰春暮

七言古 呈

辛山林邑侯續修縣志告成作

增生 李 銓

纂叙鴻業需宏才肩茲任者惟艱哉修辭未易五難
脩搦管端賴三長該廿五里圖錦繡列八十年事煙
墨堆編次急待龍門續

賢宰恰自吳川來詞林囊括天質茂大雅輪扶宗匠推
心源獨汲井千古泰山不棄土一坏樹桃植李擬花
縣發微闡幽宗蘭臺公暇勤把豕虎訂大集豈僅牛
腰裁能援則例憲綱正並將承訛州板灰堪信千載

綏甯縣志

卷之三十六 詩

四十六

山河壽纔經六月梨棗災穆如六合清風洒兔若百
卉春華開不羨崑圃積屑玉却同廣廈收羣材筆削
詎假游夏贊採訪幸叨丹鉛陪謨著雖祇屬一邑傳
播行將通八垓簪筆 螭均等閑事仁看翔步

丹墀槐

喜邑志印裝工竣次李茂才 銓 見贈韻林聯桂 知縣

志書纂輯需通才權輿肇俶基初哉體將馬班范陳
做筆宜屈宋風騷該事訪輶軒遐邇脩稿森束筍縱
橫堆記事有珠串串貫助工之費源源來斯時我本

同寇借當今此事皆袁推側聞邑乘舊有稿譬彼陶
瓦初成坏長官倡之開志局衆人權若登春臺催科
斷訟得餘暇刪繁補缺歸新裁拾遺事將辨楚鐵觀
劫說或搜秦灰一邦百慶日就理五風十雨年無災
時和人樂趨事急門分類別生面開成裘良由集衆
腋作宮亦仗羅羣材釀金鳩工藉會計讐書掃葉紛
追陪裝罨成帙富楮墨不脛而走通埏垓相斯人文
蒸蔚起

木天珥筆翔班槐

綏甯縣志

卷之三十六 詩

四十七

奉和

辛山父臺和李銓頌志書告成原韻 舉人 袁齡

邦侯不僅百里才黼黻隆平亦優哉胸中羅列衆宿
聚腕下奔赴羣書該著作一出紙皆貴點竄所到金
爲堆續纂邑乘述既往聿昭勸懲垂將來須知一字
游夏紕漫把三長班馬推藻繪已自剏新樣模範詎
盡依舊坏釀彼經費諭葑屋歡若周民成靈臺驅策
羣力煩指使斟酌義例由心裁事藏行遠恆有據書
成歷劫應不灰闡幽能令鬼神泣藏櫝永逐蟲魚災

更承大澤化雨布直教小邑風氣開詞壇久擅燕許
筆治行還賽龔黃材績著內遷振羽翼鵬班鷺序相
追陪高踞祿閣校四部遠佐文治敷八垓迺知吳川
公輔器仁瞻

朝會參三槐

恭次

辛山邑侯喜邑志印裝工竣原韻

廩生

胥尊道

修史修志均需才功成半載何佳哉天地人物門門
脩忠孝節義條條該卷帙浩如烟海富事蹟積若雲

綏甯縣志

卷之三十六

詩

四十八

濤堆侯本東粵華

國選奉

簡南湖日邊來詞源滾滾此事擅腹笥便便當代推邑志
舊存遺稿在篇牘有如陶冶坯幸承點竄入史筆竟
羅匠役環琴臺一一編次遵則例字字妥叶歸鴻裁
體製尙將別晉乘補遺亦或收秦灰襃然班香并宋
艷刊之棗禍兼梨災縑零錦碎餘珍襲葩流藻斧宗
風開羅致縱鮮璠璣器採搜已盡鄉邦材勸捐助刻
役羣動青鞵布襪欣趨陪經營數月集章掖裝釘萬

帙傳埏垓拭目

欽取隆制誥高翔采藻班聯槐

恭次

幸山邑侯大人修志告成原韻

生員 龍幸明

儒者之學通三才書不纂譔奚爲哉學仰

邑侯五車富研京鍊都何兼該詩話賦話玉屑積文
稿詞稿花鼓堆今爲志乘續纂輯人有遠近胥悅來
里轄廿五獨自理集裒四十羣相推有如井井修綆
汲不讓山山撮土坏冰銜作宰懸冰鑑春風坐土登

綏甯縣志

卷之三十六 詩

四十九

春臺愧予徒得其門入校字不知何以裁不日劖劂
已脫板是時葭管方飛灰成書儘可傳楚寶傳世斷
不懼秦災金釀助刊鞭猛着傳佳索米端難開十室
之邑有忠信大匠此門無棄材珊瑚五色正迷目藥
籠一物思追陪觀風問俗備採擇言文行遠彌埏垓
讀罷志書屢翹首蟬鳴肯許依高槐
右諸古風俱仍舊板

縣署落成紀詩五十韻

瀏陽訓導

龔

琴邵陽人

聖代金甌固寰區玉帛同北門管鎖鑰南嶽聳芙蓉茶水
分通道綏山等附庸一城如斗大百里亦雷封疊石
溯諸葛甘棠咏召公牂牁漢益郡蒔竹宋元豐堞繞
門三面橋環月半弓郎星占歲稔靈氣毓高功地僻
蠻烟聚林深犴鳥通羣苗欣跳月底草自從風逆命
恒思逞王師屢徂攻流年遷播叙改土隸熙雍信及
豚魚格穿教雀鼠窮衣冠循典則禮樂更從容朱鳥
七星暗紅羊一切逢蔓延江左右嘯起粵西東鶴淚

綏甯縣志

卷之三十六

詩

五十

聲聲警鴻磬處處空關誰蹲石虎陣幾化沙蟲碧血
悲塗地黃桑痛挫鋒長官方罵賊短刃已戡胸少尉
亦人傑同時爲國忠愁雲連地黑慘月照刀紅厄運
經兵燹頻年罹鞠凶樓臺餘廢瓦雞犬卧荒叢大厦
支需棟高材綏綰銅下車思補救蒿目轉征徂有榻
難旋馬無衙但鬧蜂乃謀興芟舍次第令糾工闢地
除荆棘緣崖斫梓桐斧斤聽濯濯磬鼓響磬磬天豈
判陰雨人無怨夏冬規模仍舊貫門戶幾多重令節
先秋雁薰風颺彩虹如鶯出空谷載鶴戾喬松第見

光輝燦羣欣氣象雄堂高翔印鵲棟采繞雲龍是日
蘆笙合非烟爆竹烘牙牌鐫翰藻額匾豎玲瓏碧繖
掀華蓋朱旗拂畫櫳杖鳩皆父老竹馬走兒童式飲
觴稱兕高談座有鴻杯盤堆鴨掌珍膾勝駝峯顧此
紛華會添予感慨衷經營洵恐後冠蓋要嚴冬東坡句
慕夜懷楊震中牟憶魯恭舉頭欽戒石入夢醒晨鐘
共樂春臺上咸登衽席中官無慚召杜政自媿黃龔
嗟我束高閣虛名誤藐躬重來尋雪爪紀興入詩筒
新秋偕馬漢濤先生閒步西河橋遂遊虎谿書院

歸途紀興

龔 琴

蒔竹未能清暑氣蓮池日煎紅浪沸數聲江雁帶秋
來頓覺新涼添一味我友邛須矍鑠翁約我尋秋游
淨地行行遂過西河橋眼花欲墮心膽悸歌傾茅屋
八九間豆棚瓜架連居肆穉稭盈畦路轉迷逡巡直
上烟中寺飛山廟伴梓潼宮香花不管神顛顛沼階
童子六七人手執毛詩與周易藍橋無路乞瓊漿搗
藥空聞玉兔戲老僧不打飯後鐘日午禪關半掩閉
白雲深處青雲梯古木鬱作挈雲勢偃僂徐步且登

臨仰止門墻暫小憇解衣磅礴縱一覽萬象蒼茫豁
胸次孤城如斗畫圖開一切紅羊新點綴對門一塔
聳三星遠峙天末浮天翠左環流水右高山送綠拖
藍相拱衛東南更有雲霧山雙闕倚天瞻象魏東坡句
蜿蜒突起文筆峯一支秀特尤崑崙江山如此亦清
竒造物安排有深意古來白水生真人何處青山無
名世丈夫不讀五車書寸心那有千古事喚起山靈
勿冬烘老夫隨興發秋思長嘯一聲下虎谿隱隱文
昌現空際

綏甯縣志

卷之三十六 詩

五十二

前題次韻

訓導 李 澍

造物生才付奇氣胸涵千頃濤騰沸英華一瀉爲文
章咀嚼恍飲醕醪味昭陵夫子人中英香草共分桑
梓地記蒙君面識君交寶劍出匣心膽悸雙清秋月
比精深六嶺春雲擬宏肆碧紗籠遍王播詩红柿書
殘慈恩寺風懷落拓五十年腹笥雖腴形已頽縱教
猿臂不封侯文壇吒咤皆辟易雪泥鴻爪遍天涯毛
錐隨處恣遊戲黃梅時節接徽城晦明啟我茅塞閉
窮源會委無古今舌底翻作懸河勢飄然忽起故園

思繫之維之得小憇况逢盛典備楚書徵文考獻須
編次邑乘雖小足千秋眼光如炬元精綴硯北傳來
空谷香毫端挹取寒山翠經天緯地闡幽隱星斗動
搖神鬼衛稽自元明及宋唐惜無淵源溯漢魏鐵網
窮搜海底珠琳琅史席光萃巋化澤原不限偏隅天
作茲遊非無意從來名士愛名山未必名山負名士
虎谿山上數行詩先爲斯文紀韻事我携佳句問青
天搔首隱躍華山思秋風飲爾一杯酒送我吟響達
空際

綏甯縣志

卷之三十六 詩

五十三

前題次韻

教諭 張開謨

名山能助詩豪氣一覽開襟洗塵沸况逢秋爽健吟
身清竒宛脫蔬笋味客夏捧檄來古徽紅羊刼灰慘
滿地却羨勝境辰同名辰州書院亦名虎谿躡遍重巒忘驚悸
初踏瓦礫出南關零星闐闐過西肆雁齒排殘木架
□螭頭錦敗烟銷寺斜徑繞雲步頗艱喬木参天葉
未頽童顏山長古關西樂齋山長八十猶童璞質諸生延樂易
從知人傑由地靄讀書尋樂非遊戲茲欣騷客興亦
慵蓮花幕啓仍門閉同人携手共行行備覽蒔竹之

形勢崖城斗大足壯觀飛山剝古堪小憇綏水波紆
若帶縈民居疊疊魚鱗次遙天一塔聳筆尖列嶂屏
圍蟠龍綴眼光靨黷滃層嵐步履稽遲黏積翠快登
雅地闊吟眸四面羣峯都拱衛講堂課藝兼讀法規
條應如懸象魏士先器識後文藝休負山靄挺崇巋
古者庠序今書院我發斯言寓深意養成健翮搏長
風威鳳祥麟瑞 聖世居四民首本苟虧讀聖賢書
其何事黍秉木鐸具苦心借和瑤章闡教思廣寒丹
桂正飄香眾仙冀梯青雲際